

**Ammasumik ataatsimiinnermi oqaluuserisassat:**

- Imm. 01** Oqaluuserisassat akuersissutigineri
- Imm. 01a** Borgmesterip nalunaarutaa.
- Imm. 01b** Ataatsimiitaliani siulittaasut nalunaarutaat.

**Paasissutissiissutit**

- Imm. 02** Kommunalbestyrelsimi ilassortat 2010-mi akissarsiassaas pillugit paasissutissiissut.
- Imm. 03** Ulluunerani paarsisarfinni eqqiaasunik atorfinitsitsinissamat immikkut aningaasaliisoqarnissaanik qinnuteqaat pillugu paasissutissiissut.
- Imm. 04** 2011-mi missingersuusiornissamat 2012-imiillu 2014-imut missiliuutissatigut pingaarnertut piffissaliussassat pillugit paasissutissiissut.
- Imm. 05** PPR-ip immikkullu atuartitsinerup Namminersorlutik Oqartussanit kommuninut tunniunneqarnissaat pillugu tusarniummut paasissutissiissut.
- Imm. 06** Imigassamat katsorsartinniartunut sullissisarnerup Namminersorlutik Oqartussaniit Kommuninut nuunneqarnissaat pillugu tusarniaanermut paasissutissiissut.
- Imm. 07** Innarluutilinnik sullissinerup Namminersornerullutik Oqartussaniit Kommuninut nuunneqarnissaanik pillugu tusarniaanermut paasissutissiissut.
- Imm. 08** Niaqunngunami olivinnisiorfiup matuneqarnissaanik ilisimatitsissut.
- Imm. 09** Aluminiumik aatsitsiviliornissamik pilersaarutip aningaasaqarnikkut sunniutai – Niramit nalunaarusiaq pillugu paasissutissiissut
- Imm. 10** NORA pilersaarut – ”Communities for Change” pillugu paasissutissiissut.
- Imm. 11** KANUKOKA-p 2010-mi maajimi Ilulissani aallartitanut ataatsimiisitsinissaanut ilaasortaanermut akiliutaasartoq pillugu oqaluuserisassatut siunnersuummut paasissutissiissut.
- Imm. 12** Aningaasarsianit akileraarutit pillugit inatsisartut inatsisaata oqaaseqaatitai ilanngullugit allannguutissaattut siunnersuutip tusarniutigineqarneranut paasissutissiissut.

**Aningaasaqarnermut tunngasut**

- Imm. 13** 2010-mi missingersuutitigut iluarsiiissutissat.
- Imm. 14** 2011-mi aningaasanut inatsisissamat sanaartugassatut kissaatigisat qinnutiginnissaat.

- Imm. 15** Ulluunerani paaqqinnittarfinni sulisut meeqqallu amerlassusiligaanerisa allanngortinneqarnerat.
- Imm. 16** Sisimiut illoqarfiani atuarfiit nutarterneqarnissaat.
- Imm. 17** Immikkut aningaasaliissutinik qinnuteqaat - Sisimiuni ikuallaavik pillugu nassuiaat.
- Imm. 18** Missingersuutini nuutsineq - Ilinniartut inissaanni 30-isuni isaarissanik innarluutilinnut naleqqussaanissaq pillugu missingersuutip A-p iluarsineqarnissaa.
- Imm. 19** Maniitsup siunissami ineriartornissaa pillugu innuttaasut nalunaarusiaannik ingerlatseriaqqinnissaq – missingersuutini nuutsineq.

**Suliassat nalinginnaasut**

- Imm. 20** Kommunip pilersaarutaanut tapiliussaq nr. 37.
- Imm. 21** Pujoorfinnik paaviaasarnermi akiligassiisarnermi maleruaqqusaq.
- Imm. 22** Pingaartitat anguniakkallu.
- Imm. 23** Inuutissarsiutitigut 2010-mut pilersaarut.
- Imm. 24** Qeqqata Kommuniani eriagisassat pillugit – UNESCO.
- Imm. 25** Qeqqata Kommuniani nunaqarfinnut ilaasunik angallassineq.
- Imm. 26** Oqaluuserisassatut siunnersuut – Qeqqussat nioqqutissiarineqalernissaannut misissuisoqarnissaa.
- Imm. 27** Oqaluuserisassatut siunnersuut – Sisimiuni bussit unittarfiisa inissisimaffiisa nikisinneqarnissaat.
- Imm. 28** Oqaluuserisassatut siunnersuut – Qeqqata Kommuniani ilinniartitsisoqarniarneq.
- Imm. 29** Apeqquteqaatit – Atammimmi Napasumilu pissutsit assigiinngitsut.
  
- Imm. 30** Tamalaat.

**Qeqqata Kommunia - Kommunalbestyrelsen februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Ataatsimiinneq aallartissaaq nal. 08:35  
Ataatsimiinneq videokonferenci atorlugu ingerlanneqarpoq.

*Peqataasut:*

***Atassut***

Søren Alaufesen, Sisimiut  
Karl Davidsen, Maniitsoq  
Bitten Heilmann, Maniitsoq

***Inuit Ataqtigii***

Ane Marie Schmidt Hansen, Sisimiut  
Olga Berthelsen, Sisimiut  
Regine Petrussen, Sisimiut - Katrine Larsen Lennert taarsarlugu  
Anda Berthelsen, Sarfannguit  
Beathe Poulsen, Atammik

***Siumut***

Hermann Berthelsen, Sisimiut  
Evelyn Frederiksen, Sisimiut  
Alfred Olsen, Sisimiut – Imm. 17 ilanngullugu peqataavoq,  
Karl Lyberth, Maniitsoq  
Efraim Olsen, Kangaamiut  
Hans Frederik Olsen, Sisimiut  
Morten Siegstad, Sisimiut

*Nalunaaruteqarlutik peqataannngitsut:*

Katrine Larsen Lennert (IA)

*Nalunaaruteqaratik peqataannngitsut*

**Imm. 01 Oqaluuserisassat akuersissutigineri**

**Aalajangiineq**

Tamalaani apeqquteqaatit:

Regine Petrussen, Kangaamiuni Katersugaasivimmut tunngasoq.

Anda Berthelsen, Ataatsimiititaliani siulittaasut nalunaarutaasa ilaannginneri.

Morten Siegstad, 2010-mi missingersuutini Kangerlussuarmi illuaqqamut tunngasoq.

Karl Davidsen, Qeqqata Kommuniani suliffissaaleqineq aamma Maniitsumi naluttarfittaarniaqatigiit katersaat.

Imm. 28-mi naqinnerliukkat iluarsineqassapput.

Borgmesterip nalunaarutaa Imm. 01a-tut, Ataatsimiititalini siulittaasut nalunaarutaat Imm. 01b-tut ilanngunneqassapput.

Oqaluuserisassat akuersissutigineqarput.

**Imm. 01a Borgmesterip nalunaarutaa**

**Aalajangiineq**

Borgmesterip nalunaarutaa oqaaserineqartut ilanngullugit tusaatissatut tiguneqarput.

**Imm. 01b Ataatsimiititaliani siulittaasut nalunaarutaat**

**Aalajangiineq**

Ataatsimiititaliani siulittaasut nalunaarutaat oqaaserineqartut ilanngullugit tusaatissatut tiguneqarput.

**Imm. 02 Kommunalbestyrelsimi ilassortat 2010-mi akissarsiassaar pillugit paasissutissiissut**

*Journalnr. 06.01.01*

Tunuliaqutaq

Ukiup tulliinuut atatillugu kommunalbestyrelsimi ilaasortat akissarsiassaar ukiut tamaasa ukiup tullis-  
saanut missingersuusiornermini kommunalbestyrelsip akuersissutigisarpai. Allaffeqarfimmi ulapin-  
nerujussuup kinguneranik kommunalbestyrelsimi nunaqarfinnilu aqutsisuni 2010-mut akissarsiassat  
ajoraluurtumik ilanngunneqanngitsoorsimapput.

Maleruagassatigut tunngavissaq

Borgmesterinik borgmesterillu tulliinik kiisalu kommunalbestyrelsimut nunaqarfinnilu aqutsisunut  
ilaasortanik il.il. akissarsiaqartitsineq pillugu Namminersornerullutik Oqartussat nalunaarutaat nr. 29,  
18. december 2008-meersoq (akissarsiat pillugit nalunaarut).

Nalunaarutip nr. 29 decembarip 18-ni 2008-imeersumi takuneqarsinnaavoq:

**§ 1.** Borgmesterip akissarsiassai kommunalbestyrelsimut taassuma atuuffianut aalajangersarneqas-  
sapput.

*Imm. 2.* Ukiumut tullermut missingersuusiornermut atatillugu borgmesterit tulliisa, kommunalbesty-  
relsinut nunaqarfinnilu aqutsisunut ilaasortat, ataatsimiitaliani siulittaasut nunaqarfinnilu aqutsisuni  
siulittaasut akissarsiaasa annertussusissaar kommunalbestyrelsip aalajangersassavaa.

**§ 2.** Borgmesteri ukiumut akissarsiaqartinneqassaaq annerpaamik Kalaallit Nunaanni ilinniagartuut  
kattuffiaata Akademikernes Sammenslutning i Grønlandip (AS-G) isumaqatigiissuteqarfiini tjeneste-  
mandinut akissarsiat pillugit isumaqatigiissutit qaqugukkulluunniit atuuttut naapertorlugit akissaa-  
teqarfiit 38-iannut, nalinginnaasumik tapiissutit ilanngullugit, naapertuuttumik kisiannili nalingin-  
naasumik akissateqarfiit nikerarnerinut tapiissutit ilanngunnagit, aamma tapiissutit tamaasa eqqar-  
saatigalugit 1.4. 1991 akit naapertorlugit ukiumut tunngaviusumik kr. 130.600-unik immikkut ta-  
piissutitalimmut, aamma ukiumut tunngaviusumik kr. 174.130-nik immikkut tapiissutitalimmut, kii-  
salu aamma suli ukiumut tunngaviusumik kr. 12.100-unik immikkut tapiissutitalimmut, naapertuut-  
tumik sulinnigiffeqartarnerlu pillugu inatsit naapertorlugu immikkut sulinnigiffeqarnerisuteqartitsiso-  
qassalluni.

*Imm. 2.* Borgmesterip akissarsiai tunniunneqartassapput Kalaallit Nunaanni ilinniagartuut kattuffia-ta  
Akademikernes Sammenslutning i Grønlandip (AS-G) isumaqatigiissuteqarfiini tjenestemandit  
qaammammusiallit akissarsiaasa tunniunneqartarnerattut.

*Imm. 3.* Borgmesterit Naalakkersuisut akuersisimatinnagit borgmesteritut akissarsiamik saniatigut  
nalunaarut manna malillugu kommunimi suliaritanut allanut akissarsiaqarsinnaanngillat.

**§ 5.** Kommunalbestyrelsip kommunalbestyrelsimut ilaasortat aalajangersimasumik akissarsiaqartis-  
savai amerlanerpaamik akissarsiap § 2, imm. 1-mi taaneqartup arfinilinnorlugu avinneranik ataatsi-  
simik.

*Imm. 2.* Akissarsiat tunniunneqartassapput kommunalbestyrelsimut ilaasortanut tamanut akissarsi-  
assat amerlanerpaaffissaasa agguarneri assigiimmik annertussuseqartillugit.

**§ 7.** Ataatsimiitaliani siulittaasunut ilassutitut aningaasarsianut kommunip aningaasartuutai tamar-  
miusut ukiumut amerlanerpaamik akissarsiap § 2, imm. 1-imi taaneqartup affarisinnaavai.

Pissutsit atuuttut

Qeqqata Kommuniani qinikkat tulliuttut akissarsiaqartitaassapput:

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Kommunalbestyrelsi: ilaasortat 15-it, taakkunannga borgmesteri 1 tullersortaalu marluk  
Ataatsimiititaliani 7-it, borgmesterip siulittaasuuffigisaa aningaasaqar-  
nermut ataatsimiititaliaq ilanngullugu.

Nunaqarfinni aqutsisut (4): ilaasortat 16-it, taakkunannga siulittaasut 4-t  
Borgmesterip akissarsiai aprilip 1-ani 2009-mi Kalaallit Nunaanni Naalakkersuisut Akademikernes  
Sammenslutning i Grønland (ASG) isumaqatigiissutaat atuuttoq naapertorlugu iluarsisaapput. Iluar-  
siissuteqarneq kommunalbestyrelsimi nunaqarfinnilu aqutsisunut ilaasortanut iluarsisutaanngilaq,  
naak akissarsiat taakku ilai borgmesterip akissarsiai tunngavigalugit aqqitaagaluit (tassa 1/6 aam-ma  
1/12), kommunalbestyrelsimmi borgmesterip tulliaata, kommunalbestyrelsimi nunaqarfinnilu  
ataatsimiititaliani ilaasortat akissarsiassaasa annertussusissaat ukiup tullianut missingersuusiorner-mut  
atatillugu aalajangersartarmagit.

Kommunalbestyrelsimi nunaqarfinnilu aqutsisunut ilaasortat akissarsiaat annertunerpaamiitinniar-  
nerlugit taamatullu ataatsimiititaliaq siulittaasuisa akissarsiassaata suliaannut naapertuuttumik aq-  
qinniarnelugit kommunalbestyrelsip nammineerluni aalajangiiffigissavaa.

Nalunaarut nr. 29, 18. december 2008-meersoq aprilillu 1-ani 2009-mi iluarsisusutit naapertorlugit  
akissarsiassat tulluuttutut isikkoqarput:

Akissarsiassat naatsorsorneri annerpaamiitinniaaraanni – tassa 01.04-mi iluarsisuteqartoqassappat:

Qeqqata Kommunia <b>Akissarsiat</b>	01.04-mut		Pr.	01.04-miit
<u>Akis.aalajangersarneri:</u>	<u>qaammammut</u>	<u>01.04.2010</u>	<u>qaammammut</u>	<u>2010</u>
Borgmesteri	69.706,44	209.119,32	71.187,98	849.811,14
Borgmesterip tullia siulleq	10.455,97	31.367,91	10.678,20	127.471,71
+ kom. ilaasorta	11.617,74	34.853,22	11.864,66	141.635,16
+ ataats. siulittaasua	5.808,87	17.426,61	5.932,33	70.817,58
Borgmesterip tulliaata tullia	0	0	0	0
+ kom. ilaasorta	11.617,74	34.853,22	11.864,66	141.635,16
+ ataats. siulittaasua	5.808,87	17.426,61	5.932,33	70.817,58
Kom. ilaasortat 12	139.412,88	418.238,64	142.375,92	1.699.621,92
Ataats. siul. 4 (- ØKU)	23.235,48	69.706,44	23.729,32	283.270,32
Nuna. aqutsisunut ilaas.16	92.941,92	278.825,76	94.917,28	1.133.081,28
Nuna.aq. siulittaasui (tapit)	<u>23.235,48</u>	<u>69.706,44</u>	<u>23.729,32</u>	<u>283.270,32</u>
	<b>393.841,39</b>	<b>1.179.724,77</b>	<b>402.212,00</b>	<b>4.801.432,17</b>

Tamanna ima paasineqassaaq, qinikkat 2010-mi akissarsiassaata ataatsimut katillugit 4.801.431,17  
koruuniussasut 01.04 2010-mi iluarsisusutissat ilanngullugit.

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Aningaasaqarnikkut allaffissornikkullu kingunerisinnaasai

Naatsorsuinerit naapertorlugit akissarsiat ukiup nikinnerani januaarip 1-aniit 2010-mi imatut qaffassapput: Kommunalbestyrelsimi ilaasortanut qaammammut 11.309,24 koruuniniit 11.617,71 koruuninut, tassa qaffariaat qaammammut **308,50 koruuninik** kiisalu 01.04-mi qaffariaqqissallutik qaammammut 246,92 koruuninik, tassa qaammammut 11.864,66 koruuninngorlutik, annerpaaffissaat naapertussagaanni.

Nunaqarfimmi ilaasortat, ataatsimiititalianut siulittaasut nunaqarfinnilu aqutsisut siulittaasuisa akissarsiaat qaammammut 5.654,62 koruuniniit 5.808,87 koruuninut, tassa qaffariaat qaammammut **154,25 koruunit** kiisalu 01.04-mi qaffariaqqissallutik qaammammut 123,46 koruuninik, tassa qaammammut 5.932,33 koruuninngorlutik, annerpaaffissaat naapertussagaanni.

Qullersaqarfiup oqaaseqaatai

Immikkut oqaaseqaatitassaqaanngilaq.

Allaffeqarfiup innersuussutaa

Kommunalbestyrelsi nunaqarfinnilu aqutsisut akissarsiaannik iluarsisuteqarnissap ullulernissaa pillugit allaffeqarfik Nakkutilliisoqarfimmut saaffiginnissuteqarnikuvoq, tassa borgmesterip akissarsiaasa AS-G-ip iluani tjenestemandit akissarsiaasaat pillugit isumaqatigiissut atuuttoq naapertorlugu iluarsineqartarmata. Nakkutilliisoqarfiup allatseqarfiata oqaaseqaatigivaa, kommunalbestyrel-sip missingersuusiornerminut atatillugu aalajangiiffigisinnaagaa, ”Borgmesterip, kommunalbestyrel-simi ilaasortat, ataatsimiititaliani siulittaasut, nunaqarfinni aqutsisunut ilaasortat il.il. tamatigut akissarsiaasaat annerpaaq atorlugu akissarsiaqartinneqassasut, tak. Akissarsiat pillugit nalunaarut”.

Tamanna tunuliaqutaralugu allaffeqarfik ima naliliivoq, borgmesterip akissarsiaasa iluarsiiiffineqartarnerat taamaallunilu qinikkat akissarsiaat ilanngullugit, tamatigut AS-G-ip iluani tjenestemandit akissarsiaasaat pillugit isumaqatigiissut atuuttoq naapertorlugu pisassasut.

Allaffeqarfik naliliivoq, ataatsimiititaliat siulittaasuisa annertuumik suliassallit, soorlu Ilaqutariinnermut ataatsimiititaliami siulittaasoq, siulittaasunut allanut sanilliullugit annertunerusumik akissarsiaqartitaanissaat kommunalbestyrelsip nalilersortariaqaraa.

Allaffeqarfiup innersuussutaa

Siunnersuutigineqassaaq, aningaasaqarnermut ataatsimiititaliap innersuussutigissagaa, borgmesterip kommunalbestyrelsi sinnerlugu akuersissutigissagai,

kommunalbestyrelsimi nunaqarfinnilu aqutsisunut ilaasortat akissarsiat tamatigut annerpaaffigisinaasaat malillugit akissarsiaqartinneqassanersut

qinikkat akissarsiaasa ulloq iluarsiiiffineqartarnerat AS-G-ip iluani tjenestemandit akissarsiaasaat pillugit isumaqatigiissut atuuttoq naapertorlugu pisassanersut

ataatsimiititaliat siulittaasuisa suliaqassusii naapertorlugit akissarsiaat allangorassanersut

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap novembarip 30-ani 2009-mi immikkut ittumik ataatsimiinnermini suliaq sularivaa.

Innersuussutigineqartut akuersissutigineqarput, taamaattoq ataatsimiititaliat siulittaasuisa akissarsiaasa agguataaqqaneri ullumikkutut ingerlaannassasut aalajangerneqarpoq, kingusinnerusukkulli allangorassanersut eqqartorneqassaaq, aaqqissuusaaq pillugu seminerimi eqqartorneqartut innersuussutigalugit.

**Qeqqata Kommunua - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Borgmesterip suliamik suliarinninnera

Kommunalbestyrelsi sinnerlugu borgmesteri novembarip 30-ani 2009-mi aalajangiivoq,

kommunalbestyrelsimi nunaqarfinnilu aqutsisunut ilaasortat akissarsiat tamatigut annerpaaffigisin-  
naasaat malillugit akissarsiaqartinneqassat

qinikkat akissarsiaasa ulloq iluarsiiqqineqartarnerat AS-G-ip iluani tjenestemandit akissarsiassa  
pillugit isumaqatigiissut atuuttoq naapertorlugu pisassat

ataatsimiitaliat siulittaasuisa akissarsiaat ullumikkutut ingerlaannassat

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq,

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussat**

1. Illup iluani atugassatut Illup iluani kukkunersuiisup nakkutilliisullu allakkiaa
2. akissarsiat naatsorsornerisa eqitsisitaat



**Imm. 03 Ulluunerani paarsisarfinni eqqiaasunik atorfinitsitsinissamut immikkut  
aningaasaliisoqarnissaanik qinnuteqaat**

*Journalnr. 06.02.01 / 44.01*

Tunuliaqutaq

Ulluunerani paaqqinnittarfiit ulluunerani paarsisarfinngortinneqarnissaannut suliatta saniatigut ajoraluartumik eqqiaasut eqqarsaatiginngitsoorsimavagut. Taamaattumik ulluunerani paarsisarfinni Naasunnguaq-mi/Sarfannugit, Nuunu-mi/Itilleq, Mikisoq-mi/Sisimiut aamma Inequnaqqat-ni/Atammik ullup affaanik eqqiaasussanik atorfinitsitsinissatsinnut immikkut aningaasaliisoqarnissaanik qinnuteqarpugut.

Ulluunerani paarsisarfik Naja/Kangaamiut eqqarsaatigalugu meeqqeriviup saniatigut atuarfimmi init marluk meeqqeriveqarfissatut atorneqarnissaat pilersaarutigineqarmat, ulloq naallugu sulisussamik eqqiaasumik atorfinitsitsisoqarnissaa kissaatigineqarpoq. Kangaamiuni meeqqat meeqqerivimmiittartut 32-ussapput. Atuarfimmi init marluk meeqqerivittut atorneqassappata ulloq naallugu sulisussamik eqqiaasumik atorfinitsitsisoqassaaq, inilli taakku marluk atorneqassanngippata allatuullu ullup affaanik sulisussamik atorfinitsitsisoqassaaq.

Napasog-mi angerlarsimaffimmi paarsisartut kisimik atorneqarmata eqqiaasumik atorfinitsitsisoqassanngilaq.

Maleruagassatigut tunngavissat

Meeqqanut suli atualinngitsunut perorsaaniikkut inerikkiartuutaasunik ulluunerani neqerooruteqartarneq pillugu inatsisartut peqqussutaat nr. 10, 2008-mi decembarip tallimaaneersoq

Pissutsit atuuttut

Ulluunerani paarsisarfinni sulisut tamarmik meeqqanik sisamanik nakkutigisaqartartussaammata eqqiaanissamut piffissaqanngillat, ulluuneranilu paarsisarfinngortussanit saaffigineqaratta atsaat ajoraluartumik tamanna eqqumaffigilerlutigu. Taamaattumik ulluunerani paarsisarfinni minnerusuni ullup affaanik sulisussanik, Kangaamiunilu Naja-mi atuarfimmi init marluk meeqqerivittut atorneqassappata ulloq naallugu sulisussamik eqqiaasunik atorfinitsitsisoqarnissaa qinnutigineqarpoq. Ulluunerani paarsisarfiit angissusaat eqqarsaatigalugu tamarmik angeqqatigiinnangakapput, Kangaamiunili atuarfimmi init marluk atuarfimmit atorneqannginnerat patsisigalugu taakku aamma meeqqerivittut atorneqarnissaat anguniarneqarpoq. Taamaattoqassappat Kangaamiuni ulluunerani paarsisarfimmi init pingasut eqqiarneqartartussaassapput.

Aningaasaqarnikkut allaffissornikkullu kingunerisinnaasai

Ullumikkut ulloq naallugu sulisumut akigititat 223.000 kr.-iuvoq, akigititarli aallaavigalugu sulisunut sisamanut ullup affaanik, ataaserlu ulloq naallugu sulisartussanut aningaasartuutissat 669.000 kr.-it missaanniipput.

Allaffeqarfiup naliliinera

Meeqqeriviit ulluunerani paarsisarfinngortinneqarnerisigut sulisut tamarmik meeqqanik sisamanik nakkutigisaqassapput, meeqqallu nerisinneqartarnissaat sulisut namminneerlutik isumagisussaamatigut ulluuneranilu paarsisarfiit meeqqerivisuulli ammasartussaammata aamma eqqiaasarnissaannik piumaffigisinnaanatigut.

Taamaattumik sulisut meeqqanik sullissinerminniinnaq aallussiniassammata, eqqiaasunik atorfinitsitsisoqarnissaa qinnutigineqarpoq.

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Atuarfinni nunaqarfinnilu allaffeqarfiit eqqiarneqartarnerinut qanoq ingerlariaaseqartoqarneratigut aningaasaqarnermut pisortaq apeqquteqaateqarnikuuvoq. Nunaqarfinni allaffeqarfiit errorsisarfinni sulisunit paarlakaattumik eqqiarneqartarput, atuarfiillu namminneq eqqiaasoqarlutik. Qanorluunniit pisoqaraluarpat ulluunerani paarsisarfiit eqqiarneqartarnerat akiliutitaqartussaavoq.

Ilinniartitaanermut immikkoortortaqaarfiup innersuussutaa

Innersuussutigineqassaaq, ulluunerani paarsisarfinni eqqiaasunut ikiortissanik atorfinitsitsinissamut immikkut aningaasaliisoqarnissaanik qinnuteqaat akuersissutigineqassasoq.

Ilinniartitaanermut, Kulturimut Sunngiffimmullu ataatsimiititaliami suliap suliarinera

Ilinniartitaanermut, Kulturimut Sunngiffimmullu ataatsimiititaliap decembarip 9-ani 2009-mi ataatsimiinnermini suliaq suliarivaa.

Innersuussut tunngaviatigut akuerineqarpoq, allaffeqarfimmu utertinneqarpoq aningaasat suminggaanniit aaneqarnissaat paaseriarlugu siulittaasup aningaasaqarnermut ataatsimiisitaliamut kommunalbestyrelsimullu ingerlateqqissavaa, ilanngullugu misissorneqassaaq namminersortunut suliaasat tunniunneqarsinnaanersut asaasoqarneq eqqarsaatigalugu.

Siulittaasup aaliangiinissaanut innersuussut

Innersuussutigineqarpoq aningaasat pisariaqartinneqartut kr.669.000,- karsimit tiguneqassasut:

Konto	Taaguutaa	Akuersissutit	Atussangatitat	Pisariaqartitat
50-xx-xx	Ulluunerani paaqqinnittarfiit, eqqiaaneq	0	669.000,-	<b>+669.000</b>
xx-xx	Karsi			<b>-669.000</b>

Siulittaasup aaliangernerera

Ataatsimiititaliap siulittaasuata decembarip 9-ani 2009-mi innersuussut akuerivaa, suliarlu aningaasaqarnermut ataatsimiititaliamut kommunalbestyrelsimullu akuerisassanngorlugu ingerlateqqinneqassaaq.

Aalajangiineq pillugu ataatsimiititaliaq tullissaanik ataatsimiileruni ilisimatinneqassaaq,

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap decembarip 15-ani 2009-mi ataatsimiinnermini suliaq suliarivaa.

Ilinniartitaanermut Kulturimut Sunngiffimmullu ataatsimiititaliap siulittaasuata aalajangiinera akuersissutigineqarpoq.

Borgmesterip suliamik suliarinninnera

Kommunalbestyrelsi sinnerlugu borgmesteri decembarip 16-ani 2009-mi aalajangiivoq,

Eqitsit qulaaniittoq naapertorlugu 669.000 kr.-nik ulluunerani paarsisarfinni eqqiaasunik atorfinitsitsinissamut immikkut aningasaliissuteqartoqassasoq

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq,

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussaq**

Ilanngussaqaanngilaq

**Imm. 04 2011-mi missingersuusiornissamut 2012-imiillu 2014-imut missiliuutissatigut  
pingaarnertut piffissaliussassat pillugit paasissutissiissut**

*Journalnr. 06.01.01/2011*

Tunuliaqutaq

Qullersaqarfiup februaarip tallimaani 2010-mi ataatsimiinnermini 2011-mut missingersuusiornissamut 2012-imiillu 2014-imut pingaarnertut piffissaliussassat pillugit siunnersuut oqallisigivaat.

Maleruagassatigut tunngavissat

Aqutsinermi inatsit naapertorlugu tulliuuttuni takuneqarsinnaavoq:

§ 25. imm. 4 aamma 5 naapertorlugit, Aningaasaqarnermut ataatsimiititaliap suliassarivai:

4) Aningaasatigut ingerlatsinermut atatillugu tunngaviusussanik maleruagassiorneq, ataatsimiitita-liat ataavartut kommunalbestyrelsimut inassuteqartarneranni pituttuisumik maleruarneqartussaasu-nik.

5) Aningaasaqarnermut ataatsimiititaliap isumagissavaa ataqatigiissaassalluguluunniit kommunip immikkoortunut pilersaarusionera, ataatsimut atorneqartussanik pilersaarusionermut maleruagas-siornermigut paasissutissallu qanoq annertussuseqarnissaannut aalajangersaanermigut.

§ 40. imm. 1, 2 aamma 3 naapertorlugit Aningaasaqarnermut ataatsimiititaliap kommunip ukiumoortumik aningaasartuutissanut missingersuutai kommunalbestyrelsimut ingerlatinneqartussat suliarissavai. Siunnersuutit ukiunut tulliuuttunut minnerpaamik pingasunut missingersuusianik imaqassapput.

*Imm. 2.* Ukiumoortumik aningaasartuutissanut missingersuusiani ilaatinneqassapput kommunip isertitassai aningaasartuutissaalu tamarmiusut aammalu aningaasani tigorianaanni nikerarnerit aamma aningaasaatit nikerarneri.

*Imm. 3.* Ukiumoortumik aningaasartuutissanut missingersuusialaq tamatigut takussutissaassaaq aningaasartuutissatut isertitassatullu aammalu allatigut nikeriaatissatut ilimagineqartunut.

Pissutsit atuuttut

Kommunit kattunerinit ukioq ataaseq qaangiutiinnartoq 2011-mut missingersuusiornissamut 2012-imiillu 2014-imut missiliuuteqarnissamut missingersuutitigut iluarsiiisoqartariaqarunangilaq.

Taamaattumik 2011-mut missingersuutitigut killiliussatigut kiffartuussinerit naapertuuttunngorsarneqarnissaat ilanngunneqannginnerini, taamatullu killiliussat nalunaarutigineqannginnerini, 2009-mut naatsorsuutit naammassineqarsimanissaat misissorneqareersimanissaallu pissusissamisuusaaq.

Taamaammat 2011-mi missingersuutitigut ukiunullu 2012-imiit 2014-imut missiliuuteqarfiusunut killiliussassat aatsaat apriliimi nalunaarutigineqarsinnaassapput.

Aningaasaqarnikkut allaffissornikkullu kingunerisinnaasai

Piffissaliussassat namminneq aningaasartuuteqarfiunatillu allaffissornikkut sunniuteqassanngillat, kisiannili eqqortumik missingersuutitigut suliaqarnissaq annertuujullunilu ajornakuusoortuuvoq, matumanilu allaffissornikkut nukippaaluit atorneqassallutik.

Politikkikkut partiit ataatsimiititaliallu 2011-mut missingersuutitigut ukiunullu 2012-imiit 2014-imut missiliuuteqarfiusunut siunnersuuteqarnissaat 2010-mi juunip 18-ianut killiligaammat oqaatigineqartariaqarpoq.

**Qeqqata Kommunio - Kommunalbestyrelsi februaari 23-ani 2010-mi ileqquusumik  
ataatsimiinnerata 01/2010-p imaqarniliornera**

Allaffeqarfiup naliliinera

Allaffeqarfiup 2011-mut missingersuutitigut ukiunullu 2012-imiit 2014-imut missiliuteqarfiusunut aningaasaqarnikkut eqqortunik killiliussinissaq pingaaruteqartutut isigivaa. Taamaattumik piffissaliussassat massakkut saqqumiunneqarput, 2009-mulli naatsorsuutit akuersissutigineqarnerinut atatillugu killiliussassat qaammatinik marlunnik kingulliullutik nalunaarutigineqarumaarlutik.

Aningaasaqarnermut ataatsimiititaliami suliaq suliarinera

Aningaasaqarnermut ataatsimiititaliap februaari 9-ani 2010-mi ataatsimiinnermini suliaq suliarivaa. 2011-mut missingersuutitigut ukiunullu 2012-imiit 2014-imut missiliuteqarfiusunut pingaarnertut piffissaliussassat akuersissutigineqarput.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussaq**

1. 2011-mut missingersuutitigut ukiunullu 2012-imiit 2014-imut missiliuteqarfiusunut pingaarnertut piffissaliussassat.

**Imm. 05 PPR-ip immikkullu atuartitsinerup Namminersorlutik Oqartussanit kommuninut tunniunneqarnissaat pillugu tusarniummut paasissutissiissut**

*Journalnr. PPR*

Tunuliaqutaq

PPR immikkullu atuartitsinerup Namminersorlutik Oqartussanit kommuninut tunniunneqarnissaat pillugu KANUKOKA 2009-mi novembarip 10-ani tusarniummik nassitsivoq.

Maleruagassatigut tunngavissat

Atuarfik pillugu inatsisartut peqqussutaat nr. 8, 2002-mi maajip 21-aneersumi § 15 aamma Meeqqat atuarianni immikkut ittumik atuartitsisarneq aammalu allamik immikkut perorsaanikkut ikiorsisarneq pillugu Namminersornerullutik Oqartussat nalunaarutaat nr. 22, 1998-imi juulip 23-aneersoq aallaavigalugit PPR sulisarpoq. Taakku kingunerisaanik atuartunik pineqartunik tarnikkut atukkatigut misissuinikkut, nalilersuinikkut siunnersuinikkullu perorsaanikkut tarnikkullu siunnersuisarneq Naalakkersuisut susassaqaarfigaat.

Pissutsit atuuttut

PPR-ip immikkullu atuartitsinerup kommuninut tunniunneqarnissaat pillugu 2008-mi tusarniutigineqartumut atatillugu paasissutissat annertunerusut pissarsiarineqarnissaat kommunit ilaasa kissaatigaa. Tamanna tunuliaqutaralugu suleqatigiissitaq suliaqarpoq, kommunillu kissaataat naapertorlugu akunnerit qinnutigineqartut Namminersorlutik Oqartussaniillu tunniunneqartut pillugit Nammersorlutik Oqartussat paasissutissanik nutaanik tunniussillutik.

KANUKOKA-p allatseqarfiata nalilerpaa, PPR-ip immikkullu atuartitsinerup tunniunneqarneratigut suliamut attuumassutinik suliaqarneq nukittorsarneqassasoq, soorluttaaq pitsaannerusumik ataqatigiissaarisinnaalertoqarlunilu nukissat eqaannerusumik atorluarneqarnerulersinnaassasut. Taamaattumik KANUKOKA-p allatseqarfiata innersuussutigaa, PPR immikkullu atuartitsinerup 2010-mi juulip aallaqqaataani kommuninut tunniunneqassasut. Tamatuma saniatigut KANUKOKA-p kissaatigaa, Aningaasanut inatsisitigut siunertanut aningaasat immikkoortinneqarsimasut tunniussinermut malinnaatinneqassasut.

Siulersuisut innersuussutigaa, PPR immikkullu atuartitsinerup 2010-mi juulip aallaqqaataani kommuninut tunniunneqassasut.

Aaqqissuussaaneq

Ullumikkut Kujataani PPR-ip Ittoqqortoormiit, Nanortalik, Narsaq, Qaqortoq Paamiut aamma Ivittuut sullitarai.

Avannaani PPR-ip Qaanaaq, Upernavik, Kangaatsiaq, Aasiaat, Qasigiannuguit, Qeqertarsuaq aamma Ilulissat sullitarai.

Kommunit tullinnguuttut PPR-imik tigusereerput: Nuuk, Maniitsoq, Sisimiut, Uummannaq aamma Tasiilaq. 2009-mut aningaasat tapiissutigineqartussat 1 mio. kr.-iussangatinneqarput.

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Suliatigut suleriaaneq, ullumikkut suliassaq qanoq suliarineqarpa.

Atuarfeqarfinni immikkut atuartinneqartunut atuartitsinerup pitsaassusaa sunniutaalu qaffassarumallugu perorsaaniikkut tarnikkullu siunnersuillutik allaffeqarfiit atuarfeqarfinnut siunnersuisarput. Tamatuma saniatigut immikkut atuartinneqartartuni atuartitsinerup pitsaassusaata aamma eqaatsumik, sunniuteqarluartumik anguniagalimmillu ingerlanneqarnerata qaffassarneqarnissaanut peqataasarlutik.

PPR-ip allaffeqarfii nammineq ingerlapput. Suleqatigiissitap sulineranut atatillugu PPR-ip allaffeqarfii suliaminnik allaaserinnillutik suliniarnermut taperseeqquneqarsimapput: ”PPR sulerisarpa? atuarfeqarfimillu PPR qanoq atortarpaat?”

PPR sulerisarpa?

Atuarfeqarfinnit, angajoqqaanit atuartuniilluunniit saaffiginnittoqaraangat PPR qisuariartarpoq. Saaffiginnissutit taakku allakkatigut, oqarasuaatikku namminerluunniit takkulluni saaffiginnissuteqarnikkut pisarput.

Nunap immikkoortortaani atuarfeqarfinnut PPR angalasarpoq, tassanilu atuarfiit kissaataat naapertorlugit sulisoqartarluni.

Atuarfiup immikkut atuartitsinissamik neqeroorutaannut PPR siunnersuisarpoq kiisalu PPR-ip immikkut atuartitsinerup pitsaassusaa qulakkeertussaammagu, atuarfeqarfinni immikkut atuartitsinerit nakkutigineqarput.

Suliap qanoq ittuunera apeqqutaatillugu PPR ilaatigut tullinnguuttunik suliaqartarpoq:

- Atuartunik/angajoqqaanik oqaloqateqarneq.
- Ilinniartitsisunik attuumassuteqartunik oqaloqatiginnittarnerit.
- Tarnikkut atukkatigut misissuinerit.
- Perorsaanermi misiliinerit (atuaanikkut, nalinginnaasumik ineriartorneq, kisitsineq il.il.)
- Atuaqatigiinni malinnaaneq.
- Atuaqatigiinni angajoqqaatigiinnilluunniit paasisitsiniaaneq.
- Ilinniartitsisunut pikkorissartitsinerit annikinnerusut.

Atuarfiit PPR qanoq atortarpaat?

Pisuni tamani PPR akulerunneqartillugu angajoqqaat atuartullu tamanna pillugu oqaloqatigineqareernerisigut atuartup angajoqqaavi akuersitillugit atsiortinneqarsimasassapput. Ilinniartitsisutut atuartup ineriartornera ernumassutigineqarpat, immikkut atuartinneqartartuni siunnersortaalluni ilinniartitsisoq atuarfimmilu pisortaq suleqatigalugu tamanna pillugu PPR-imut saaffiginnissuteqartoqarsinnaavoq.

Tamatuma saniatigut atuaqatigiinnik atuartitsinissami imaluunniit atuartitsineri ajornartorsiut aalajangersimasoq pillugu siunnersorneqarnissamik pisariaqartitsisoqartillugu PPR saaffigineqarsinnaavoq.

Atuarfiup pisortaa atuartumik PPR-ip misissorneqarnissaanut innersuussisinnaavoq. Tamanna atuarfinni pigineqartup eqitsisip immersorneratigut pissaaq. Atuartup ikiorserneqarnissaanut atuarfiup periarfissai tamakkerlugit iluatsinngitsumik misilinneqareerpata PPR-imut innersuussisoqartarpoq, imaappoq atuartut avillugit atuartinneqarsimappata, suleqatigiikkuutaarlugit atuartinneqarsimappata, atuaqatigiit tapersorneqarsimappata, arlaatigut immikkut atuartitsineq misilinneqarsimappat il.il.

PPR-imi sulisut amerlineqarnissaat pillugu isumaqatiginniutissat siunnersuut:

1: Meeqqanut 440-t missaanniittunut sulisoq ataaseq aallaavigineqassaaq. Kontorfuldmægtig-it sulianik ingerlatsisinnaanngimmata matumani eqqarsaatigineqanngillat. Meeqqat PPR-imilu sulisut amerlassusaat aallaavigalugit Danmark-imi misissorniarneqarsimagaluarpoq, kisianni nikerarnermut Kalaallit Nunaannilu pissutsinut aallaavigineqarsinnaagunarani.

2: Kommunit namminneq PPR-eqareersut immikkoortumut annertuumik aningaasaliissuteqartareeramik tullinguuttumi siunnersuutigineqartoq annikinnerusumik iluaqutigissavaat. Kommunit sisamaasut tamarnik assigiimmik atugassaqartinneqassappata akisussanganineqarpoq, aningaasallu minnerpaat atorlugit pineqartut tamarnik assigiimmik pineqanerinit immikkoortup tamassuma tunniunneqarnissaa tunniunneqarneranilu sulisut amerlineqarnissaat uagutsinnut pingaarnerpaavoq.

**VSP akunnerit pillugit isumaqatiginniutissat siunnersuut.**

VSP tassaapput PPR-ip pingaarnertut suliaasa ilaat. Atuartut immikkut atuartinneqarnissamik pisariaqartitsisut misissuiffigineqarnissaat malinnaaffigineqarnissaallu qulakkiigassat suliassat ilagivaat, aammali Atuarfitsialaap siunertaata malinnaaffigineqarnissaanut nalinginnaasumik atuartinneqartut piffissap ingerlanerani inissaqarnerulersinneqarnissaat suliassaavoq.

1) VSP-mut aningaasat amerlanerusut.

Kommunini PPR-it allaffiinit misilittakkat takuttippaat, immikkullu atuartitsinermut aningaasaliissutigineqartartut siunertamut aningaasartuutigineqartartunut sanilliullugit amigartut.

Ukiut ingerlanerini Namminersornerullutik Oqartussanit kiffartuunneqarneq killeqarsimangaarmat, meeqqat ikiorserneqarnissaminnik pisariaqartitsisut misissorneqarsimasinnaanngillat VSP-nillu tunineqarsinnaasimanatik. Sulisut amerlineqarnerisigut, soorlut tamanna kommunini PPR-ip allaffiini taama pisoqartoq, atuartut ajornartorsiutillit amerlanerit ikiorserneqarsinnaalissapput. Tarnikkut atugarliuutit ineriartormilulu kingusissumik ineriartorneq inuiaqatigiinni aamma nalinginnaasumik eqqumaffiginiarneqarnerulersimapput, tamatumalu kingunerissanik meeqqat tarnikkut atugarliuuteqartut ineriartorminnilu kingusissut amerlanerusut paasineqarlutik. Meeqqat inuusuttullu taakku immikkut atuartinneqartarnissaminnik pisariaqartitsiarput, immikkullu atuartitsinernut aningaasartuutit qaffakkiartuinnarlutik.

Immikkut atuartitsinermi aningaasat kommuninut tunniunneqarnerinut atatillugu ullumikkut Namminersorlutik Oqartussani immikkoortumut aningaasat atorneqartartut qaffanneqassapput.

Aningaasartuutit ukiunut qulinut piffissalikkamik qaffanneqarnissaat ilaatigut innersuussutigineqarsinnaavoq. Atuartut amerlanerusut nalinginnaasumik meeqqat atuarfianiissinnaaqqullugit ukiut taakku qulit ingerlanerini immikkut perorsaanikkut sulinerup ineriartortinneqarnissaa kommunit sulissutigissavaat.

Piffissamat sivisuumut iliuusissatut pilersarusiortoqarnissaa pisariaqarpoq, ilaatigummi immikkut perorsaanermi ilinniartitsisut piginnaanngorsarneqarnissaat pisariaqarmat, tamannalu ilaatigut Namminersorlutik Oqartussanit akisussaaffigineqarluni. Tamatuma saniatigut Atuarfitsialak ilinniartitsinermut tamakkiisumik suli atuutsilerneqarnikuunngilaq. Tamanna ukiorpaat ingerlanneqarnissaa naatsorsuutigisariaqarpoq. Meeqquerivitsialaap ineriartortinneqarnera atuutsilerneqarnissaalu eqqarsaatigalugit pissutsit aamma taamaapput, meeqqammi immikkut pisariaqartitsisut sioqqutsisumik sulissutigineqarnissaat anguniarlugu nuna tamakkerlugu meeqqeriveqarfanni sulisut piginnaanngorsarneqarnissaat pisariaqarmat.

2) **Isumaqatiginninuteqaqqissinnaaneq.**

Kommunimi atuartut procentimik aalajangersimasumik amerlissagaluarpata imaluunniit Namminersorlutik Oqartussat pigisaanik ulloq unnuarlu angerlarsimaffimmik kommunimi pilersitsisoqassagaluarpat isumaqatiginninuteqartoqaqqissinnaanissaa isumaqatigiissummut ilanngunneqassaaq. Tamatuma saniatigut isumaqatigiissut ukiut pingasukkaarlugit isumaqatiginninuteqarsinnaasassaaq.



**3) Immikkut atuartitsineq pillugu nalunaarut naammassineqassaaq.**

Ajornanngippat 2008-p aasaanerani tusarniummut akissutigineqartut aallaavigalugit naammassineqassaaq. Ullutsinnut naleqqussarumallugu aamma nutarterneqassaaq. Assersuutigalugu meeqqanut sullissinermi pingaaruteqartorujussuummat meeqqat atuartut kisimik eqqaaneqarput. Nalunaarummi nutaami tullinnguuttut eqqarsaatigineqartariaqarput:

- Nalinginnaasumik immikkut atuartitsinerup atorunnaarsikkiartuaarneqarnissaa. Atuarfitalak tamakkerlugu suli ineriartortinneqarnikuunngimmat nalinginnaasumik immikkut atuartitsinerup atorunnaarsikkiartuaarneqarnissaa siusippallaarpoq. Meeqqat immikkut atuartinneqarnissaminnik pisariaqartitsisut aallaavigalugit suli atuaqatigiikkuutaarisooqarsinnaanngikkallarpoq.
- Immikkut atuartitsinissami akunnerit agguataarneqarnissaannut aalajangiisinaatitaaneq. Immikkut atuartitsisernerup allaffissornikkut suliassartaanik PPR isumagisaqarani atuartup ajornartorsiutaanik piginnaasaanillu misissuinissamik suliaqartarnissaanik Namminersorlutik Oqartussat oqaatigisaanut kommuni isumaqataavoq. Suliassalli atuarfimmi pisortanit isumagineqartarnissaanut siunnersuut tapersorsorneqanngilaq. Immikkut atuartitsinissami akunnerit atugassat agguataarneqarnissaannut aaqjissuusaaanikkut killissarititanik kommunit namminneerlutik inissititerinissartik kissaatigaat. Taamaakkaluartorli pingaartumik atuarfeqarfimmi/atuarfeqarnermut immikkoortortami kommumini qitiusumik immikkoortortaqaarnissaa isumaqataatinneqarpoq.

Aningaasaqarnikkut allaffissornikkullu kingunerisinnaasai

2005-imi 51.392 tkr.-it, 2006-imi 52.019 tkr.-it, 2007-imi 52.169 tkr.-it, 2008-mi 51.369 tkr.-it, 2009-milu 52.310 tkr.-it aningaasaliissutigineqarput, immikkullu atuartinneqartartunut akunnernut akuerisaasunut matussutaallutik.

Kommunit suliassamik tunniussivigineqareersut ukiumut aalajangersimasumik akunnernik tunineqartarput, takuuk takussutissaq tullinnguuttoq. Aningaasaliissutit sinneri kommunitoqqanut agguataarneqassapput.

- |             |                           |
|-------------|---------------------------|
| - Nuuk      | ukiumut akunnerit 31.080. |
| - Sisimiut  | ukiumut akunnerit 13.200. |
| - Maniitsoq | ukiumut akunnerit 5.400.  |
| - Tasiilaq  | ukiumut akunnerit 8.550.  |
| - Uummannaq | ukiumut akunnerit 4.380.  |

Uttertitsinissami ataatsimoortumik akigitaqarmat oqaatigineqassaaq, taannalu 2009-mi akunnernut 511,79 kr.-iulluni.

VSP-mut akunnernut Namminersornerullutik Oqartussat ukiumut tapiissutigisartagaasa saniatigut VSP-mut akunnernut agguaaassinermit atatillugu Sisimiut Kommunerisimasaa 2006-imi, 2007-imi 2008-milu 3 mio. kr.-it sinnerlugit aamma aningaasaliissutigineqarpoq.

Missingersuutitigut 2009-mu katillugit sapaatip akunneranut akunnerit 524-t aningaasaliissutigineqarput, aningaasanngoraanni Sisimiuni atuarfeqarfik immikkut atuartitsinernut katillugit uku atortarpai:  $524 \times 0,75 \times 40 = 15.720$  ukiumut atuartitsinerit. Taamaattumik PPR-imut isumaqatigiissutip akunnerillu atorneqartartut  $15.720 - 13.200 = 2.520$  **atuartitsinernik** nikingassutaa Qeqqata Kommuniata aningaasartuutigisarpaa. Immikkut atuartitsinernut akunnerit qaavatigut aningaasartuutit aningaanngorlugit **1.289.710,80 kr.-upput.**

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Aningaasartuutit katillugit – 2009-mi immikkut atuartitsinermut akunnerit, Sisimiuni atuarfeqarfik:

Namminersorlutik Oqartussanit utertitassat, Nuuk. PPR-imut isumaqatigiissut naapertorlugit ukiumut akunnerit 13.200-t.	6.755.628,00
Immikkut atuartitsinissamut akunnernut Qeqqata Kommuniata nammineq akiliutaa. PPR-ip akuersissuteqarneratigut akunnerit 2.520-t	1.289.710,80
2009-mi immikkut atuartinneqartartussanut akunnernut aningaasartuutit katillugit – Sisimiut	8.045.338,80 kr.

Immikkut atuartinneqartartunut akunnernut Maniitsumi Ilinniartitaanermut Immikkoortortaq 2009-mi katillugit akunnernut 8.597-inut aningaasartuuteqarpoq. Naatsorsoraanni Maniitsumi atuarfeqarfimmi immikkut atuartitsinermut tullinnguuttut atorneqartarput:  $286,57 \times 0,75 \times 40 = 8.597$  ukiumut atuartitsinerit. Taamaattumik PPR-imut isumaqatigiissutip akunnerillu atorneqartartut  $8.597 - 5.400 = 3.197$  **atuartitsinernik** nikingassutaa Qeqqata Kommuniata aningaasartuutigisarpaa. Immikkut atuartitsinernut akunnerit qaavatigut aningaasartuutit aningaangaangorlugit **1.636.192,60 kr.-upput.**

Aningaasartuutit katillugit – 2009-mi immikkut atuartitsinermut akunnerit, Maniitsumi atuarfeqarfik:

Namminersorlutik Oqartussanit utertitassat, Nuuk. PPR-imut isumaqatigiissut naapertorlugit ukiumut akunnerit 5.400-t.	2.763.666,00
Immikkut atuartitsinissamut akunnernut Qeqqata Kommuniata nammineq akiliutaa. Akunnerit 3.197-it.	1.636.192,6
2009-mi immikkut atuartinneqartartussanut akunnernut aningaasartuutit katillugit – Maniitsoq	4.399.858,60 kr.

Sulisut amerlassusiligaanissaat:

Qeqqata Kommunia – meeqqat ukioqanngitsuniit inuusuttut 18-it tikillugit ukiullit 2.713-iupput.

- 1: Sisimiuni PPR-imi sulisooreersut (tarnip pissusiinik ilisimasallit pisortaat, oqallorissaasoq allaffimmiorlu).
- 2: Maniitsumi PPR-imi sulisut (tarnip pissusiinik ilisimasalik). Atorfik inuttaqanngilaq.
- 3: Nammineq aalajangiinikkut sulisunik marlunniit sisamat tikillugit amerlassusiliineq, soorlu tarnip pissusiinik ilisimasalik, immikkut atuartitsinermi siunnersorti, allaffimmioq isumaginninnermi siunnersortiluunniit.
- 4: ukiumoortumik ingerlatsinermi tapiissutit.
- 5: Allaffinnik pilersitsinissamut, qarasaasiatigut atortunik misileraarutissanillu pissarsinissamut ataasiartumik tapiissutit.

Aningaasaqarnerup takussutissartaa: Qeqqata Kommunia.

PPR-imi massakut atorfillit.	1.386.000 kr.-it missaat
Sulisut sisamanik ilaneqarnissaat:	1.600.000 kr.-it missaat
Ingerlatsinermi aningaasartuutit	500.000 kr.-it missaat
Angalanermi aningaasartuutit	50.000 kr.-it missaat
Allaffinnut ataasiartumik akiliutissat	200.000 kr.-it missaat
Katillugit	3.736.000 kr.-it missaat

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Allaffeqarfiup naliliinera

Tullinnguuttut pisariaqartinneqarput.

1) Ingerlatsinermi aningaasaliissutit amerlanerusut

Maannakkut Namminersorlutik Oqartussat kommunini PPR-ikkunnet utertittagai aningaasartuutivinnut matussutigissallugit naammangillat. Siunissami isumaqatiginninniarnissami kommunini tamani sulisut amerlineqarnissaannut aningaasanik immikkoortitsisoqartariaqarpoq. Tamanna ima isiginiarneqarsinnaavoq, Namminersorlutik Oqartussat PPR-imik tigungminniinnassagunik qularnanngitsumik aamma sulisunik amerliliissagaluarput.

Isumaqatiginniutigineqarsinnaavoq, kommunini atorfeqareersut saniisigut kommunimi meeraqassuseq aallaavigalugit kommunit tamarmik marluk sisamallu akornanni sulisut amerlineqassasut. Tamatuma saniatigut ukiumut ingerlatsinermut tapiissutit aamma eqqarsaatigineqassapput, soorluttaaq angalanissami aningaasartuutit eqqarsaatigineqassasut.

2) Aallarnisaanissamut aningaasartuutissat – ataasiartumik aningaasartuutissat.

Sulisunut nutaanut allaffiliineq atortussanillu pissarsineq akeqarpoq. Taamaattumik meeqqanik inuusuttunillu misissuinnissami atortussanik, qarasaasiakkut nalunaarsuiffissamut (winppr innersuussutigineqarpoq) aamma allaffissanut ataasiartumik aningaasatigut tapiissuteqartoqartariaqarpoq.

Ilinniartitaanermut Kulturimut Sunngiffimmullu ataatsimiititaliami suliap suliarinera

Ilinniartitaanermut Kulturimut Sunngiffimmullu ataatsimiititaliap decembarip 9-ani 2009-mi ataatsimiinnermini aalajangerpaa, PPR 2010-mi juulip aallaqqaataanit kommuninut tunniunneqassasut.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 9-ani 2010-mi ataatsimiinnerani suliaq paasissutissatut tiguneqarpoq.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussaq**

1. Kommunip akissutaa decembarip 11-ani 2009-meersoq

**Imm. 06 Imigassamut katsorsartinniartunut sullissisarnerup Namminersorlutik  
Oqartussaniit Kommuninut nuunneqarnissaat pillugu tusarniaanermut  
paasissutissiissut**

*Journalnr.*

Tunuliaqutaq

Immikkoortunut nuunneqarfiussanik piareersaateqarnermut killiffik Kanukoka-p siulersuisuisa 2009-mi oktobarip 15-ini 16-ilu ataatsimiinnermini eqqartorpa. Kanukoka matumuuna tusarniummik nassiussaqarpoq, oqaaseqaatinik nassiussinissaq pingasunngorneq decembarip 9-ani 2009-mut killilerlugu.

Nassuiaat

Qaqiffinni marluusuni katsorsaasut/sullissisut akuerisaasut ingerlaavartumik ilitsersorneqartarnissaat ilinniartinneqaqqittarnissaannillu Namminersorlutik Oqartussat Frederiksberg centermik suleqateqarnissamik isumaqatigiissuteqarpoq. Sullinneqartut piukkunnaateqanngitsunik sullinneqartannginnissaanik ileqqorissaarnerup appariaateqannginnissaa matuminnga siunertaavoq. Naalackersuisoqarfiup nalunaarutiginikuuvaa, akuerisaasunngortitsinissaq annertunerusumik allaffissornermik sulisunillu amerlanerusunik pisariaqartitsinissamik kinguneqassasoq, naalackersuisoqarfiullu isumaa naapertorlugu tamatuma qulakkiissanngilaa, kommuni sullissisunik isumaqatigiissusiunnginnissaa, ilinniartinneqarnermik ilinniaqqinnermillu tigusaqarsimanngitsunut. Nunatsinni imigassamut katsorsaasarneq 1995-imi aallartinneqarpoq manalu tikillugu allanngortinneqarnikuunani nalilersoqqinneqarnissaanullu annertuumik pisariaqarpoq. Assersuutigiinnarlugu piffissami sivisunerusumi katsorsaasunik nalimmassakkanik pisariaqartitsisoqarpoq.

2010-mi januaarip aallaqqaataaniit immikkoortunik nuutsitsinikkut namminersorlutik oqartussat oqariartuutigaat, 2010-mut 4.905 mio. koruunit immikkoortitaareersut saniatigut immikkoortitsisoqaqqissanngitsoq, tamannalu kommunerujussuarni tamani sullissinissamut piffissaanik pisariaqartitsisoqarnera eqqarsaatigalugu naammanngillat. Katsorsaasartut akuerisaasunngortinneqarnissaanik pilersitsinissamut qulakkeerinninnissaq pisariaqarpoq. Imigassamik katsorsaasarnermut immikkoortoq Peqqinnissamut Naalackersuisoqarfimmit paariinnarneqassappat innersuussutigisariaqarpoq, Naalackersuisoqarfiup ilinniartitsisarnissamut ilinniartitseqqiisarnissamullu Frederiksberg centerimik isumaqatigiissutimini katsorsaasut namminersortut ilaatissagai, sumiiffinni katsorsaasoqartillugu kommuninit atorineqartartut eqqarsaatigalugit.

Naliliineq

**Kanukoka-p siulersuisuisa innersuussutigaa:**

Pissutsit ullumikkut taamaatsillugit siulersuisut isumaqarput, immikkoortup tiginissaanut suli piffissanngunngitsoq. Taamaattumik siulersuisut innersuussutigaa, imigassamik katsorsaasarneq Namminersorlutik Oqartussat ataaniiginnassasoq, pisariaqartitat naapertorlugit immikkoortoq nalimmassareernissaata tungaanut.

**2008-p qiteqqunnerani namminersornerullutik oqartussanut inassuteqaammik Qeqqata  
Kommunia nassiussaqarnikuuvoq:**

Qeqqata Kommuniata siunnersuut akuersaarsinnaanngilaa, Qeqqata Kommuniani imigassamut katsorsaavinnik peqanngimmat. Ikaarsaariarnermi ataatsimiititaliaq isumaqarpoq, imigassamik katsorsartinneq suli Namminersornerullutik Oqartussat ataaniittariaqartoq, aammalu Namminersornerullutik Oqartussat sinnerlugit namminersortunik suliaritinninarneqarsinnaanera tapersorsorlugu.

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Ilaqutariinnermut ataatsimiititaliami suliap suliarinera

Ilaqutariinnermut ataatsimiititaliap decembarip 2-ani 2009-mi ataatsimiinnermini aalajangerpaa Ikaarsaariarnermi ataatsimiititaliap innersuussutaa allangortinneqassanngitsoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 9-ani 2010-mi ataatsimiinnerani suliaq paasissutissatut tiguneqarpoq.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilangussaq**

1. Kommunip akissutaa decembarip 3-ani 2009-meersoq

**Imm. 07 Innarluutilinnik sullissinerup Namminersornerullutik Oqartussaniit Kommuninut  
nuunneqarnissaanik pillugu tusarniaanermut paasissutissiisut**

*Journalnr.*

Tunuliaqutaq

Immikkoortunut nuunneqarfiusussanik piareersaateqarnermut killiffik Kanukoka-p siulersuisuisa 2009-mi oktobarip 15-iani 16-ianilu ataatsimiinnermini eqqartorjaa. Kanukoka matumuuna tusarniummik nassiussaqarpoq, oqaaseqaatinik nassiussinissaq pingasunngorneq decembarip 9-ani 2009-mut killilerlugu.

Nassuiaat

Innarluutilinnik sullissinup nuunneqarnissaanik kommunit ukiuni arlalinngortuni kissaateqarnikuunerat eqqarsaatigalugu innarluutilinnik sullissinerup nuunneqarnissaa kinguardeqqinneqassappat ajuusaarnartuusaaq, taamaalilluni assersuutiginnarlugu marloriaammik allaffissorneq unitsinnissaagaluarpat. Innarluutilinnut sullissinerup nuutsinneqarnerani kissaatigineqarpoq, tulleriaarisumik agguataarinermut periuseqartoqartassasoq, taamaalilluni innarluutilinnut aningaasaliissutit naapertuussinnaaqullugit. Innarluutilik kommunimut allamut nuussagaluarpat innersuussutigineqarpoq, aningaasaliissutit inunnut malinnaatinneqartarnissaat, aammalu kommunit akornanni isumaqatigiissutit malinnaatinneqartassasut.

Aningaasaqarneq / pigisanik atuineq Inatsisitigut tunngavissaq:

Namminersorlutik Oqartussat ullumikkut innarluutilinnut ulloq unnuarlu paaqqinnittarfinnik qulinngiluanik peqarpoq, kiisalu kommunini tullinnguuttuni innarluutilinnut immikkoortortanik (satillit) peqarluni.:

Kommuneqarfik Kujalleq.: Ivaaraq illulu sungaartoq (QAQ)

Kommuneqarfik sermersooq.: Palleq (PAA) aamma majoriaq )(NUUK) kiisalu Nasippi (TASS)

Qeqqata Kommunia.: Elisipannguup (MAN) Gertrud Rask (SIS)

Qaasuitsup kommunia.: Sungiusarfik Ikinngut (ILU) kiisalu immikkoortortaqaarfiit (UUM+QEQ)

Kanukoka-p siulersuisuinit aningaasalersuinissamik agguariaatsinut periarfissat marluk eqqartorneqarput.:

Agguariaatsimut periuseq 1.:

Ataatsimoortumik tapiissutini agguariaaseq atuuttoq aallaavigineqarpoq, pilersuisut nanertuutigisartagaasa oqimaaqatigiisinnerannik sammisusooq, innarluutilinnut paaqqinnittarfinnut inissiiinissamut pisiaqartitsineranut attuumassuteqartuunngitsoq. Taamaattummik tamakkiisumik aningaasaliinermik atuutsitsilerneq, pisariaqartitsitsivinnermut sanilliullugu equngasumik agguassinerusaaq, tamatumani kommunit ilaat siusinnerusukkut pisartakkaminnut sanilliullugu aningaasanik amerlanerusunik tigusartagaqalissagaluarmata, ilaallu annikinnerusunik aningaasanik tigusartagaqalerlutik.

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Agguaassinnermut periuseq 2:

2010-mut missingersuut aallaavigineqarpoq. Illoqarfinni missingersuutit Isumaginninnermut Naalackersuisoqarfiup agguataareerpai. Aningaasaliissutit kommunini nutaani agguataagaapput aningaasaliissutillu affaat ataatsimoortumik tapiissutiniit peerneqarput, paaqqinnittarfillu ingerlanneqarnerat ukiup aallartinneraniit ingerlanissaa qulakkeerneqarluni. Affaata sinneri Namminersorlutik Oqartussat kommuninut akiligassanngortippai, innarluutilinnik paaqqinnittarfinniittuutilinnut. Periutsip taassuma aningaasaleeriaasq agguasarnerlu pioreersup aallaavia maliinnassavaa, taamaalillunilu kommuninut artukkeraaqaassanani.

Innarluutilinnut sullissinerup kommuninut nuunneqarneratigut Namminersorlutik Oqartussat naatsorsuutigaat, 2010-mi Aningaasanut Inatsisissami siunnersuutaasut 220.681.000 koruunit kommuninut nuunneqassasut, kisianni Danmarkimi aallartitaqarfimmi Nunatsinnut siunnersortaasut pingasuusut ikaarsaariarnermi Isumaginninnermut Naalackersuisoqarfiup ataaniiginnarallasasut.

Innersuussutit.:

Kanukoka-p innersuussutigaa:

Innersuussutigineqassaaq, innarluutilinnut sullissinnermi aningaasat immikkoortitaareersut 220.681.000 koruunit kommuninut nuutsinneqassasut, kisianni Danmarkimi aallartitaqarfimmi Nunatsinnut siunnersortaasut pingasut ikaarsaariarnermi Isumaginninnermut Naalackersuisoqarfiup ataaniiginnassasut, kommunit ataatsimoorussamik ingerlatsiveqalernissamut kissaatigisimasaat kommuninut aaqqiissutissamik nassaarfigiffigineqarnissaata tungaanut.

Ikaarsaariarnermi ataatsimiititaliap innersuussutigaa:

Immikkoortup kommuninut nuunneqarsinnaanerani siunnersuummut Qeqqata Kommunia tungaviumik isumaqataasinnaavoq, aammalu Kanukoka-p Namminersorlutillu Oqartussat akornanni siunnersuutit aningaasaqarnikkut allaffissornikkullu kingunerisinnaasai pillugit isumaqatiginninniarnissamut qilanaarluni aammalu inassuteqaatigalugu, nuutsitsineq kommuninut ataatsimoorussamik ingerlatsivinngortinneqassasoq.

Ilaqutariinnermut ataatsimiititaliami suliap suliarinera

Ilaqutariinnermut ataatsimiititaliap decembarip 2-ani 2009-mi ataatsimiinnermini aalajangerpaa Ikaarsaariarnermi ataatsimiititaliap innersuussutaa allanngortinneqassanngitsoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 9-ani 2010-mi ataatsimiinnerani suliaq paasissutissatut tiguneqarpoq.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussaq**

1. Kommunip akissutaa decembarip 11-ani 2009-meersoq, takuuk imm. siuliani ilanngussaq

**Imm. 08 Niaqunngunami olivinnisiorfiup matuneqarnissaanik ilisimatitsissut**

*Journalnr. 74.02.00*

Tunuliaqutaq

Minelco Qeqqata Kommuniani borgmesteri 2010 januaarip 26-ni ataatsimeeqatiginerusullugu noqqaassuteqarsimavoq. Ataatsimiinnermi Minelco-p nalunaarutigaa, Atammiup eqqaani Niaqunngunami olivinnisiorfimmik ingerlatsinertik 2010-mi unitsikkusullugu aamma ukiuni pingasuni tulluuttuni ammaqinnissamik naatsorsuuteqaratik.

Maleruagassatigut tunngavissat

Aatsitassanut tunngasut aatsitassanut ikummatisanullu pisortaqaarfimmit suliarineqartarput. Suliffeqarfiit aatsitassarsiorlut kisermassisinnaanermi akuersissummi piumasaqaatit naapertorlugit aatsitassarsiorfiit matuneqarnerisigut iluarsaasisoqassaaq. Tamatumunnga sillimmatissatut aatsitassanut ikummatisanullu pisortaqaarfimmut aningaasanik immikkoortitsisoqarnikuuvoq.

Pissutsit atuuttut

Aallaqqaammut Crew Gold Coperation Minelco A/S suleqatigalugu immikkoortumi tassani misissueqqaarnissamat pisinnaatitaaffeqaralarpoq. 2005-imi Minelco pisinnaatitsisutinik kisermaassilerpoq, tamatumalu kingorna olivinnisiorfik ammarlugu. Minelco svenskit suliffeqarfissuata immikkoortuata LKAB-p ilagaa, taannalu silarsuami savimminiliorfiit siuuttut ilagaat.

Minelco A/S ilisimatitsivoq, tunisassiorneq ataatsimut isigalugu aningaasarsissutaanngikkaluartoq, taamaattoq Niaqunngunami olivinnisiorneq naammaginarsimavoq, pitsaalluinnartumillu pitsaassuseqarsimalluni. Assartuinnermi aningaasartuutitut tunngasut ajornartorsiutaapput, aningaasartuutimmi annertunersaat olivinnimut atorneqartarput. Aningaasartuutit 40-50 procentiisa missaat assartuinnermut atortarput, nunarsuarmilu aningaasarliortoqarnerata kinguneranik ajorseriaateqarneq patssi-saalluni, suliffeqarfiup Norgep kujataani Spaniamilu tunisassiorneq aallunniarnerulersimavai.

Olivinnisiorfiup amerikkarmiut niuernikkut ingerlataannut tuniniarsinnaaneramik Minelco A/S-ip ilimasunna ajoraluartumik iluatsinngilaq, tiguisinnaasut amerlanerit Mississippip kuuata sineriaani inissisimmamata, taannalu Kalaallit Nunaanut ungasingaatsiartumiilluni. Lawrencep kuuata qanittuani siunissami ineriartornissaq imlt. suli pitsaanagerusoq Nunavumi/Baffinbugten periarfissagissaanerusi aallartitoqarneratigut Niaqunngunami olivinngisorneq siunissami imminut akilersinnaanerusi ingerlanneqarsinnaassagarpoq.

Ulivinnimik tunisassiorneq Minelco A/S-ip nammineerluni annikillissikkiartorsimavaa, siunissami nammineq tunisassiunngikkaluarluni Norgep kujataaniit pisiarineratigut akikinaarnnerusiinnaallugit. Minelco A/S-illi nammineerluni olivinnisiorneq unitsinneratigut aatsitassanillu akikinnerulersitsinissaq angorusullugu unammillertoqarnissaa orniginartippaat, taamaattumik Niaqunngunami olivinnisiorneq allanit pigineqarluni ingerlaannarnissaa Minelco A/S kissaatigineruaa. Taamaattoqarneratigummi iluarsaasinnermi aningaasartuutissat annikillisarneqassammata pinngitsoortinneqarlutilluunniit.



**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Allatut aaqqiissutissaq tassa Minelco A/S-ip atortut aalajangigaanngitsut tuniniassagai, matumani najugaqarfik 60-inut inissalik ilanngullugu. Tigusissusatt tassaasinnaallutik aatsitassarsiortut Hudson Resources imlt. London Mining. Periarfissat allat tassaasinnaallutik Alcoa, takornariartitsiviit il.il. Umiarsualivik sanaartukkani nalitunerpaajuvoq, ingutserneqarnissaalu akisoorujussuusussaalluni. Minelco A/S-ip soorunami ajoriffissaqartinngilaa, umiarsualiveqarfik aatsitassarsiortunut allanut tunineqarsinnaanngippat, siunertanut allanut atorineqarsinnaanissaa, taamaalilluni ingutserneqarnissaa akisooq pinngitsoorneqassamat.

Ingerlariaqqinnissamat tunngatillugu Minelco A/S-i Aatsitassanut Ikummatisanullu Pisortaqaarfimmut oqaloqatigiissuteqalernikuvoq. 2010-mi februaarip 15-i Sverigemi Kalaallit NUNAannilu tusa-gassiutit aqutugalugit Minelco A/S-ip avammut nalunaaruteqarnissaa naatsorsuutigineqarpoq.

Aningaasaqarnikkut allaffissornikkullu kingunerisinnaasai

Olivinnisiorfimmi 35-t tikillugit aasaanerani sulisoqarnikuvoq, ukiuuneranili matoqqasarluni. Sulisunit 25-t missaaniittut Qeqqata Kommuniani najugaqartuupput, taamaattumik sulisunit akileraarutit annertuut taakkulu atugassaanik pisiniartarnerit il.il. kommunimut annaasaqaataassapput. Ilutugalugu pisortanit ikiorsiissutinut suliffeqanngikkallarnermilu ikiorsiissutinut aningaasartuutit 2010-mi ukiunilu aggersuni annertuseriassapput.

Allaffeqarfiup naliliinera

Allaffeqarfiup nalilerpaa, qanoq ilioriaaseqanissamat kommunimut ajornakusussasoq. Suliffeqarfiup allap olivinnisiorfik tunisassiornerlu ingerlatilersinnaasuuppagit soorunami pitsaanerpaassaaq. Taamaalilluni Kommunip aatsitassanut ikummatisanullu pisortaqaarfimmut kaammattuutiginnarsinnaavaa, Amerikkap avannaani olivinnisiortut piukkunnartut attavigeqqullugit, Niaqunngunami olivinnisirofimmik ingerlataqarnissami soqutiginninninersut paasiniarlugu.

Aaqqiissutissaalluarsinnaasup tullia tassaavoq, atortorissaarutit kommunimi allanik ingerlatsisunit atorineqarlutik, soorlu Hudson Resources-imit imlt. Alcoa-mit najugaqarfiit atorineqarlutik, Niaqunngunamilu umiarsualiveqarfia periarfissaqarluartut takornariaqarnikkut ingerlatsisunit isigineqarluni.

Aatsitassanut Attaveqatigiinnermullu Ataatsimiititaliami suliap sularinera

Aatsitassanut Attaveqatigiinnermullu Ataatsimiititaliap februaarip 2-ani 2010-mi ataatsimiinnermini suliap sularivaa. Suliap tusaatissatut tiguneqarpoq, iluarsaassisoqarnissaali qulakkeerneqassaaq.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap februaarip 9-ani 2010-mi ataatsimiinnerani suliap paasissutissatut tiguneqarpoq.

**Innersuussut**

Kommunalbestyrelsimut innersuussutigineqassaaq, ilisimatitsissut tusaatissatut tiguneqassasoq.

**Aalajangiineq**

Paasissutissatut tiguneqarpoq.

**Ilanngussaq**

Ilanngussaqanngilaq

**Imm. 09 Aluminiumik aatsitsiviliornissamik pilersaarutip aningaasaqarnikkut sunniutai –  
Niramit nalunaarusiaq pillugu paasissutissiisut**

*Journalnr. 74.30.20*

Tunuliaqutaq

Greenland Development A/S Kalaallit Nunaanni Namminersorlutik Oqartussanit pigineqartoq Aluminiumik aatsitsiviliornissamik pilersaarutip aningaasaqarnikkut sunniutai pillugit siunnersuisarfik Nira nutaamik nalunaarusiorteqqinnikuuaa. Nalunaarusiarlu taanna 2010-mi januaarimi tamanut saqqummiunneqarpoq.

Maleruagassatigut tunngavissat

Nalunaarusiaq Alcoa-p Namminersorlutillu Oqartussat aluminiumik aatsitsiviliortoqarsinnaanerani pilersaaruteqarnerminnut atatillugu piareersaateqarnermi ”memorandum of understanding”-i aallartissimasaanni, misissueqqissaarnerpassuit nalunaarusiaasimasullu ingerlanneqarsimasut ilagiinnarpaat. nalunaarusiat allat attuumassuteqartut piffissami matumani tamanut saqqummiunneqartut ilaatigut tassaapput, inuit nuttarsinnaanerannut suliffissaqarnerlu pillugu nuukkusussuseqarsinnaanerani kiisalu nunap immikkoortuani inuiaqatigiit aningaasaqarnera pillugit nalilersueqqissaarneq.

Pissutsit atuuttut

Nira-p suliassai 2008-miilli inissitsisernerqarput. Aluminiumik aatsitsiviliornissamik pilersaarut pisortat aningaasaqarneranut aamma Kalaallit Nunaanni siunissami inuiaqatigiit aningaasaqarnerannut qanoq sunniuteqarumaarnersoq pillugu misissueqqissaarnissaq siunertaavoq. Pilersaarutip aningaasaqarnikkut sunniutigisinnaasaani suliffissaqarnikkut sulisussaqaqarnikkullu qanoq sunniuteqasasnersoq sammeneqarnerussalluni, pilersaarutimmi aningaasaqarnikkut sunniutigisinnaasaanut nalilersuinermi pingaaruteqartuummat.

Misissueqqissaarnermut atatillugu malinnaatitassanik pilersitsisoqarpoq, ukuusunit inuttalerneqartoq Namminersorlutik Oqartussat naalakkersuisoqarfiinit arlalinnit sinniisut, Kalaallit Nunaanni sulisitsisut kattuffiat, Kalaallit Nunaanni Takornariaqarnermut Inuutissarsiornermullu Siunnersuisoqarfik, SIK aamma Qeqqata Kommunia, ataatsimeeqatigiinnertigut killiffik pillugu taakkununga ilisimatitsisoqartarpoq, peqatigitillugulu malinnaatitat sulinerup ingerlanera pillugu oqaaseqarfiginikuuaat. Nalunaarusiap inaarutaasumik naammassineqarneranut malinnaatinneqartut oqaaseqaataat nalunaarusiamut ilanngussatut ilanngunneqarpoq.

Aningaasaqarnikkut allaffissornikkullu kingunerisinnaasai

Aluminiumik aatsitsiviliornissami pilersaarut immi aningaasaqarnikkut annertuumik kinguneqartitsissaaq, pilersaarummi atatillugu aningaasartuutit katillugit 20 mia. koruunit missiliorpaat. Illoqarfittaassap pilersaarusiorneqarneranut sanaartorneqarnissaanullu tunngasuni akisussaaffiup ilaa kommunimiippoq, taamaattumik aningaasaqarnikkut allaffissornikkullu kommunimut annertuumik kinguneqassaaq.

Nalunaarusiamut tunngasunik Kommunit uparuaatit killilerujussuarmik ilanngunneqarsimapput, taamaattumik aningaasaqarnermut tunngasuni Namminersorlutik Oqartussat Kommunillu immaqalu Alcoa-p akornanni isumaqtiigiissuteqarnissamut aallaaviusariaqarani.

**Qeqqata Kommunia - Kommunalbestyrelsep februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Taamaalilluni nalunaarusiami inerniliussat sukumiisut kommunip pilersaarusiornermini tunngavigi-sariaqanngilai, taamaattoqassappallu nalunaarusiaq aningaasaqarnikkut allaffissornikkullu kommu-nimut toqqaannartumi sunniuteqarnavianngilaq. Taamaattorli Namminersorlutik Oqartussat (aamma Alcoa) nalunaarusiaq aallaavigalugu ilimasuuteqassappata toqqaannanngikkaluamik sunniuteqas-salluni. Ajornerpaamik pisinnaasoq tassa, Namminersorlutik Oqartussat nalunaarusiaq tunngaviga-lugu kukkusumik tunngavilimmik nutaamik inatsisiliussappata.

Allaffeqarfiup naliliinera

Allaffeqarfiup nalilerpaa, aluminiumik aatsitsiviliornermi pilersaarusiornermi nalunaarusiaq annertuumik isumassarsitseqataasoq, ilaatigut suliffissaqartisiniarnermi naleqqusaanissamut isumassarsitseqataalluni aamma kalaallinik sulisoqarsinnaanissami ilinniarfissat piareersarneqarnis-saat aalajangiisuussasoq naqissuserneqarlunilu aningaasaqarnikkut siuarsaanissaq aqutissiuunne-qarpoq.

Taamaattorli illoqarfittaassap aallartisarneqarnerani ukiumut inissiat 75-iinnaat sanaartorneqartar-nissaa nalunaarusiami pilersaarutigineqarnera eqqarsarnartoqartorujussuullunilu kukkunerujussuu-voq. Taamaassappat sulisorpassuit tammaarfilianni ilaquttatik ilaginagit najugaqartinneqassapput.

Allaffeqarfiup peqatigitillugu nalilerpaa, tunngaviumik ilimagisat nalunaarusiap tunngavigisai, pingaarnerusutigut 1) ingerlatsilernerup nalaani suliffissat amerlassusii, 2) ingerlatsilernerup nalaani sulisussat Maniitsumeersut amerlassusii aamma 3) erngup nukinganik nukissiorfiliornikkut akile-raarutigut isertitassat sanaartorerullu nalaani transmissionslinjer tunngasuni isumaqatigiissutigisat aallaaviunerusariaqaraluartut.

Kommunip malinnaatitani peqataatitaasa ilimaginninnerit taakku pillugit ingerlaavartumik uparu-artaraluarpaat, kinguneqanngitsumillu isummiunneqartut taakku pillugit takussutissanik noqqaas-suteqartaraluarlutik. Ilimagisat Kommunip Islandip kangianit paasissutissat pissarsiarinikuusaanut naapertuutinnngillat, tassami isertitat ilimagisamit annikinnerusimallutillu aningaasartuutit annertu-nerusimmata.

Aatsitassanut Attaveqatigiinnermullu Ataatsimiititaliami suliap sularinera

Aatsitassanut Attaveqatigiinnermullu Ataatsimiititaliap februaarip 2-ani 2010-mi ataatsimiinnermini suliaq sularivaa. Suliaq tusaatissatut tiguneqarpoq

Allaffeqarfiup innersuussutaa

Allaffeqarfiup Aningaasaqarnermut Ataatsimiititaliamut innersuussutigissavaa, Niramit Nalunaarusiaq ” Aluminiumik aatsitsiviliornermi pilersaarutip aningaasaqarnikkut sunniutai” tusaatissatut tiguneqassasoq.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap februaarip 9-ani 2010-mi ataatsimiinnermini suliaq sularivaa. Nalunaarusiaq tusaatissatut tiguneqarpoq.

Peqatigitillugu aalajangiunneqarpoq, nalunaarusiaq pillugu aammalu Aatsitassarsiorneq ataatsimut isigalugu Qeqqata Kommunianit qanoq isumaqarfigineqarnerisut borgmesterip Naalakkersuisut Siulittaasuut ataatsimeeqatiserissagaa.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussaq**

1. Niramit nalunaarusiq "Aluminiumsprojektets økonomiske betydning", januar 2010 (qallunaa-tuinnaavoq)

**Imm. 10 NORA pilersaarut – ”Communities for Change” pillugu paasisutissiissut**

*Journalnr. 74.30.20*

Tunuliaqutaq

Qeqqata Kommunia Islandip kangiani Fjordabygd Kommune aamma Norgep kitaani Aukra Kommune peqatigalugit pilersaarut ”Communities for Change”-mut (inuiaqatigiit allanngulernermi) Nordisk Atlantsamarbejde – NORA-mut aningaasaliissutissanik 2009-mi oktobarip 5-iani qinnuteqarpoq.

Qeqqata Kommuniata 2009-mi isumaqatigiissuteqarfiginikuusaat Syddanmarks EU-kontori ikiortigalugu ainnuteqaasiortoqarnikuuvoq.

Pilersaarummut aningaasaliissutissatut qinnutigineqartut katillugit 120.000 koruunit NORA-p 2009-mi decembarimi aningaasaliissuteqarfigivai.

Maleruagassatigut tunngavissat

Piginneqatigiinnissamik pilersaarusiaavoq, Qeqqata Kommunia pilersaarusiornermi aqutsisuulluni.

Pissutsit atuuttut

Alcoa-p aluminiumik aatsitsivittaava 2007-imi ammarneqartoq Fjordabygd Kommunemiippoq. Europap avannaani gassiliorfiit immikkoortortaanni annerpaajusussaq ”Nyhamna” maanna sananeqartoq Aukra Kommunemi inissisimavoq, taannalu Ormen Lange feltet-imit gassimik pilersorneqartussaalluni.

Aningaasaliissutit Maniitsumi isumasioqatigiinnissamut atorneqassapput, tamatumani inuiaqatigiinnugit annertuumik allanngulernermik nalaataqartut ajornartorsiutigisartagaat sammeneqarnerusallutik, aamma taamatut ineriartornermi aqqissutissatut sakkussaasinnaasut paasiniarlugit.

Maniitsumi isumasioqatigiinnissaq 2010-mi apriliimi pinissaa pilersaarutaavoq. Ullussaa kingusinnerusukkut aalajangerneqassaaq. Isumasioqatigiinnermi Syddanmarks EU-kontorimit peqataatitartitsinikkut ikiorteqartitsisoqassaaq. Tamatuma saniatigut atlantikumi nunanit peqataasussanik marlunnik qaaqquqsisoqarumaarpoq, taamaaliortoqarneratigut kingusinnerusukkut annertuumik pilersaarusiortoqarnissanut piginneqatissat attveqarfigineqaleriissapput.

Allanngoriartulerfiit siuliini eqqaaneqartut samminerullugit pingaarnertut pilersaaruteqarnermi NORA-mut qinnuteqaateqarnissaq isumasioqatigiinnermi aallaaviginerunissaa pilersaarutaavoq. Pingaarnertut pilersaarut Noramit qanoq annertutigisumik tapiiffigineqarsinnaassanersoq sulilisi-maneqanngilaq, soorlu aamma pingaarnertut pilersaarummut tapiiffigineqarnissamik qinnuteqaatissaq qanoq anertutigissanersoq aamma tassungalu aningaasartuutissat qanoq annertutigissanersut ilisimaneqanngitsoq.

Aningaasaqarnikkut allaffissornikkullu kingunerisinnaasai

Pilersaarummut Nora-mit aningaasaliissutit angalanermi isumasioqatigiinnermilu aningaasartuutitut atorneqassapput, pilersaarusiornermi suliqatigiit matumani Qeqqata Kommunia ilanngullugu sulisoqarnermut allaffissornermullu tunngasunik tapiissuteqassapput. Qeqqata Kommuniata aamma akuersissutiginiikuuaa, Syddanmarks EU-kontorimit peqataatitsinissaq matussusiiffiginiarlugu, tamannalu EU-kontoret aqqutigalugu akilereernikuuarput. Taamaalluni missingersuutitigut aningaasaliissutit saniatigut aningaasaqarnikkut annertunerusumik kinguneqassanngilaq.

**Qeqqata Kommunian - Kommunalbestyrelsen februarip 23-ani 2010-mi ileqqusumik  
ataatsimiinnerata 01/2010-p imaqarniliornera**

Allaffeqarfiup naliliinera

Pissutsit allangulerfiini ingerlariaatsit pillugit ilisimasat pilersaarutikkut annertusarneqassapput, illoqarfinilu atlantikumiittuni Maniitsumitut/ Qeqqata Kommuniani assigusumik ajornartorsiuteqartuni pingaarutilimmik attaveqaataasinnaalissalluni.

Aatsitassanut Attaveqaqatigiinnermullu Ataatsimiititaliami suliap suliarinera

Aatsitassanut Attaveqaqatigiinnermullu Ataatsimiititaliap februarip 2-ani 2010-mi ataatsimiinnermini suliaq suliarivaa.

Aatsitassanut Attaveqaqatigiinnermullu Ataatsimiititaliap innersuussutaa

Aatsitassanut Attaveqaqatigiinnermullu Ataatsimiititaliap aningaasaqarnermut ataatsimiititaliamut akuersissutigeqqullugu innersuussutigissavaa, Nora pilersaarut "Communities for Change" pingaarnertut pilersaarutinngortinniarlugu allaffeqarfimmit suliaq ingerlatiinnarneqassasoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februarip 9-ani 2010-mi ataatsimiinnermini suliaq suliarivaa. Innersuussutigineqartoq akuersissutigineqarpoq.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussaq**

1. NORA-mit qinnuteqaat ilanngussartaluk 2009-mi oktobarip 5-ianeersoq.

**Imm. 11 KANUKOKA-p 2010-mi maajimi Ilulissani aallartitanut ataatsimiisitsinissaanut  
ilaasortaanermut akiliutaasartuq pillugu oqaluuserisassatut siunnersuummut  
paasissutissiissut**

*Journalnr. 00.06.01*

Tunuliaqutaq

2010-mi maajip 19-iani 20-anilu KANUKOKA aallartitanut Ilulissani ataatsimiisitsinissaq. Tamatumunnga atatillugu KANUKOKA allakkatigut 2009-mi decembarip 28-aneersutigut kommuniq piumaffigai, malittarisassat naapertorlugit ataatsimiinnissaq kingusinnerpaamik qaammatinik pingasunik sioqqutsisumik, imaappoq kingusinnerpaamik 2010-mi februaarip 19-iani, oqaluuserisassatut siunnersuutit nassitsississasut.

Maleruagassatigut tunngavissat

KANUKOKA-p malittarisassai 2008-mi septembarip 25-aneersut, aallartitat Ilulissani ataatsimiinerini akuersissutigineqartoq.

Ilaasortaanermut akiliutit pillugit § 13-imi imm. 1-imi ima allassimavoq:

*"Kattuffiup aningaasartuutaanut matusissutissanik kommunit Kattuffimmut ilaasortaaus tamarmik akiliisassapput ilaasortaanermut akiliutinik, ukiumoortumik angissusilerneqartartunik aallartitatut katersuuttartunit.*

*Ilaasortaanermut akiliutit angissusilerneqassapput innuttaasumut ataatsimut ukiumut ataatsimut akiliutit.*"

Pissutsit atuuttut

Aningaasaqarnermut ataatsimiititaliap 2009-mi novembarip 10-ani ataatsimiinnermini aalajangerpaa, ilaasortaanermut akiliutaasartup tullinnguuttut patsisigalugit qaffanneqarnissaa KANUKOKA-mut qaqqinneqassasoq:

"Kanukoka oktobarip 5-ni 2009-mi mailikkut nalunaaruteqarput, 2010-mi kattuffimmut akiliut Qeqqata Kommunianut 2.190.953 koruuniussasoq. Taamaallaat 1.953.000 koruunit Kanukokamut akiliutissatut missingersuutiniipput.

Taamaattumik suli 238.000 koruuninik 2010-mi missingersuutitigut ukiumullu missiliuuteqarfiusunut iluarsissuteqarnissaq pisariaqarluni.

Aningaasaqarnermut immikkoortortaq isumaqarpoq, kattuffimmut akiliutissaq minnerujussuusariaqaraluartoq. Aaqqissuusseqqinneq kommuninik ikilileriffiuvoq, aningaasaqarnermullu immikkoortortaq isumaqarpoq, kommunit kattutinnginnerini Kanukokap kommunit minnerit sullitarinerugai. Kommunit ikinnerulernerini Kanukokamut aningaasartuutitigut annertuumik millileriffiusutut takussutissaqartariaqaraluartoq, 2008-mimi naatsorsuutitigut 51 mio. koruuninik aningaasaateqartoq takuneqarsinnaavoq."

Kommunalbestyrelsip 2009-mi novembarip 24-ani ataatsimiinnermini missingersuutit akuersissuteqarnermini, ilaasortaanermut akiliutip qaffanneqannginnissaanut kommuni isumaqataannginnera pillugu KANUKOKA allaffigineqarnissaanik aningaasaqarnermut ataatsimiititaliap aalajangiinera akuersissutigaa.

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Aningaasaqarnikkut allaffissornikkullu kingunerisinnaasai

KANUKOKA-mut ilaasortaanermut akiliutip qaffanneqarnissaa, ilaasortaanermullu akiliut ukiut tamaasa qaffakkiartuinnartup, Qeqqata Kommuniata missingersuutaanut 238.000 kr.-inik qaffaataavoq, takuuk eqitsit ataaniittoq.

Eqitsit 1. KANUKOKA-mut ilaasortaanermut akiliutissat

	2007		2008		2009		2010	
	Aningaasa -liissutit	Atuineq	Aningaasa -liissutit	Atuineq	Aningaasa -liissutit	Atuineq	Aningaasa -liissutit	Atuineq
Sisimiut	1.236.000	1.215.647	1.236.000	1.251.735				
Maniitsoq	717.000	710.004	727.000	726.930				
<b>Katillugit / 2009-mit Qeqqata Kommunia</b>	<b>1.953.000</b>	<b>1.925.651</b>	<b>1.963.000</b>	<b>1.978.665</b>	<b>1.953.000</b>	<b>2.108.299</b>	<b>2.191.000</b>	

Eqitsimmi takuneqarsinnaasutut, Maniitsup Sisimiullu Kommunerisimasaasa kattunneqarnerat sioqqullugu KANUKOKA-mut ilaasortaanermut akiliut 2 mio. kr.-inik annerusimangilaq.

Ilaasortaanermut akiliutip qaffanneqarnerata kingunerisaanik kontonit allanit aningaasanik aallertoqartariaqarsimasoq, tamatumalu kingunerisaanik naggaterpiaatigut innuttaasunik sullissiniarnermik ajornerulersitsisinnasumik immikkoortuni allani allaffissornikkut kingunerluppoq.

Qullersaqarfiup naliliinera

Aaqqissuusaaernerup allangortinneqarneratigut ingerlatsinermi aningaasartuutit annikillisinneqarnissaat, ilutigitillugulu tamanut iluaqutaasinnaasut siuarsarneqarnissaat siunertaavoq.

Kommuninut 2010-mut ataatsimoortumik tapiissutit 2009-mut sanilliullugit 43,1 mio. kr.-inik annikillisinneqarnerisigut annikillieriarujussuupput, tamatumalu kingunerisaanik kommunit 2010-mut missingersuutitigut sipaaruteqarniarnerminni suli 6 mio. kr-it missaannik sipaarutissanik ujartuisariaqarlutik.

KANUKOKA kommuninut peqatigiiffittut aamma aaqqissuusseqqinnermi ataatsimiititaliap innersuussutaa malillugu ingerlatsinermi aningaasartuutit ikilisinneqarnissaannik kinguneqartussamik sulisuminik ikilisaasariaqaralarpoq, ilaasortaanermummi akiliutip qaffanneqarneratigut kommunit, ilaasortaanermut akiliutit qaffakkiartornerisa kingunerisaanik, komuninullu ataatsimoortumik tapiissutit annikillieriarujussuarneratigut eqqugaareeqisut aallerfiginagit.

Tamanna tunuliaqutaralugu kommunit missingersuutaat sipaaruteqarfioreeqisut isumalluutigalugit KANUKOKA-mut ilaasortaanermut akiliutip 238.000 kr.-inik qaffanneqarnissaa qullersaqarfiup tungavissaqarsorinngilaa.



**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Qullersaqarfiup innersuussutaa

Aningaasaqarnermut ataatsimiititaliamit akuersissutigineqartussanngorlugu innersuussutigineqassaaq, KANUKOKA-p aallartitanut ataatsimiisitsinissaanut tullinnguuttoq ataatsimiissutissatut siunnersuutitut nassiunneqassasoq:

2010-mut missingersuutininut sanilliullugu ilaasortaanermut akiliutip 20 %-imik appartinneqarnissaa aallartitat 2011-mut missingersuutininut isummerfiginninnissaat pillugu Qeqqata Kommuniata KANUKOKA-p aallartitanut ataatsimiisitsinissaanut oqaluuserisassatut nassiutissagaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 9-ani 2010-mi ataatsimiinnermini suliaq suliarivaa. Innersuussutigineqartoq akuersissutigineqarpoq.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussaq**

Ilanngussaqanngilaq

**Imm. 12 Aningaasarsianit akileraarutit pillugit inatsisartut inatsisaata oqaaseqaatitai ilanngullugit allannguutissaattut siunnersuutip tusarniutigineqarneranut paasissutissiissut**

*Journalnr. 08.01.00*

Tunuliaqutaq

KANUKOKA januaarip 12-ni 2010-mi aningaasarsianit akileraarutit pillugit inatsisartut inatsisaata allannguutissaattut siunnersuutip saqqumiunneqannginerani allakkatigut kommuni tusarniutaasumut akissuteqaqqallugu qinnuigivaa.

Tusarniaanermi atortussani nassiunneqartuni takuneqarsinnaavoq, inatsimmi allanngortinniakkat tulliuuttunut tunngasuusut:

- § 19, imm. 9 sulisitsisup biiliisa inuinnartut biileralugit atorneri
- § 58 a – c kapitali nutaajuvoq 5 a – piginneqatigiiffiit killilimmik akileraaruteqartusaatitaasut allanngortinnerini piniarsinnaatitaanermilu akuerissutit pigisat tunineri, tassa ”farm out”-nik taaneqartartut
- § 68, imm. 2 akileraaruseriffiit kommunitut akileraarfissatut
- § 72 a aamma b (nutaaq) tamakkiisumik akileraarut.

Maleruagassatigut tunngavissaq

Aningaasarsianit akileraarutit pillugit Inatsisartut inatsisaat nr. 12 af 2. november 2006-meersoq.

Pissutsit atuutut

Inatsisip § 19-ata allannguutissaattut siunnersuut inatsisikkut akileraarusiisarnermi periutsinik erseqqissaataavoq.

Inatsisissatut ilanngussassatut siunnersuut § 58 a – c kapitalit nutaattut 5 a – pineqarput piginneqatigiiffiit killilimmik akileraaruteqartusaatitaasut allanngortinnerini piniarsinnaatitaanermilu akuerissutit pigisat tunineri, tassa ”farm out”-nik taaneqartartut.

Inatsisip § 68, imm. 2-anut allannguutissatut siunnersuut alumiiniumik aatsiteriffiliornissamut, erngup nukissiorfiliornissanut, aatsitassarsiorfiliornerit taamatullu uuliamik qalluinissanut attuumassuteqarpoq. Allannguutissatut siunnersuutini ilaatigut akileraartusaatitaanermut tunngasut taamatullu piginneqatigiiffiit tamakkulu sulisussaasa kommuni akileraarfissaat isummerfigineqarput.

Inatsisissatut siunnersuummi oqaaseqaatini takuneqarsinnaavoq, aatsitassarsiornermi taamatullu sermimut imermullu tunngasutigit nunatta avataaneersunut akileraarutissat, pisarnertut nunatta karsianut akileraarutaasassat. Alumiiniumik aatsiteriffiliornissamik pilersaarummut atatillugu periuseq taanna aamma atorneqassaaq, sanaartornerulli nalaannaani.

Inatsisimmi §§ 72 a-mi aamma b-mi allannguutissatut/ilassutissatut siunnersuutit, matuma qulaani inuussutissarsiuqarfinnut taaneqartunut aamma attuumassuteqarput, allannguutissallu kingunerisallugu, tamakkiisumik 30 procentimik akileraartarnissaq eqqunniarneqartoq, pingaartumik nunatta avataanersunut.

Immikkut sulisussatut pissarsiarineqarsimasut eqqarsaatiginerullugit tamakkiisumik akileraarutip eqqunnerata malitsigisaanik, assigiimmik suliaqarlutik akileraartartut aningaasarsiatigut naligiingitsumik pineqalissapput.

Pissutsit atuuttut pillugit sukumiinerusumik allaaserisaq suliamik suliaqarnermi suliarineqartumi suliamut tunngatillugu allakiami suliaavoq. Allakiaq taanna ilanngussaq 2-tut innersuussutigineqarpoq.

Aningaasaqarnikkut allaffissornikkullu kingunerisinnaasai

§ 19-imut kiisalu § 58 a-miit c-mut allannguutissat siunnersuutit eqqarsaatigalugit, tamakku kommunimi aningaasaqarnikkut imaasiillaannaq sunniuteqartussaangillat, taamaattumillu oqaaseqaatissat tulliuuttut § 68, imm. 2-mut kiisalu § 72 a-miit – b-mullu allannguutissanut tunnganerussallutik.

Maniitsumi alumiiniumik aatsiteriffillioarnissamat atatillugu misissuinerit aningaasarsianit akileraarutit pillugit inatsisip atuuttup takutippaa, misissuineri, sanaartornermi ingerlatsinermilu sulisus-sat akileraarutissaat Kommunip Namminersorlutillu Oqartussat akornanni agguataaneqassasut. Inatsissat siunnersuutissat saqqummiunneqartut oqaaseqaatitaat ilanngullugit takussutissiippat, Akileraaruseriffik (tassalu Namminersorlutik Oqartussat) aatsiteriffiliornerup nalaani akileraaqrfiusussa-tut isigineqassasut, tassa sulisussat sulilinginnerimni qaammatini arfinilinni kalaallit nuaanniisimannngippata. Aatsaallu aatsiteriffiassa q naammassilluni atulerpat sulisut tamakkerlugit isigalugit akileraarutaat, maleruagassat atuuttut naapertorlugit Kommunip Namminersorlutillu Oqartussat agguaqatigiittassallugit.

Alumiiniumik pilersaarutip erngup nukissiorfittassaa alumiiniumillu aatsiteriffittassaa, sulisussat nunanit allaneersorpasuit atorlugit ukiut 5-it 6-illu akornanni sanaartorneqartussat naatsorsuutigineqarmata, aningaasat millionerpassuit pineqarput, Namminersorlutik Oqartussat kommunimiit tigusassai, tassa pilersaarussiaq piviusunngortinneqassappat. Taamatut aamma issalluni aatsitassarsiorfiliornerit, uulimik gassimillu qalluinerit taamatullu sermimik imermillu pilersaarutit sanaartornissaatigut ingerlatinnissaatigullu periarfissat eqqarsaatigalugit.

Inatsissat siunnersuutinut oqaaseqaatini ilanngullugu saqqummiunneqarpoq, assersuutigalugu Alcoa pillugu pilersaarummut atatillugu nunatta karsiata inissiat, meeqqeriviit, aqqusinniorneq il.il. aningaasartuutigissussagai, soorlu aamma pilersaarusiornert ineriartortinnerinut aningaasartuutit nunatta karsiata aningaasartuutiginikuugai.

Maniitsumi illoqarfiup nutaartassaanik sanaartornissami suleqatigiissitaq Kalaallit Nunaanni Namminersornerullutik Oqartussat/Namminersorlutik Oqartussat kiisalu Qeqqata Kommunianit arlariillutik peqataaffigisaanni maannamut isumaqatigiissutigivaat, illoqarfiup nutaartassaanik kommunitulliuuttutigit aningaasartuutissaqassasoq, illoqarfiup pilersaarusiornerni, aqqusinniornerni, qaartiterinerni, kuuffissualersornermi, ikuallaaviliornermi, sanaartorfigissaanerni, meeqqeriviliortiternerni, sunngiffimmi ornitassaliortiternerni kiisalu utoqqarnut inissialiornerni. Tamakkulu kommunip sanaartortitassai, aallaavittut naatsorsuineri 205 mio. koruuninik naliligaallutik.

Tamakku saniatigut inissialiortiternissami, timersortarfiliornissami kulturikkut illorsualiornissamat kommunit akileeqataassanersoq suli aalajangiunneqanngilaq, tamakkulu aallaavittut 1 mia. koruuninik naliligaallutik.

Taamaattumik kommunit illoqarfiup nutaartassaanik sanaartugassat assigiinngitsut eqqarsaatigalugit aamma aningaasartuutissarpasuaqassaaq, taamaakkaluarli inatsisissat siunnersuutikkut sanaartornerup nalaani isertitassat eqqarsaatigalugit pissarsiassaqaartitaassanani.

**Qeqqata Kommunia - Kommunalbestyrelsep februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Namminersorlutik Oqartussat pilersaarutitigut ineriartortitsinermut aningaasartuutai eqqarsaatigalugit, 2010-mi Aningaasanut Inatsimmi takuneqarsinnaavoq, Kalaallit Nunaanni Namminersorlutik Oqartussat pilersaarummik ineriartortitsinermi aningaasartuutaat Alcoa-miit utertinneqartussaasut, akuersissuteqartoqassappat (koncessioneqarnissaq toqqarneqassappat). Piginneqatigiinnissaq toqqarneqassappat, siunissami piginnittutut pisassaannut sanilliullugu Namminersorlutik Oqartussat Alcoallu aningaasartuutit avissavaat. Naatsorsuutigineqarporlu, taamaattoqassappat taama piginnittutut pisassat siunissamut atatillugu iluanaarutaalerumaartut piginneqatigiiffiup sinneqartooruteqartarnissaatigut.

Taamaattoqassappallu Namminersorlutik Oqartussat pilersaarusionermik ineriartortitsinermi aningaasartuutigisimasaat utertinneqassapput imaluunniit isertitaqaataalerlutik, tamakkunuuna aningaasartuutaasimasunik annertunerusunik, tassa alumiiniumik aatsiteriffissaq piviusunngortinneqarpat.

Alumiiniumik aatsiteriffiliornissami aatsitassarsiornissamilu taamatullu uuliamik gassimillu qalluisoqarlernissaani ilanngullugu naatsorsuutigisariaqarpoq, Namminersorlutik Oqartussat koncessionikkut isertitaqalernissaat. Taamaattoqassappallu inuussutissarsiutitigut pilersaarutitigut Namminersorlutik Oqartussat aningaasarsianit akileraarutitigut Akuersissummullu akileraarutikkut (koncessioneqarnikkullu akiliutitigut) isertitaqalissalluni taamatullu aamma piginneqatigiiffiup iluanaarutaasigut, tassa alumiiniumik aatsiteriffiliornissamik pilersaarummik, Nuna Minerals-imik kiisalu Nuna Oil-imik piginnittutut. Taavalu kommunit kisimik aningaasartuutinik isertitaqaataannigitsunik nammattuulissalutik.

Tamakkiisumik 30 procentinik akileraaruteqarnissamik eqqussinissaq eqqarsaatigalugu, alumiiniumik pilersaarummut atatillugu kommunip missingersuutaasigut aningaasaqarnikkut tamanna qanoq sunniuteqarumaarnersoq massakkut naliliiffigiuminaappoq, tassa siunissami alumiiniumik pilersaarummut atatillugu sulisussat qanoq katitigaajumaarnissaat ilisimaneqanngimmat.

Alumiiniumik pilersaarummi inuussutissarsiutissatullu pilersaarutit annertuut allat eqqarsaatigalugit sulisussat nunanit allaneersut, kalaallit nunaanni akissarsiatigut inissisimaneq atussappassuk, taava sulisitsisut nunanit allaneersunik sulisoqarusunnerusussaassapput akileraariaatsikkut aaqqissuussi-neq eqqarsaatigalugu. Nunanit allaneersunit akileraarutitigut isertitat Namminersorlutik Oqartussanuinaq tuttussaammata, taava tamakkiisumik 30 procentinik akileraaruteqartitsiniarnermik siunnersuut kajumissaarutitulluannigisoq nalunngikkaluarlugu ilisimanaguluunniit eqqunniarneqarnera torralataannigilaq.

Taamaalilluni Namminersorlutik Oqartussaniit inatsisissatut siunnersuutikkut sulisussat nunanit allaneersut salliutinneqarput, aammalu sulisussanit nunanit allaneersunit isertitassat Namminersorlutik Oqartussanuinaq tuttussaallutik.

Allaffeqarfiup naliliinera

Aningaasarsianit akileraarutit inatsisaanni § 19-imut aamma § 58 a-miit c-mut allannguutissaattut siunnersuutit kommunimut imaliinnarlutik sunniuteqassanngillat, taamaattumik taakku allaffeqarfiup oqaaseqarfiginngilai.

Illuatungaatigulli § 68 imm. 2-p aamma § 72 a-p b-iillu akuersaarneqarsinnaanngulluinnartunik imaqarlutik, tamakkunuuna sulisut nunanit allaneersut akileraarutaasigut isertitatigut kommuni ullumikkumut pissarsiassaqarani. Tamannalu pisarluni, naak suliassanik nammaqatigiissnissaq agguaqatigiinnissarlu allannguuteqanngikkaluartoq, taamaalillutillu kommuni soorlu illoqarfiup nutaartassani sanaartugassatigut il.il. suli aningaasartuutitigut kisimi nammattussaassalluni.

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Paragraffit taakku marluk aaqqissusseqqinnerup anguniagaanut siunertaanullu akerliulluinnarput, kommunimmi akisussaaffeqarnerulernissaat siunertaagaluarmat. Tamanna isertitaqarfissaraluinik assaartorlugit anguneqarnaviannngilaq.

Peqatigitillugulu aamma kajumissaarut torrallataaangiivilluni, inuussutissarsiutitigut ineriariartortsinissamat sanilliullugu kommuninut allaffissornikkut suliaassat tiginissaat akilerluarnerusinnaassap-pat. Aningaasarsiatigut akileraarutit inatsisaata allannguutissaannik siunnersuutitigut allaffissorner-mut tunngasut inuussutissarsiutitigut ineriartortitsinermut sanilliullugit salliutinnissaat pingaarnerulersimasorinarpoq.

Allaffeqarfiup innersuussutaa

Allaffeqarfiup innersuussutigissavaa, Qeqqata Kommuniata KANUKOKA-p tusarniutaanut akisutteqaataagallartussatut siunnersuutit Aningaasaqarnermut ataatsimiititaliap akuersissutigissagai

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 9-ani 2010-mi ataatsimiinnermini suliaq suliarivaa. Innersuussutigineqartoq akuersissutigineqarpoq.

Aamma suliaasaq unitsillugu kinguartissinnaanera siunnersuutigineqassaaq.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussat**

1. Aningaasarsianit akileraarutit pillugit Inatsisartut inatsisaannut allannguutissattut siunnersuut inatsisaat nr. xx af xx 2010
2. Inatsisissatut siunnersuummut oqaaseqaatit: Nalinginnaasumik aninginnaasumik oqaaseqaatit
3. KANUKOKA-p tusarniutitut allagaa 12. januar 2010
4. Qeqqata Kommuniata KANUKOKA-mut akissutigigallagassaa.
5. Aningaasarsianit akileraarutit pillugit inatsisip allannguutissaatut siunnersuummut oqaaseqaatitai ilanngullugit allakkiaq.

**Imm. 13 2010-mut missingersuutitut missingersuutitigut iluarsissutit**

*Journalnr. 06.01.01/2010*

Tunuliaqutaq

”Ukiumut missingersuusiorfiusumut 2010-mut kommuninut ataatsimoortumik tapiissutit pillugit isumaqatigiissut” 2010-mi februaarip 4-ani Kanukokap nassiunnikuuvaa, tassanilu takuneqarsinnaavoq, Aningaasanut inatsimmi kommuninut ataatsimoortumik tapiissutaasussat Kanukokap akuersaarai.

Ukiumut missingersuusiorfiusumut 2010-mut ataatsimoortumik tapiissutissanik isumaqatigiissusiornerup sivisuup naammassineqanngitsullu malitsigisaanik 2010-mut missingersuutini ukiunullu missiliuteqarfiusunut 2011-miit 2013-imut 2009-mut 2010-mullu ataatsimoortumik tapiissutaasimasut ilanngutiinnarneqarput.

Maleruagassatigut tunngavissaq

Inatsisartuni aalajangerneqarnikuuvoq suliniutinut aningaasartuutitaqarluartunut nunatta karsia kommuninut aningaasaliisarnissaanik, ataatsimoortunik tapeeriaaseq manna tikillugu ingerlanikuuvoq. Isumaqatigiissusioriaatsip taassuma takutippaa, 2010 aallarnerfigalugu atuutilersumik Namminersorlutik Oqartussanit tamanna atorunnaarsinneqartoq.

Kommunip missingersuutaani Kommunalbestyrelsi aningaasaliisussaataavaq.

Pissutsit atuuttut

2010-mut ataatsimoortumik tapiissutinik isumaqatiginninniarnermi 2009-mut ataatsimoortumik tapiissutit 805,7 mio. koruuniusut aallaavittut atorneqarput. Naak akigititanut akissarsianullu 20,9 mio. koruuninik iluarsissuteqartoqaraluartoq 2010-mut ataatsimoortumik tapiissutit katillugit 789,3 mio. koruuninik aningaasartalerlugit naammassineqassapput, tamanna kommunimut iluarsineqanngitsunut nalimmassaanernik arlalinnik patsiseqarpoq.

Nalimmassaaneq ajornerpaaq tassaavoq eqqartorneqangaatsiartooq 30 mio. koruuninik uppernarsaatitaqanngitsunik kommuninut ataatsimoortumik tapiissuteqarneq. Taakku saniatigut kommuni ikinnerusunik isertitaqassaaq, tullinnguuttut pissutigalugit,

- Siunissami meeqqat atuariiini atuartunut annernut tapiissutinik tunniussisoqartarunnaartussaammat
- Biileqartitsinermi akileraarusiisalerneq qaffanneqarnerata kingorna akileraarutitigut isertitassanik amerlanerusunik tigusartagaqalernissaq
- Innuttaasunik sullissinerup pitsaannerusup suliniutigineqarneranut akileeqataanissaq

Ataatsimoortumik tapiissutinut isumaqatigiissutip saniatigut 2010-mut missingersuusiornermut atatillugu kommunip missingersuutaani kukkunernut marlussunnut kukkusoqarsimaneranut aammattaq iluarsiffigineqassapput. Uani pineqarlutik Sisimiut illoqarfiani kuuffissuarnik iluarsartuussinermi marloriarluni ilanngussaqaarsimaneq aammalu Maniitsumi katersugaasivimmi akissarsianut amigartumik ilanngussaqaarsimaneq, taakku 2009-mi aggustimi Kommunalbestyrelsimit akuersissutaagaluarput.

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Aningaasaqarnikkut allaffissornikkullu kingunerisinnaasai

Ataatsimoortumik tapiissutit Qeqqata Kommuniani 2010-mut missingersuutini aammalu 2011-miit 2013-mut ukiunut missiliuuteqarfiusunut kontomi 83-01-00-82-01-mi 150.685.000 koruuninik isertitaqarfissanngorlugit ilanngussaapput, Aningaasanulli inatsimmi taamaallaat 140.580.000 koruuninik amerlassusiligaallutik. Taamaalilluni ataatsimoortumik tapiissutini isertitassatut isumaqatigiissummi 10.105.000 koruuninik annikinnerunerata malitsigisaanik immikkut aningaasaliisoqarnissaa pisariaqarpoq.

Taamaattorli ataatsimoortunik tapiissutinut isumaqatigiissutip kingunerisaanik kontomi 51-12 iliniartunut tapiissutini aningaasartuutunik annikilliliisoqarsinnaavoq, ukiumi atuarfusup 2010/201-p aallartinnerani meeqqat atuarfiini atuartunut annernut tapiissuteqartoqartarunnaartussaammat. Taamaalilluni 2010-mi 538.000 koruuninik aamma 2011-2013-mi 1.538.000 koruuninik isertitassatut aningaasaliisoqarsinnaavoq.

Ataatsimoortumik tapiissutinik isumaqatigiissusiornermi Qeqqata Kommuniani kuuffissuarnik iluarsartuussinermut 7.085.000 koruuninik ilanngussisoqarnikuvoq. Allaffeqarfik isumaqarpoq, taamatut isumaqatigiissusiortoqarneratigut Kangerlussuarmi kuuffissuarnut iluarsartuussinernut kommuni nammineq aningaasaatiminik iluarsartuussisariaaruttoq. Taamaalilluni 2010-mi kontomi 72-22-mi Kangerlussuarmi kuuffissuarnik iluarsartuussinermut 4.050.000 koruuninik sipaaruteqartoqarsinnaavoq, kisianni Sisimiuni ilinniartut inaanni innarluutilinnut appakaaffissaliornissap qulakkeerneqarnissaanut 3.000.000 koruunit immikkoortinneqassapput. Isertitassatut aningaasaliissutissat 1.050.000 koruunit tamaalilluni kiserngorupput.

2010-mut missingersuutit suliarineqarnerini Sisimiut illoqarfianni kuuffissuarnik iluarsartuussinermut kukkusoqarneratigut kontonut marlunnut ilanngussisoqarsimavoq, kontomi 72-41-00- mi 2.000.000 koruunit aamma 1.949.0000 koruunit. Aningaasat siulliit 2.000.000 koruunit isertitassatut aningaasaliisoqarneratigut sipaarutigineqarsinnaapput.

2009-mi aggustimi Kommunalbestyrelsi aalajangiivoq, kontomi 56-02-20-01-10-mi 75.000 koruuninik Maniitsumi katersugaasivimmi sulisut akissarsiassaannut immikkut aningaasaliissuteqartoqassasoq, kisianni kukkusoqarneratigut taakku taamaallaat 2009-mut ilanngunneqarsimapput aammalu 2010-mut missingersuutinut ukiunullu missiliuuteqarfiusunut ilanngunneqaratik. Taamaalilluni 2010-mut missingersuutini ukiunullu missiliuuteqarfiusunut 75.000 koruuninik immikkut aningaasaliissuteqartoqarnissaa pisariaqarpoq.

Allaffeqarfiup naliliinera

Ataatsimut tapiissutinik isumaqatigiissusiornerup kingunerissavaa kommunimut isertitassat annikillerujussarnerinik, tamaattumik piffissaq qaninnerusoq ungasinnerusorlu isigalugit sipaaruteqarnissaq pisariaqarpoq. Taamaalilluni ingerlatsinermi annertuumik sipaaruteqarnissaq pisariaqassaaq, kommunalbestyrelsip kissaataa sanaartornermut missingersuuteqarneq annertoq paariinnarneqassappat. Kommunalbestyrelsip apriliimi ataatsimiinnissaanut sipaarutissatut siunnersuuteqarnissaq allaffeqarfiup naatsorsuutigivaa, tamatumani 2011-mut missingersuutinut ukiunullu missiliuuteqarfiusunut killiliussat nalunaarutigineqassallutik.

2010-mut missingersuutinut ukiunullu missiliuuteqarfiusunut eqqortunik missingersuusiussagutta kiisalu 2011-mut missingersuutinut ukiunullu missiliuuteqarfiusunut killiliinissanik eqqortunik periarfissiussagutta iluarsuuteqarnissat tulluarsaanissallu taaneqartut pisariaqarput.

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 9-ani 2010-mi ataatsimiinnermini suliaq suliarivaa.

**Innersuussut**

Aningaasaqarnermut ataatsimiititaliap kommunalbestyrelsimit akuereqqullugu innersuussutigissavaa,

2010-mi katillugit 6.592.000 koruuninik aammalu eqitsit ataaniittoq naapertorlugu katillugit 6.642.000 koruuninik immikkut aningaasaliissuteqartoqassasoq

Konto	Taaguutaa	Missingersuusiorfik	Imm. Aningaa.	Aningas.nutaaq
		2010	2010	2010
51-12-xx-xx-xx	Ilinniartunut tapiissutit	1.538.000	-538.000	1.000.000
56-02-20-01-10	Katersugaasiviit - qaammammusiat	263.000	+75.000	338.000
72-22-30-50-61	Kuuffissuit - Kangerlussuaq	1.050.000	-1.050.000	0
72-41-00-50-61	Kuuffissuarnik iluarsartuussineq – ataatsimoorussaq	2.000.000	-2.000.000	0
83-01-00-82-01	Nam. Oqart. Tapiissutit	-150.685.000	+10.105.000	-140.580.000
Katillugit			6.592.000	

Konto	Taaguutaa	Missingersuut	Imm. Aningaas.	Aning. nutaaq
		2011-2013	2011-2013	2011-2013
51-12-xx-xx-xx	Ilinniartunut tapiissutit	1.538.000	-1.538.000	0
56-02-20-01-10	Katersugaasiviit – qaammammusiat	263.000	+75.000	338.000
72-41-00-50-61	Kuuffissuarnik iluarsartuussineq – ataatsimoorussaq	2.000.000	-2.000.000	0
83-01-00-82-01	Nam. Oqart. Tapiissutit	-150.685.000	+10.105.000	-140.580.000
Katillugit			6.642.000	

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. Aningaasanut inatsit 2010: 20.05.20 Kommuninut ataatsimoortumik tapiissutit.



**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

**Imm. 14 2011-mi aningaasanut inatsisissamut sanaartugassatut kissaatigisat  
qinnutiginnissaat**

*Journalnr. 06.01.03*

Tunuliaqutaq

Namminersorlutik Oqartussat januaarip 11-ani 2010-mi allakkatigut Qeqqata Kommuniata 2011-mi Aningaasaqarnermut inatsisikkut kissaatai ujartorpai. Qeqqata Kommunia kingsinnerpaamik marsip 1-ani 2010-mi ataatsimoortumik tullerriaakkamillu Qeqqata Kommuniani sanaartugassatigut kissaatigisaminik Namminersorlutik Oqartussanut nassiussissaaq.

Maleruagassatigut tunngavissaq

Aningaasanut inatsit Namminersorlutik Oqartussat kisimik susasaqarfigivaat, taamaattorli kommunit tamatumani sanaartortinniakkatigut kissaatigisatigut tullerriaakkat tusartissallugit periarfis-saqartitaapput.

Pissutsit atuuttut

Namminersorlutik Oqartussat maluginiaqqaat, ”Inatsisartut 2010-mut Aningaasanut inatsisip akuersissutigineratigut, 2004-mi Aningaasanut inatsisip suliarineratigut siunniunneqartoq sulii siun-niusimagaat, tamannalu ima paasineqassalluni, salliutitat tullerriaarineri imaassasut atuarfiliorti-terneq, illuliortiterneq pilersuinerlu. Tamatuma kingunerissavaa kissaatit allat taamaallaat killilimmik aningaasaliiffigineqarnissaat.”

Missingersuutissatut akuerisat, politikikkut kissaatigisat saqqummiunneqartut ukiumilu kingullermi siusinnerusukkut Qeqqata Kommuniata sanaartugassatigut kissaatigisaminnik tullerriaarineri tunuliaqutaralugit matuma kingulianiittut Qeqqata Kommuniani missingersuusiorfusumi 2011-mi ukiunullu missiliuuteqarfusunut tullerriaakkatut siunnersuutit pisortaqatigiit suliarivaat.

Tus. Kr.	Illoqarnikkut/ inissaqar-nikkut ineriartortitsinissa-mi pilersaarutit	2010 Katinneri		2011		2012		2013		2014	
		Komm	GS	Komm	GS	Komm	GS	Komm	GS	Komm	GS
Prior	Pilersaarutip suussusaa										
1	Maniitsumi utoqqarnut inissiat 16-it			5.000	4.500	5.000	4.500				
2	Sisimiuni utoqqarnut inissiat 6 + 12			8.186	4.292	8.186	4.292	8.186	4.292	8.186	4.292
3	Kangerlussuarmini kommunip attartortittagassai sisamat			1.200	1.000	2.575	2.075				
4	Sisimiuni, Maniitsumi Kangaamiunilu illunik nutarterineq taartissatullu illussat				30.000		30.000		30.000		30.000
5	Sisimiuni illut tamanut iluaqutaasussat			??	??	??	??	??	??	??	??
6	20-20-60 aqqutigalugu illut			15.000	15.000	15.000	15.000	15.000	15.000	15.000	15.000

**Qeqqata Kommunia - Kommunalbestyrelsep februaarip 23-ani 2010-mi ileqquusumik  
ataatsiminnerata 01/2010-p imaqarniliornera**

Tus. Kr.	<b>Teknikkikkut ineriartortit-sinissami pilersaarutit</b>	2010 Katinneri		2011		2012		2013		2014	
		Komm	GS	Komm	GS	Komm	GS	Komm	GS	Komm	GS
Prior	Pilersaarutip suussusaa										
1	Sisimiuni eqqagassanik immikkoortiterivik			4.300	3.300						
2	Sisimiuni umiarsualiviup allilerneqarnissaa				60.000						
3	Maniitsumi illoqarfittaassamut aqqusinissaaq				15.000		15.000				
4	Kangerlussuup Sisimiullu akornanni aqqusineq			30.000		20.000	30.000	20.000	30.000	20.000	30.000
5	Kangerlussuarmi ikullaavik, naapertuuttunngorsaaneq						25.000				
6	Maniitsumi talittarfiit nutarterneqarnissaat				??		??				
7	Sisimiuni ikullaaviup allilerneqarnera							10.000	10.000	25.000	25.000

Tus. Kr.	<b>Ilaqatariinnuut tunngasutigtut ineriartortitsinissami pilersaarutit</b>	2010 Katinneri		2011		2012		2013		2014	
		Komm	GS	Komm	GS	Komm	GS	Komm	GS	Komm	GS
Prior	Pilersaarutip suussusaa										
1	Sisimiuni najugaqaqatigiiffik Pisoq nutaaq			5.000	5.000	11.000	11.000				
2	Maniitsumi innarluutilinnut inuusunnerusunut ulloq unnuarlu angerlarsimaffik			1.500	1.500	3.000	3.000				
3	Sisimiuni Utoqqaat angerlarsimaffiata allilerneqarnissaa			??	??	??	??	??	??	??	??
4	Maniitsumi Sisimiunilu Innarluutilinnut atuarfiit				??		??		??		??
5	Sisimiuni meeqqerivik			3.750	3.750	3.750	3.750				
6	Maniitsumi meeqqerivik			3.750	3.750	3.750	3.750				

Tus. Kr.	<b>Ilinniartitaanikkut-, kulturrikkut sunngiffimmilu sussaqaartitaanikkut pilersaarutit</b>	2010 Katinneri		2011		2012		2013		2014	
		Komm	GS	Komm	GS	Komm	GS	Komm	GS	Komm	GS
Prior	Pilersaarutip suussusaa										
1	Illoqarfinni nunaqarfinni atuarfinnik nutarterineq				??		??		??		??
2	Kangerlussuarmi efterskolip allilerneqarnissaa				??						
3	Nunaqarfinni timersortarfiit tamatiigoortut			3.000	3.000	3.000	3.000	3.000	3.000	3.000	3.000
4	Maniitsumi Ungdomscenter			3.400	3.400						
5	Sisimiuni atuakkanik atomiartarfik nutaaq			3.400	3.400						

**Qeqqata Kommunia - Kommunalbestyrelsen februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Tus. Kr.	Sanaartorfigissaanissamut pilersaarut innaallagiaq, imeq, kiassarneq	2010 subtotal		2011		2012		2013		2014	
		Komm	GS	Komm	GS	Komm	GS	Komm	GS	Komm	GS
1	Maniitsumi A17-mi ilaqutariinnut ataatsinut illut kujataatungaanni innaallagissap erngullu aqputaa 300m		1.750								
2	Aqquserngup qullisa 900m-isut takitigisup iluarsartuunneqarnerat. Mayers Ave. Anstalt aamma illut 40-t, Kangerlussuaq		600		600						
3	Aadamnip aqqusernganit Tuapannguanut kissarnermi aqput 600m.		250		1.000		1.500		250		
4	Maniitsumi A17-imi najugaqarfissianut 24-nut erngup aqputaa 200m				1.000						
5	Maniitsumi E1-imi inuutissarsiutinut siunertanut erngup aqputaa 210m.						1.100				
6	Akia III-mi pingaarnertut sanaartorfigissaaneq								2350		2600

Najugaqarfissiat eqqarsaatigalugit najugaqarfinit tamanut iluaqutissanit utoqqarnut inssiassat salliutinneqarput. Najugaqarfiit tamanut iluaqutissammi nutarterneqartussaapput, Namminersorlutik Oqartussallu taartissatut najugaqarfiliassai, najugaqarfissanit kommunimit taperneqartussanit salliutinneqarlutik.

Ukioq kingullermut sanilliullugu Teknikkimut avatangiisinullu eqqagassanut immikkoortiterivissaq ukioq manna ilanngunneqarpoq. Ukioq kingullermut sanilliullugu Maniitsumi illoqarfittaassamut aqqusinissaq salliunneqarunnaarpoq, alumiiniumimmi aatsiterivissaq pillugu aalajangiisoqartinnagu Namminersorlutik Oqartussat illoqarfittaassamut aningaasaleerusunninnamik.

Ilaqutariinnut pilersaarut eqqarsaatigalugu ukioq kingullermut sanilliullugu Maniitsumi innarluutilinnut inuusuttunut pisariaqartitsisunut ulloq unnuarlu angerlarsimaffissaq ilanngunneqarpoq. Namminersorlutik Oqartussat ukiorpaalunngortuni meeqqeriveqarneq salliunnikuunngimmagu, meeqqerivik salliunneqarunnaarpoq.

Ilinniartitaaneq, kulturi sunngiffillu eqqarsaatigalugu Namminersorlutik Oqartussat tulleriarinerinut naapertuutsikkumallugu kulturimit sunngiffimmiillu ilinniartitaaneq sulii salliunneqarpoq.

Sanaartorfigissaaneq eqqarsaatigalugu Nukissiorfiit Qeqqata Kommunianut ukiumut 2,6 mio. kr.-inik tunniussisarneranut naapertuuttunngortillugu tulleriarinerinut inissinneqarpoq.

Aningaasaqarnikkut allaffissornikkullu kingunerisinaasai

Aningaasaqarnikkut allaffissornikkullu kingunerisinaasat eqqarsaatigalugit, sanaartugassatigut sutigut Namminersorlutik Oqartussat aningaasaleeqataanissaat apeqqutaajumaarpoq.

**Qeqqata Kommunia - Kommunalbestyrelser februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Allaffeqarfiup naliliinera

Namminersorlutik Oqartussat sanaartugassatigut namminneq qanoq aningaasaliissuteqarnissaminnik aningaasaleeqataassuteqarnissaminnilluunniit pilersaaruteqarnerat aningaasatigut annertuumik kinguneqartussaammat, allaffeqarfik naliliivoq, tulleriarinikkut nalunaarusiami salliutitassatut pilersaarutit sukumiisumik paasissutissartalerlugit allaaseralugillu suliarineqartariaqartut.

Tamatuma saniatigut kommunip Namminersorlutik Oqartussanut tulleriarinerani Namminersorlutik Oqartussat tulleriarinerat sapinngisamik isiginiartariaqarpoq. Namminersorlutik Oqartussat illuliorititerneq illunik kifartuussivinniit salliutippassuk, kommunip kissaatigisai tamatumunnga naapertuuttariaqarput.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 9-ani 2010-mi ataatsimiinnermini suliaq suliarivaa. Ilaqatariinuuat tunngasutigut ineriartortitsinissami pilersaarutitini tulleriarinerami 1-ip aningaasartai 5 mio koruuninut iluarsineqassapput. 4-imi erseqqissarneqassaaq Sisimiut Maniitsorlu tamarmik pineqarmata.

Ilinniartitaarnikkut, kulturikkut sunngimmilu susassaartitaanikullu pilersaarutitini tulleriarinerami 4-p allaqqanera imaassaaq Maniitsumi inuusuttut ornittagaat.

Tamaalillugu kommunalbestyrelsimut ingerlateqqinneqassaaq.

**Innersuussut**

Aningaasaqarnermut ataatsimiititaliap sanaartugassatut kissaatinik tulleriarinerit kommunalbestyrelsimut akuereqqullugit innersuussutigissavai.

**Aalajangiineq**

Innersuussutigineqartoq akuersissutigineqarpoq.

**Ilanngussat**

1. Namminersornerullutik Oqartussat januaarip 11-ani 2010-mi allagaat
2. Sisimiut Kommuneata 2010-mi Aningaasanut inatsimmut sanaartugassatut kissaatitit siunner-suutai

**Qeqqata Kommunia - Kommunalbestyrelsen februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

**Imm. 15 Ulluunerani paaqqinnittarfinni sulisut meeqqallu amerlassusiligaanerisa  
allanngortinneqarnerat**

*Journalnr. 44.00*

Tunuliaqutaq

Meeqqanut suli atualinngitsunut perorsaanikkut inerikkiartuutaasunik ulluunerani neqerooruteqartarneq pillugu Inatsisitigut peqqussutaatigut piimasaqaat naapertorlugu Qeqqata Kommuniani ulluunerani paaqqinnittarfiit missingersuutaat kommunerujussuartaq ilai akimorlugu naapertuuttunngorsarneqarnikuullutillu iluarsivigineqarnikuupput.

Maleruagassatigut tunngavissat

Meeqqanut suli atualinngitsunut perorsaanikkut inerikkiartuutaasunik ulluunerani neqerooruteqartarneq pillugu Inatsisartut peqqussutaat nr. 10, 5. december 2008-meersoq.

Pissutsit atuuttut

Paaqqinnittarfiit naapertuuttunngorsarneqarnerisa, inatsisitigullu piimasaqaatip naammassineqarnissaata malitsigisaanik sulisoqarnikkut amerlassusililineq ulluuneranilu paaqqinnittarfiit missingersuutaat eqqugaassapput. Inatsit nutaaq naapertorlugu ulluunerani paaqqinnittarfiit ilaanni sulisut amerlassusiligaanerat annertusiallassaaq, ilaannilu ikilisinneqassalluni. Maniitsumi annerusumik allanngortoqassaaq, Sisimiunilu allannguutissat annertunatik. Ataatsimut sulisut amerlassusissaat akuleriisitsilluni paaqqinnittarfinni ataatsimik atorfirmik ilanngassaaq 204-ini 203-nut sulisut amerlassuseqalissallutik. Meeqqat amerlassusissaat ataatsimik ilassaaq 809-nit 810-nut.

**Kingunerisassaa**

Ulluunerani paaqqinnittarfiit	Sulisut amerl. Ullumikkut	Sulisut amerl. Nutaaq	Meeq. Am. Ullumikkut	Meeq. Am. Nutaaq	Ullumikkut missingers.	Missingers. nutaaq	Kingunissai aningaasan.
Vuggestuen Nuka, Sisimiut	16,0	15,5	50	48	4.540	4.315	-225
Børnehavn Æjo, Sisimiut	8,5	8,5	36	36	2.570	2.459	-111
Børnehavn Sisi, Sisimiut	12,5	12,0	55	60	4.159	3.586	-573
Fritidshjem Naasoq, Sisimiut	9,0	9,0	66	66	3.003	2.979	-24
Fritidshjem Sikkersoq, Sisimiut	10,0	10,0	65	65	3.018	2.961	-57
Int.inst. Naalu, Sisimiut	15,0	15,5	48	56	4.127	4.154	27
Int. inst. Naja/Aleqa, Sisimiut	15,5	15,5	54	36	4.126	4.024	-102
Int. inst. Ungaannuaq, Sisimiut	13,0	12,0	48	44	3.282	3.340	58
Int. inst. Nuniaffik, Sisimiut	15,5	15,5	64	62	4.452	4.298	-154
Int. inst. Kanaartaq, Sisimiut	15,5	15,5	64	64	4.452	4.326	-126
Aanikasik, Maniitsoq	16,5	15,5	51	54	4.322	4.097	-225
Aja, Maniitsoq	20,0	19,0	63	65	5.609	5.004	-605
Angajo, Maniitsoq	13,0	12,0	42	40	3.326	3.208	-118
Paarsi, Maniitsoq	14,0	12,0	55	52	3.379	3.368	-11
Nuka, Kangerlussuaq	10,0	15,5	48	62	3.841	4.508	667
<b>Katillugit</b>	<b>204,0</b>	<b>203,0</b>	<b>809</b>	<b>810</b>	<b>58.206</b>	<b>56.627</b>	<b>-1.579</b>
		-1,0		1,0			-1.579

Kangerlussuarmini Nuka pillugu:

Kangerlussuarmini ulluunerani paaqqinnittarfinni initsisamannngornikuupput, qiteqquttarfittut/toqqorsivitut atornerqarnikuusoq initsisammarilermassuk, tamannalu taamatut pisariaqarsimavoq meeqqerivimmuut inissamik utaqqisut nungusarniarlugit. Taanna ini "nutaaq" katillugu 36 kvm-iuvoq, inatsillu naapertorlugu ini tassani meeqqat 18-it paaqqutarineqarsinnaammata sulisut 5,5-inik amerlisariaqarlutik.

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Aningaasaqarnikkut allaffissornikkullu kingunerisinnaasai

Sulisut amerlassusaat ataatsimik ikilissapput, meeqqallu amerlassusaat ataatsimik amerlisussaallutik. Missingersuutini sipaarutaassapput -1.579 mill. kr.-nit, 58,2 mio. kr.-nit, ullumikkut missingersuutitut 2010-mi inississallutik kr. 56,6 mio. kr.-nit.

Allaffeqarfiup naliliinera

Sulisut amerlassusiligaanerat aammalu meeqqat amerlassusiligaanerat allannguiffiginissaanut inatsimmi piumasaqaataavoq. Meeqquerivinnut missingersuutit Qeqqata kommuniani kommunerujussuartaq akimorlugu aningaasarsianut aammalu ingerlatsinermut aningaasartuutissat naapertuuttunngorsarneqarnikuullutillu iluarsivigineqarnikuupput.

Ilinniartitaanermut- sunngiffimmut aammalu kultur-ikkut ataatsimiisitaliap suliarinera.

Ilinniartitaanermut Kulturimut Sunngiffimmullu ataatsimiititaliap novembarip 3-ani 2009-mi ataatsimiinnermini suliaq suliarivaa  
Suliarlu februaarip 22-ani 2010-mi suliareqqinneqassaaq.

Aningaasaqarnermut ataatsimiititaliap suliamik suliarinninnera

Aningaasaqarnermut ataatsimiisitaliap novembarip 10-ani 2009-mi suliaq suliarivaa

**Innersuussut**

Ilinniartitaanermut Kulturimut Sunngiffimmullu ataatsimiititaliap februaarip 22-ani 2010-mi ataatsimiinnermini akuersinissaa apeqqutaatillugu, kommunalbestyrelsimut akuereqqullugu innersuussutigineqassaaq

- Meeqqanut suli atualinngitsunut perorsaaniikkut inerikkiartuutaasunik ulluunerani neqerooruteqartarneq pillugu Inatsisartut peqqussutaat nr. 10, 5. december 2008-meersoq naapertorlugu aammalu meeqquerivinnut missingersuutit Qeqqata kommuniani kommunerujussuartaq akimorlugu aningaasarsianut aammalu ingerlatsinermut aningaasartuutissat naapertuuttunngorsarneqarnikuullutillu iluarsivigineqarnikuusut aallaavigalugit sulisut amerlassusiligaanerat aammalu meeqqat amerlassusiligaanissaat innersuussutigineqarpoq.

**Aalajangiineq**

Oqaaserineqartut ilanngullugit innersuussutigineqartoq akuersissutigineqarpoq.

**Ilanngussaq**

Ilanngussaqanngilaq

**Imm. 16    Sisimiut illoqarfiani atuarfiit nutarterneqarnissaat**

*Journalnr. 09.22*

Tunuliaqutaq

Kommunalbestyrelsip 2010-mi januaarip 12-iani ataatsimiinnermini aalajangerpaa, Minngortuunnguup Atuarfiata Nalunnguarfiup Atuarfiatalu nutarterneqarnissaat, allanngortiterneqarnissaat allilerneqarnissaallu pillugit tunniunneqarnissaannut atsiugassaq Qeqqata Kommuniata atsiussagaa, taamaalillunilu Minngortuunnguup Atuarfia annertuumik nutartissagaa Nalunnguarfiup Atuarfialu pisariaqartitatigut nutartissagaa.

Tamatuma kingorna Sisimiuni atuarfiit nutarterneqarnissaat pillugu allaffeqarfik siunnersuusiorpoq, soorluttaaq tigusinissamik atsiugassaq pillugu Namminersorlutik Oqartussanut attaveqarsimasoq.

Maleruagassatigut tunngavissat

Kommunalbestyrelsi aningaasaliinissamik oqartussaavoq, sulisullu amerlassusiligaanissaat pillugu Kommunalbestyrelsi aalajangiisarluni.

Atuarfiit nutarterneqarnissaat Namminersorlutik Oqartussat akissussaaffigaat, taamaattumillu ataatsimut aningaasaliissutissat aningaasaliissutillu ukiunut siammarterneqarnissaat Inatsisartut Aningaasaqarnermut ataatsimiititaliaata akuersissutigisussaallugu.

Pissutsit atuuttut

Atuarfiit qanoq issusiisa piaartumik iluarsivigineqarnissaannik pingaartitsilluni pilersaarut maannangaaq aallartinneqarluni suliassaq 2015-imi naammassineqartariaqarpoq. Sanaartornerup nalaani ajornartorsiutaasinnaasut iluarsivigineqartarnissaat, Sisimiunilu atuarfiit pitsaassusissaat pillugu siunissamut ungasinnerusumut anguniagassaq eqqarsaatigalugu nutarterinissaq kinguneqarluartumik ingerlanneqarnissaa pillugu atuisut annertuumik peqataatinneqartariaqarput.

Nalunnguarfiup Atuarfiata silaataa 2010-p aasaani nutarterneqarnissaa pilersaarutigineqassaaq. Tamatuma nalaani Minngortuunnguup Atuarfiata nutarterneqarnissaa 2011-p aasaani aallartissinnaaqullugu 2014-imilu naammassineqarnissaa eqqarsaatigalugu pilersaarusiornissaq aallartinneqassaaq. Naggataatigut Nalunnguarfiup Atuarfiata ilua 2014/2015-imi nutarterneqarsinnaassaaq.

Pilersaarusiussagaanni politikerinit inuttalerlugu atuarfiit sanaartorneqarnerinut ataatsimiititaliamik borgmesterimik (aningaasaqarnermut ataatsimiititaliap siulittaasua), ilinniartitaanermit, kulturimut sunngiffimmullu ataatsimiititaliami ilaasortamik illoqarfimmeersumik (aallaavittut siulittaasooq), teknikkimut avatangiisinullu ataatsimiititaliami ilaasortamik illoqarfimmeersumik (aallaavittut siulittaasup tullia) illuatungeriinnillu sinniisumik illoqarfimmeersumik ilaasortaatalerlugu ataatsimiititaliamik pilersitsisoqartariaqarpoq. Atuarfiit sanaartorneqarnerinut ataatsimiititaliaq aamma atuarfinniit sinniisoqassaaq. Atuarfiit sanaartorneqarnerinut ataatsimiititaliaq pingaarnertut aalajangiisassaaq, pilersaarusiortunullu aqutsisassalluni.

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Pilersaarusiornermi pisortaq toqqaannartumik akisussaasoralugu, pilersaarutip toqqaannartumik ingerlanneqarnissaa suliaassallu suliarineqarnissaat pilersaarusiornermi suleqatigiit isumagissavaat. Tamatuma saniatigut pilersaarusiornermi pisortaq sanaartortitsisunut siunnersortaassaaq, siunnersortilu taanna illup avataaneersuusinnaavoq illup iluaneersuusinnaalluniluunniit. Pilersaarutip annertunera allaffeqarfimmullu qanittumik attaveqarnera pillugit innersuussutigineqassaaq, illup iluaneersumit sanaartornermi siunnersorteqassasoq. Tamatuma saniatigut ilaqutariinnut ilinniartitaanermullu pisortaaneq allaffissornikkut akisussaataitaalluni sanaartortitsisuussaaq pilersaarusiornermilu suleqatigiinni ilaasortaassalluni.

Namminersorlutik Oqartussat sanaartornermik immikkoortortaata nalunaarutigaa, Sisimiut illoqarfiani atuarfiit nutarterneqarnissaannut Aningaasanut inatsisitigut ukiunut missiliuteqarfiunut aningaasaliissutaasimasut allanngortinneqarsinnaasut. Taamaattoqassappallu Aningaasaqarnermut ataatsimiititaliaq akuersiteqqaartariaqartoq.

Aningaasaqarnikkut allaffissornikkullu kingunerisinnaasai

Sisimiuni atuarfiit nutarterneqarnissaannut pilersaarusiussagaanni, Aningaasanut inatsisitigut naatsorsuutigineqartutut sanaartorneq ukiunik arfineq-pingasunik sivisunerussanngilaq. 2015-imi atualertoqarnissaata tungaanut naammassineqaruni naapertuunnerussagaluarpoq.

Minngortuunnguup Atuarfiata nutarterneqarnissaanik Nalunnguarfiullu Atuarfiata pisariaqarfiisigut nutarterneqarnissaanik Kommunalbestyrelsip aalajangiinera naapertorlugu atuarfintut taakkununga marlunnut agguataarinissaaq maannamut ima takorloorneqarpoq. Minngortuunnguup Atuarfianut 90-100 mio. kr.-it aamma Nalunnguarfiup Atuarfianut 20-30 mio. kr.-it.

Nalunnguarfiup Atuarfiata qanoq issusaa pillugu sulii naliliisoqarnikuunngilaq, taamaattumillu kisitsit taanna allanngorsinnaanissaa naatsorsuutigisariaqarluni. Taamaattumik taakku 122 mio. kr.-it ukiunut agguataarneqarnissaat ajornakusoorpoq, aallaavittulli tullinnguuttut agguataarisooqarnissaa pilersaarutigineqarpoq:

Atuarfik / ukioq	2010	2011	2012	2013	2014	2015	Katillugit
Minng.	3	20	30	30	13	0	96
Nalunn.	9	0	0	0	8	9	26
Katillugit	12	20	30	30	21	9	122

Sanaartortitsisunut siunnersortaasoqarnissaanut nutarterinerup nalaani sanaartortitsisunut siunnersortaanusussamik atorfinitsitsisoqassaaq. Aallartisarnermi siunnersortaaneq suleqateqassaaq, suleqataasullu kingorna teknikkimut avatangiisunullu immikkoortortamut nuutsinneqarnissaa pilersaarutigineqarluni. Sisimiuni Ilaqutariinnut ilinniartitaanermullu aamma Teknikkimut avatangiisunullu immikkoortortani pisortaanerit pilersaarusiornermi atorfinni atorfinitsinneqarnerisigut, sanaartortitsisunut siunnersortit qanimut suleqatigineqarnissaat naatsorsuutigineqarpoq.

Allaffeqarfiup naliliinera

Ataatsimut suliaasamat paaseqatigiittoqarnissaa pillugu pilersaarutissap sulinermi aallaavigineqarnissaa allaffeqarfiup pingaartitorujussuuaa. Pilersaarusiaq ataavartumik iluarsiiffigineqartassaaq.



**Qeqqata Kommunia - Kommunalbestyrelsep februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Sisimiuni atuarfiit nutarterneqarnissaa pillugu kingunerisinnaasaanik peqataatitsinissap siammasissumillu paasissutissiisoqartarnissaa pingaartumik aallartisarnermi pingaaruteqarpoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 9-ani 2010-mi ataatsimiinnermini suliaq suliarivaa. Toqqaasussat kommunalbestyrelsep ataatsimiinnissaanut toqqaareeqquneqarput.

**Innersuussut**

Ilinniartitaanermut, Kulturimut Sunngiffimmullu ataatsimiititaliap aningaasaqarnermullu ataatsimiititaliap kommunalbestyrelsemit akuersissutigineqartussanngorlugu innersuussutigissavaat,

”Sisimiuni atuarfiit nutarterneqarnissaat” pillugu pilersaarutissatut siunnersuut naapertorlugu Sisimiut illoqarfiani atuarfiit nutarterneqarnissaat pillugu suliaq ingerlateqqinneqassasoq

Atuarfiit sanaartorneqarnerinut ataatsimiititaliami borgmesterip saniatigut ilaasortassatut tullinnguuttut Kommunalbestyrelsep toqqassagai

- Ilinniartitaanermut, kulturimut sunngiffimmullu ataatsimiititaliami ilaasortaq illoqarfimmeersoq
- Teknikimut avatangiisinullu ilaasortaq illoqarfimmeersoq
- Illuatungiliuttunik politikkikkut sinniisoq illoqarfimmeersoq

Sisimiuni atuarfiit nutarterneqarnissaannut qulaani eqitsit naapertorlugu 2010-mit 2015 tikillugu konto 75-90-imut isertitassatut aningaasartuutissatullu katillugit 122 mio. kr.-it immikkoortinneqassasut

Konto 75-90-imi aningaasaliissutit iluini sanaartortitsisunut siunnersortinik marlunnik atorfinittoqarnissaanut atorfinnik ukiuni 5-5½ aamma 1½-2 atuuttussanik konto 75-90-imut immikkoortitsisoqassasoq

**Aalajangiineq**

Innersuussutigineqartut akuersissutigineqarput.

Ataatsimiititaliami ilaasortassatut toqqarnerqarput:

- Ilinniartitaanermut, kulturimut sunngiffimmullu ataatsimiititaliami siulittaasoq Søren Alaufesen.
- Teknikimut Avatangiisinullu ataatsimiititaliami ilaasortaq Morten Siegstad
- Illuatungiliuttunik politikkikkut sinniisoq, Olga Berthelsen Ljungdahl (IA)

**Ilannussat**

1. ”Sisimiuni atuarfiit nutarterneqarnissaat” pillugu pilersaarutissatut siunnersuut, januar 2010.
2. Kommunalbestyrelsep 2010-mi januaarip 12-iani immikkut ittumik ataatsimiinneranit imaqarniliaq.

**Imm. 17 Immikkut aningaasaliissutinik qinnuteqaat - Sisimiuni ikuallaavik pillugu  
nassuiaat**

*Journalnr. 27.04.00*

Tunuliaqutaq

Sisimiuni ikuallaavik ukioq kingulleq ingerlalluarsimangilaq. Qammasissiap iluarsartuunneqarnissaanut, tassungalu atatillugu aningaasat isertinneqartussaagaluanut immikkut aningaasaliissuteqartoqarpoq.

Immikkut aningaasaliissuteqarnissaminut atatillugu ikuallaavimmik ingerlatsineq tamakkiisumillu atuineq pillugu nassuiaasoqarnissaanik kommunalbestyrelsi 2009-mi oktobarip 27-ani, ukioq taanna tallimassaanik ataatsimiinnermini kissaateqarpoq.

Maleruagassatigut tunngavissat

Teknikkimut Avatangiisinullu Immikkoortorta qontoqarfik 6-imut, taamaatullu ikuallaavimmu konto 68-05-10-mut akisussavoq.

Immikkut aningaasaliissuteqarnerit aningaasaqarnermut ataatsimiititaliamit suliarineqareernerisa kingorna kommunalbestyrelsimit akuersissutigineqartussaapput.

Pissutsit atuuttut

Ikuallaaviup sukannerusumik aqunneqarnissaa anguniarneqarsimavoq, soorluttaaq ikuallaavimmi aqutsisut ataatsimeeqatigineqartarsimasut. Tamanna arlalitsigut kinguneqarluarpoq. Tamatuma saniatigut Industri Tech A/S ikuallaavik pillugu nassuiaasiorpoq, ikuallaavillu pitsaanerusumik ingerlanneqarnissaanut pitsaanerusumillu pilersaarusiortoqarnissaanut suliniutit taakku pinngitsoorneqarsinnaanatik.

Ikuallaavimmu ullormut eqqakkat 20 tons-it missaat tunniunneqartarput. Ullormut 18-20 tonsit missaat ikuallanneqartarput. Qaammammut ataasiartumik ulluni pingasuni ingerlatsineq unitsinneqarallartarpoq, tamatumalu kingunerisaanik eqqakkat amerliartuinnaalersartarlutik. Eqqakkanut tunniunneqartartunut ikuallaavik ikuallaanissaminut malinnaasinnaangilaq. Imaappoq qaammammut eqqakkat 100 tonsit missaat ikuallanneqarsinnaaneq ajorlutik eqqaavissuarmi katersuinnarneqartarput. Kingullermik ikuallaavimmi qammasissiaq taarsorneqarmat ikuallaavik qaammat sinnerlugu uninngavoq. Eqqakkat ikuallanneqarsinnaangitsut matorunneqartarnissaanut kommuni Namminersorlutik Oqartussanit akuerineqarpoq, tamassumali ingerlatiinnarneqarnissaanut Teknikkimut Avatangiisinullu Immikkoortortap qularpoq. Sulisut ilinniartinneqarnissaat, atuisunullu kissamik pilersuilluni eqqakkanik ikuallaasoqartarnissaanik paasinninnissaat pingaaruteqarpoq.

Nalunaarusiami allassimasutut, ikuallaavimmi atortut aserfallatsaalineqartuarnissaat taarsersortuarnissaallu, ikuallaaviullu uninngatinneqarneranit kingoraartissanik piareersimasuuteqarneq akikinnerummat, kingoraartissanik piareersimasuuteqartarnissaq pingaaruteqartorujussuuvoq.

Allaatigineqartutut nutarterinissamut aserfallatsaalinnissamullu missingersuut C naapertorlugu 800.000 kr.-inik naleqasaq.

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Uuliakumik ikuallaasarneq aallarteqqippoq, solarimillu pisisarneq unitsinneqarluni. Kissaq ingerlateqqinneqartaruni ikuallaavik aamma pitsaanagerusumik ingerlasinnaassaaq. Atuisunut ikitsunnguanut kissamik avammut pilersuisoqartarmat, innaallagissamik annertuumik atuisoqarluni kissaq annertoq nillusarneqartariaqartarpoq. Siunissaq ungasinnerusoq eqqarsaatigalugu atuisut amerlanersut kissamik pilersorneqartuugunik, kissarlu immamit kuummilluunniit nillusarneqartaruni akikinnerusinnaavoq. Tamanna pillugu misissuisoqarpoq, missingersuutilli C-p 500.000 kr.-it missaanniissasoq Teknikkimut Avatangisinnullu Immikkoortortap nalilerpaa.

Tamatuma saniatigut kiammik avammut pilersuinermit ruujorit misissorneqarnerisigut, Nukissiorfiullu kissamikpisiarisinnaasaanik/kissaatigisamik pissarsinissaanut tunniussinnaasumik aqutsisumik ikkussisoqarnissaa pingaaruteqarpoq. Suliniuterpasuit tamakku aaqqiissutaagallaarutaapput. Ikuallaavimmik nutaamik pitsaanagerusumillu ingerlasinnaasumik, eqqakkanillu ajornartorsiuteqarneq anigorniarlugu ikuallaasarnarlu maannamut sanilliullugu marloriaatinngortinniarlugu nutaamik ikuallaavittaarnissaa ukioq mannamit aallartinneqarnissaa pisariaqarpoq. Taamaasilluni ikuallaavitoqaj ajornartoorfimmi atorineqartassaaq, uuliakumillu ikuallaasarnarnermut atorineqartassalluni.

Ikuallaavik nutaaq 70.000.000 kr.-it missaanni akeqassaaq, tamannali suliffeqarfimmit siunnersuinermit ingerlataqartumik misissorluarneqassaaq.

Kissamik pilersuineq pitsaanagerusoq akikinnerusorlu aamma anguniarlugu ikuallaaviup silataa qiviassallugu pingaaruteqarpoq. Ukioq kingulleq maskiinap taliusaa tallisartoq arlaleriarluni iluarsartuunneqarmat, tassungalu atatillugu sequtserinermi assartuutigineqartussanik illoqarfimmit attartortoqartarmat annertuumik atuiiffiuvoq. Iluarsartuussineq 250.000 kr.-inik naleqarpoq, assartuummillu attartortarneq qaammammut 30.000 kr.-it missaannik naleqarluni. Assartuut nutaaq 900.000 kr.-it missaanni akeqassaaq. Taamaattumik aamma ikuallaaviup pitsaanagerusumik ingerlanissaanut pitsaasumik assartuuteqarnissaa pingaaruteqarpoq.

Aningaasaqarnikkut allaffissornikkullu kingunerisinnaasai

Pissutsit aallaavigalugit ikuallaavik ukioq manna siunissamilu pitsaasumik ingerlassappat, ikuallaaviup pitsaasumik ingerlanissaanut atortussanik assigiinngitsunik pisinissaaq pisariaqarpoq. Allaffissorneq eqqarsaatigalugu pitsaasumik kinguneqassaaq, tamannalu ilutigalugu kissaq annertunerusoq tunineqarsinnaassaalluni. Taamaattoqassappalli innersuussutit tullinnguuttut akuersissutigineqartariaqarput.

Eqqakkat tunniunneqartartut ikuallassinnaaqullugu nillusaasuliinissaaq pisariaqarpoq. Tamanna immamut kuummulluunniit ruujoriliinikkut pisinnaavoq, aammali allatut iliorluni kissaq innaallagissatut atorineqarluni innaallagiaq nillusaanissamut atorineqarsinnaavoq. Tamanna 500.000,- kr.-it missaannik akeqassaaq.

Nukissorfimmut kissamik pilersuineq pitsaanagerusumik aqunneqassaaq, naammattumimmi kissamik peqaraluarluta Nukissiorfiit kissaatigisamisut kissaq pissarsiariaannarsinnaanngimmagu. Taamaattumik aqutsisumik nutaamik 250.000 kr.-it missaannik akeqartumik pisinissaaq pisariaqarpoq.

Tamatuma saniatigut nassuiaammik allaatigineqartutut nutarterisarnissaaq aserfallatsaalisarnissarlu pisariaqarpoq. Tamanna 800.000 kr.-inik akeqassaaq.

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Sisimiuni nutaamik ikuallaavittaarnissaq maannangaaq aamma misissorneqartariaqarpoq.  
Nutaanik assartuutisineq 900.000 kr.-eqassaaq.

Aningaasartuutissat katillugit 2.450.000 kr.-iussapput.

Qullersaqarfiup oqaaseqaatai

Avataanit sanaartornermik suliaasat annikilliarternorat, tamatumalu malitsigisaanik akileraarutitigut isertitassaagaluit pillugit Qeqqata Kommuniata aningaasaqarnera ilungersunartumik inissisimavoq. Tamanna ilutigalugu Namminersorlutik Oqartussat 2010-mi siunissamilu ataatsimut tapiissutinit 6 mio. kr.-inik sipaaruteqarnissaq piumasaraa. Immikkut aningaasaliissutit sapinngisamik killilersorneqartariaqarput.

Allaffeqarfiup naliliinera

Ikuallaavik pitsaanerusequmik ingerlasinnaasoq, kissaatigisamillu kissamik pilersuisinnaanissaq angujumallugu kissaatigisamik suliniutissat nassuiaammilu allaatigineqartut ingerlanneqarnissaat pisariaqarpoq.

Taamaattumik allatigut iliuusissat asuli akissaajaataaginnassammata, imaluunniit ikuallaavimmiut oqarnerisuut kissaq atuisunut ingerlatinneqarani silaannarmut ingerlatinneqartarmat, immikkut aningaasaliisoqarnissaanik qinnuteqaatip akuersissutigineqarnissaa pisariaqarpoq.

Kissamik tunisaqarnerulernerup, nillusaasunullu annikinnerusequmik innaallagissamik atuilernerup kingunerisaanik aningaasaliineq ukiut ingerlanerini utissapput.

Tamakku suliniutigineqartuummata ingerlatsinerimi unittoortarnerit tamakkinngikkaluarlugit arlalissuit pinngitsoortinneqarsinnaapput.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap februaarip 2-ani 2010-mi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 9-ani 2010-mi ataatsimiinnermini suliaq suliarivaa.

**Innersuussut**

Aningaasaqarnermut ataatsimiititaliap Kommunalbestyrelsimut akuersissutigineqartussanngorlugu innersuussutigissavaa,

Assartuummik pisisoqarnissaanut 900.000 kr.-inik immikkut aningaasaliisoqassasoq

Nillusaat, aqutsivik allatigullu nutarterinissamat suliniutissat katillugit 1.550.000 kr.-inik naleqartussat 2011-mut missingersuusiordermi tullerriarinnermut ilanngunneqassasut

Kommunip Namminersorlutik Oqartussanut sanaartornissamik kissaatissaanut ikuallaavik nutaaq tullerriarinnermut ilanngunneqassasoq

**Aalajangiineq**

Innersuussutigineqartut akuersissutigineqarput.

**Ilanngussaq**

1. Nassuiaat Industri Tech A/S-miik
2. Assartuummik neqeroorut assillu.

**Imm. 18 Missingersuutini nuutsineq - Ilinniartut inissaanni 30-isuni isaarissanik  
innarluutilinnut naleqqussaanissaq pillugu missingersuutip A-p iluarsineqarnissaa**

*Journalnr. 06.01.03 konto 70.52*

Tunuliaqutaq

Aadamnip aqquserngani ilinniartunut inissianik 30-nik sanaartornissamut, Sisimiuni Kommunalbestyrelsi 2007-imi aggustip 28-ni ataatsimiinnermini aningaasaliissuteqarpoq. Ilinniartunut inissiassanut 30-nut inimut ataatsimut 31,2 m<sup>2</sup>-isut atsigisunut m<sup>2</sup>-imut aalajangersimasumik tapiissuteqarluni 9.079.200 kr.-inik tapiissuteqarniarluni Namminersorlutik Oqartussat nalunaaruteqarput.

Ilaatigut eqqaamiut maalaaruteqarnerisa kingunerisaanik sanaartukkap inissisimavissaata allangortinneqarnerata sanaartornermi aningaasartuutit annertusinerisa, kiassaanissamullu aqquseruinerup 1,022 mil kr.-inik naleqarnerata kingunerisaanik, aningaasaliissutinut killiliussap allangortinneqarnissaa 2009-mi maajip 29-ani kommunalbestyrelsip ataatsimiinnerani aalajangerneqarpoq.

Sisimiuni sanaartornermi innarluutilinnit tikikkuminarsaannginneq pillugu innuttaasut ilaata maalaaruteqarneratigut, sanaartukkat innaluutilinnit tikikkuminartuutinneqarnissaannik naammasseqqullugu Ineqarnermut, Attaveqarnermut Angallanermullu Naalakkersuisoqarfiup allakkatigut 2009-mi oktobarip 22-aneersutigut kommuni piunaffigaa. 2009-mi novembarip 27-ani immikkut akuersisoqarnissaanik kommuni qinnuteqarpoq, 2010-mili januaarip 18-iani itigartissut tigullugu.

Maleruagassatigut tunngavissat

Aqutsinermi inatsit aamma nammagassat suliassallu agguataarnerat pillugu Namminersorlutik Oqartussanut isumaqatigiissut naapertorlugit sanaartornermut aningaasaliinissanut kommunalbestyrelsi oqartussaavoq. Namminersorlutik Oqartussat sanaartornermut tapiissutigisartagaat, inissiat annertussusaat aallaavigalugit aalajangersimasuusarput, taamaattumillu sanaartornermi akigitinneqartoq allangortinneqarpat tapiissutaat allangussanatik. Illuliornermi malittarisassat 2006-imeersut naapertorlugit innarluutilinnut tikikkuminarsaaneg aalajangerneqarnikuvoq, tassanilu Ineqarnermut, Attaveqarnermut Angallanermullu Naalakkersuisoqarfik oqartussaavoq, Naalakkersuisullu maalaaruteqarfissaallutik.

Pissutsit atuuttut

Ilinniartut inissaannut pilersaarusiornissamik, sanaartornermillu nakkutiginninnissamik siunnersortaalluni suliffeqarfik Kitaa Arkitekter 2007-imi juulip qaammataani isumaqatigiissusiorfigineqarpoq. Kiassarnissaq naammassineqareerluni inissiaq kiassarneqalereerput. Inissiat napparneqareerput, iikkersorneqareerput iluini suliassat ingerlanneqarlutik. Aqquserngup qaffaallanneqarnissaa, inissianilu isaarissat innarluutilinnut naleqqussarneqarnissaat Kitaa-p pilersaarusioreerlugu sanasunik neqerooruteqartitsereerpoq. Matut silarliit qanoq pineqarnissaat paasineqartinnagu, assasortut ingerlariaqqissinnaanngillat. Matut nutaat M9,5-iullutik immikkuullarikkamik tikisinneqarnissaat sivirusunerusarpoq, matulli M10-imit silinnerusut ikkutissagaanni sanaartukkani napparneqareersuni sukarsuit allangortiterneqartinngagit ikkunneqarsinnaanngillat.

Aningaasaqarnikkut allaffissornikkullu kingunerisinnaasai

Matut silarliit piunasaqaataasut 77cm-inik silissuseqalersinniarlugit 5 cm.-imik silinnerusunik taarsersorneqarlutik M9,5-inik taarsersorneqarnissaanut, inissianilu arfineq-marlunni majorialiisoqarsinnaaqullugu aqquserngup qaffanneqarnissaanut missingersuut A naapertorlugu aningaasartuutissat 3,447 mil kr.-iussapput.

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Tamatuma kingunerisaanik kiassarnermut aqquiti ilanngullugit sanaartornissamut aningaasartuutissat 34,353 mil kr.-iussapput, sanaartornermilu m2-imut akeq 31.808 kr.-iussalluni.

Matumani siunertamut atugassiaallutik, kommunip suliffeqarfiutaanni isaarissani majorialiinissamut missingersuutini 1 mio. kr.-it immikkoortitaapput. Tamatuma saniatigut Namminersorlutik Oqartussat akuersissuteqarnerisigut Kangerlussuarmi kuuffissuarnik nutarterinissamut kommuni 25 mio. kr.-inik immikkoortitsinermigut, siunertamut tapiissutissaminut 2010-mi 4,05 mio. kr.-it sipaarutigisinnaavai.

Allaffeqarfiup naliliinera

Sanaartorneq aallartinneqareersaq naammassineqartariaqarpoq, innarluutilinnullu isaarissanik naleqqusaaissamissamik Ineqarnermut Attaveqarnermullu Naalakkersuisoqarfiup piumasaqaataata naammassineqarnissaanut sanaartornermi aningaasaliissutinut killissarititaasoq 3,5 mill. kr.-inik amerlineqassaaq.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap februaarip 2-ani 2010-mi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 9-ani 2010-mi ataatsimiinnermini suliaq suliarivaa.

**Innersuussut**

Aningaasaqarnermut ataatsimiititaliap Kommunalbestyrelsimiit akuersissutigineqartussanngorlugi innersuussutigissavaa,

Eqitsimmi takuneqarsinnaasutut kommunip suliffeqarfiutaanni pitsanngorsaalluni isaarissani majorialiinissamut kontomit 500.000 kr.-inik, Kangerlussuarmilu kuuffissuarnik nutarterinissamut kontomit 3.000.000 kr.-inik, Sisimiuni ilinniartut inissaannut 30-nut missingersuutitigut nuutsisoqassasooq

Konto	Taaguut	2010-mut	2010-mut nuutsineq	2010-mut aningaasaliissutit
70-52-10-50-61	Sisimiuni ilinniartunut inissiat 30-t	5.804.000	+ 3.500.000	9.304.000
72-03-00-50-61	Kommunit suliffeqarfiutaani majorialiinerit	1.000.000	-500.000	500.000
72-22-30-50-61	Kangerlussuarmi kuuffissuit	4.050.000	- 3.000.000	1.050.000

**Aalajangiineq**

Innersuussutigineqartoq akuersissutigineqarpoq.

**Ilanngusaaq**

1. Missiliuut A, 2010-mi januaarip 25-anik ullulernerqarsimasooq.
2. Sanaartornermi maleruagassat naapertorlugit isaarialiinissaaq pillugu Ineqarnermut, Attaveqarnermut Angallannermullu Naalakkersuisoqarfiup 2010-mi januaarip 18-iani allagai.
3. sanaartornermi maleruagassat naapertorlugit Sisimiut Kommunerisimasaani kommunalbestyrelsip aalajangiisimanera maalaarutigalugu Ineqarnermut, Attaveqarnermut Angallannermullu Naalakkersuisoqarfiup 2009-mi oktobarip 22-ani allagai.

**Imm. 19 Maniitsup siunissami ineriartornissaa pillugu innuttaasut nalunaarusiannik  
ingerlatseriaqqinnissaq – missingersuutini nuutsineq**

*Journalnr. 74.30.20*

Tunuliaqutaq

2009-mi februaarimi Maniitsumi innuttaasunut ataatsimiititsisoqarpoq, tassani kommuni Maniitsumi innuttaasut suleqatigiisitani peqataanissaanut aggersaavoq, siunissami Maniitsup ineriartoqqinnissaanut innuttaasut kissaatigisaat aallaavigalugu oqallinnissaq siunertaralugu, matumani alumini-umik aatsitsiviliornissaq pingaarnerutinneqarluni.

Innuttaasut suleqatigiit nalunaarusiorput, taannalu Aatsitassanut Attaveqarnermullu Ataatsimiititali-  
amut 2009-mi novembarip 3-ani ilisimatitsissutitut saqummiunneqarluni.

Suliniutit pilersaarutillu assigiinngitsut innuttaasut suleqatigiit nalunaarutaanni siunnersuutigine-  
qarput, piffissamilu qaninnerusumi ungasinnerusumiluunniit tamakku naammassineqarnissaat  
innuttaasut suleqatigiisitaannit kissaatigineqarluni. Suliniutit pilersaarutillu tamakku piviusunngortin-  
neqassappata, Qeqqata Kommunia ingerlataqartullu allat, matumani Greenland Development ilan-  
ngullugu, innuttaasut suleqatigiit siunnersuutaasa naammassineqarnissaannut tapersersuinissaat  
pingaartuuvoq.

Maleruagassatigut tunngavissat

Innuttaasut suleqatigiit siunnersuutaat sammisatigut annertussutsikkullu siammasimmat, malerua-  
gassatigut tunngavissat allanngorarpur, aamma siunnersuummiit siunnersuummut taamaalluni.  
Innuttaasut suleqatigiit siunnersuutaat amerlanerit Qeqqata Kommuniata aqqissuusaanera eqqarsaa-  
tigalugu ataatsimiititaliat akisussaaffinut assigiinngitsunut innersuunneqarsinnaapput.

Pissutsit atuuttut

Innuttaasut suliniartut manna tikillugu kommunimut annertuumik aningaasartuutaanikuunngilaq.  
siunnersuuterpassuit ilaat piviusunngortinneqarnissaannut suleriaqqinnissaq eqqarsaatigalugu,  
ilaatigut ataatsimiititalianut missingersuutaareersuni pingaarnersuunissaq pisariaqassaaq.

Aammaattaaq suliniutit ingerlariaqqinnissaanut tassungalu atatillugu inuutissarsiutitigut siuarsaa-  
nissamik suliniutissanut atugassanik aningaasanik illuartitsisoqartariaqarpoq. Pilersitsinermi tapiis-  
sutinit Maniitsumi inuutissarsiornikkut ineriartornermut tapiisutinut, matumani innuttaasut suleqati-  
giisit ingerlaqqinnissaat ilanngullugu 245.000 koruuninik nuutsisoqarluarsinnaavoq.

2010-mi februaarip qiteqqunnerani innuttaasut suleqatigiinnut eqimattakkaartitsilluni oqallitsitsinis-  
samik pilersaaruteqartoqarpoq, tassungalu aningaasartuutit siunnersorteqartitsineq ilanngullugu  
Greenland Developmentip Qeqqata Kommuniatalu avillugit matussuserniarlugit isumaqatigiissuti-  
gisimavaat.

Greenland Development, kommuni, ilinniartoqarfiit aamma Inuutissarsiornermut Siunnersuisoqatigiit  
il.il. suleqatigineratigut siunissami suleriaqqinnissami siunnerfissaq pillugu oqallinnermi eqqar-  
torneqassasut naatsorsuutigineqarpoq. Innuttaasut suleqatigiit nalunaarusianni siunnersuutit ataasi-  
akkaanut tunngasuni ingerlariaqqinnissami nalilersuinissaq pingaarnersuunissarlugu oqallinnermi  
eqqartorneqassasut naatsorsuutigineqarpoq.

**Qeqqata Kommunia - Kommunalbestyrelsen februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Aningaasaqarnikkut allaffissornikkullu kingunerisinnaasai

Innuttaasut suleqatigiit siunnersuutaat arlallit kommunimi missingersuutaareersut iluani naammassineqarsinnaapput, siunnersuutinullu allanut tunngatillugu innuttaasut tungaaniit peqataasoqarneru-soqartariaqarluni. Siunnersuutit ilaat illoqarfittaassap pilersinneqarnissaanut utaqqisinnegartariaqarput, taamaattumik siunnersuutit illoqarfiup nutaartassaamik pilersaarusionermik suliaqartuni oqalliffinni assigiinngitsuni ilanngunneqarsinnaapput. Kingullertut minnerunngitsumilli pilersaarutit ilaat avataanit ikiorneqarnikkut soorlu aningaasatigut tapiiffiqineqarnikkut sulisussanillu ikiorneqarnikkut aatsaat naammassineqarsinnaapput.

Allaffeqarfiup naliliinera

Aluminiumik aatsitsiviliornerissamik pilersaarut piviusunngortinneqassappat, innuttaasut pilersaarummi periarfissaqartinneqarluarnissaat anguniarlugu innuttaasut kommunimilu aaqqissuusaaneq suleqatigiinnissaat pingaartuuvoq. Tamanna pillugu suleqatigiinneq una maannagaaq aallartinneqarnissaaq pingaaruteqarpoq, suleqatigiinnissamilu tassani Maniitsumi innuttaasut suliniartut aallaaviullu-arsinnaapput.

Taamaattumik allaffeqarfiup pingaaruteqartutut isigaa, innuttaasut siunnersuutaat assigiinngitsut pillugit ataatsimiititaliat ataasiakkaat iliuseqartariaqartut, siunnersuutillu sapinngisamik amerlanerpaat naammassineqarnissaat ataatsimiititaliat innuttaasut suleqatigiit suleqatiginerisigut qulakkeertariaqaraat. Innuttaasut suleqatigiit siunnersuummut isumaqataassappata akisussaaffiit agguataarneqarneri ilanngussaq 2-miittut tunngavigalugit tamanna pisinnaalluarpoq. Siunnersuutitsialuppassuit siunissami qaninnerusumi tamakkerlugit naammassineqarsinnaanngimmata innuttaasut suleqatigiit pingaarnersiunissaat pillugu isumasiorneqartariaqarput.

Allaffeqarfiup nalilerpaa, ataatsimiititaliat sinnerinut soorunalumi innuttaasut suleqatigiisitaata innuttaasut suliniutaannut tunngasuni ingerlanneqarneri pillugit Aatsitassanut Attaveqarnermullu Ataatsimiititaliap ukiumut ataasiarluni marloriarluniluunniit malinnaavigisariaqaraat.

Aatsitassanut Attaveqatigiinnermullu Ataatsimiititaliami suliap suliarinera

Aatsitassanut Attaveqatigiinnermullu Ataatsimiititaliap februaarip 2-ani 2010-mi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 9-ani 2010-mi ataatsimiinnermini suliaq suliarivaa.



**Qeqqata Kommunua - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

**Innersuussut**

Aningaasaqarnermut ataatsimiititaliap Kommunalbestyrelsimit akuersissutigineqartussanngorlugu innersuussutigissavaa,

Maniitsumi innuttaasut suleqatigiit kaammattorneqarnerat ingerlaannassasoq

Pilersitsinermi tapiissutinit (konto 37-01-20-35-03) inuutissarsiornikkut ineriartornermut tapiisutitut (konto 37-01-20-35-02) 245.000 koruuninik nuutsisoqassasoq.

Kommunip innuttaasut suleqatigiinnut siunnersuutigaa, akisussaaffiit agguataarneqarneri ilanngussaq 2-miittut naapertorlugit sulineq ingerlateqqinneqassasoq

**Aalajangiineq**

Innersuussutigineqartut akuersissutigineqarput.

**Ilanngussaq**

1. Maniitsup siunissami ineriartornissaa pillugu innuttaasut suleqatigiit nalunaarusiaat
2. Pingaarnersiornermi allattukkat tamarmiusut innuttaasut suleqatigiit siunnersuutaannik ilalik

**Imm. 20 Kommunip pilersaarutaanut tapiliussaq nr. 37**

*Journalnr 18.01.02*

Tunuliaqutaq

Iliveqarfiup allineqarsinnaanissaanut killiliussat sapinngisamik periarfissaqarluarnissaa aamma toqusunut biilit, ilerriat alakkaasullumi iliveqarfimmut ajornannginnerusumik appakaassinanngornissaat Kommunalbestyrelsimit kissaatigineqarmat, kommunip pilersaarutaanut tapiliussaq una suliarineqarpoq. Kommunalbestyrelsimit kissaatigineqarportaaq, illoqarfiup takujuminassusia immikkoortumilu immikkuullarissuunera pigiinnarneqarlutillu pitsanngorsaavigineqassasut.

Taamaattumik Aningaasaqarnermut Ataatsimiititaliaq Kommunalbestyrelsi sinnerlugu 2009-mi maajip 22-ani aalajangiivoq, kommunip pilersaarutaanut tapiliussaq nr. 15-imi aamma kommunip pilersaarutaanut tapiliussaq nr. 29-mi sanaartorfissat marluk eqqaaneqartut § 24-mi sanaartorfioqqusaannginneri atorunnaarsinneqassasq. § 24-mi sanaartoqqusinnngitsoqartillugu pilersaarusiornermut nutaamik tunngavissaqartitsisoqartariaqarpoq, tamannalumi kommunalbestyrelsimit kissaatigineqartut siusinnerusukkut eqqaaneqarsimasut qulakkeerneqassappata pisariaqarpoq. Taamaalilluni kommunip pilersaarutaanut tapiliussaq una suliarineqarpoq.

Qeqqata Kommuniani Sisimiut illoqarfiata qiterpasissuani pilersaaruteqarfiusoq kommunip pilersaarutaanut tapiliussami pineqarpoq.

Maleruagassatigut tunngavissat

Pilersaarusiorneq aamma nunaminertat atorineqartarnerat pillugit Inatsisartut peqqussutaat nr. 11, 5. december 2008-meersumit issuaaneq:

§ 13. Kommunalbestyrelsip kommuneqarfimmi nunaminertanut atuinissamut kommunimut pilersaarusiortitsinissaq pisussaaffigaa. Tamanna pissaaq kommunimi nunaminertaqassutsimik, pinngortitap pissarititaanik aningaasassaqaqarnermillu ataatsimut naliliineq, innuttaasut amerlassusaannut inuussutissarsiornikkullu ineriartornermut anguniakkat aamma pisortat suliaasaqarfiinut pilersaarusiorneq kiisalu Inatsisartut peqqussutaannut matumunnga siunertaasut aallaavigalugit, tak. § 1.

§ 15. Kommunimut pilersaarutissatut siunnersuut akuersissutigineqareerpat kommunalbestyrelsip siunnersuut tamanut saqqummiutissavaa. Kommunalbestyrelsi siunnersuutinik arlalinnik qinigasiilluni tamanut saqqummiussisinnaavoq.

§ 16. § 15, imm. 3 naapertorlugu piffissaliussaq naappat, kommunalbestyrelsip kommunimut pilersaarutissatut siunnersuut nutaamik suliaareqqillugu, siunnersuut inaarutaasumik akuersissutigisinnavaa. Tamatuma peqatigisaanik tusarniaanerup ingerlanerani akerliliissutit allannguutissatullu siunnersuutit tiguneqartut suliarineqassapput.

§ 17. Kommunalbestyrelsi kommunimut pilersaarutissatut siunnersuutip inaarutaasumik akuersissutigineqareernerani pisariaqanngitsumik kinguaasaanertaqanngitsumik tamanut nalunaaruteqassaaq.

Nalunaarummi tamanut saqqummiunneqartumi paasissutissiissutigineqassaaq kommunimut pilersaarut siunnersuummit saqqummiunneqareersumit immikkoortuni sutigut allaassuteqarnersoq.

§ 18. Kommunalbestyrelsip pisariaqalernerani kommunimut pilersaarut nutartertassavaa.

§ 19. Kommunalbestyrelsi nunaminertani kommunimut pilersaarummi inaarutaasumik akuerineqarsimasumi pineqartuni sumiiffiup ilaannik aalajangersimasunik immikkoortitsisinnavaoq aammalu kommunimut pilersaarut naapertorlugu sumiiffiup ilaanut aalajangersimasumut aalajangersagalior-

sinnaalluni, tak. §§ 15-17.

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Kommunimut pilersaarusionerq aamma nunaminertat atornerqarnerat pillugit Namminersornerullutik Oqartussat nalunaarutaat nr. 7, 26. februar 2009-meersoq

§ 1. Kommunalbestyrelsip nalunaarummi matumani maleruagassat malillugit pilersaarusionermigut aqutsinermigullu, kommunip iluani nunaminertat inuiaqatigiit ataatsimut isigalugit nalilersuiffiusumik atornerqarnissaannik qulakkeerinissamut suleqataanissaa nalunaarummi siunertarineqarpoq.

Pissutsit atuuttut

2009-mi maajip 22-ni §24-kkut inerteqqut atuutilersinneqarnikuuvoq, taamaattumik ukioq ataaseq qaangiutsinnagu tassa 2010-mi maajip 22-a qaangiutinnginnerani kommunip pilersaarutaanut tapiliussaqa akuersissutigineqartariaqarluni.

Aningaasaqarnikkut allaffissornikkullu kingunerisinnaasai

Kommunip pilersaarutaanut tapiliussatut siunnersuutip akuersissutigineqarnissaa.

Allaffeqarfiup naliliinera

Allaffeqarfik kommunip pilersaarutaanut tapiliussamik suliaqartuuvoq, taamaattumillu imassaa isumagalugu.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap februaarip 2-ani 2010-mi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 9-ani 2010-mi ataatsimiinnermini suliaq suliarivaa.

**Innersuussut**

Aningaasaqarnermut ataatsimiititaliap kommunalbestyrelsimut innersuussutigissavaa, kommunip pilersaarutaanut tapiliussaqa nr. 37 akuersissutigineqassasoq.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. Kommunip pilersaarutaanut tapiliussaqa nr. 37-mut siunnersuut

**Imm. 21 Pujoorfinnik paaviaasarnermi akiligassiisarnermi maleruaqqusaq.**

*Journalnr. 85.03.04 konto 68.03.*

Tunuliaqutaq

Sisimiut Maniitsulluunniit kommunetoqaat paaviaasitsinermi akiliisitsisarnermut tunngatillugu maleruaaqsuqaqarnikuunatillu ileqqoreqqusaqarnikuunngillat.

Maleruagassatut tunngavissaq

Nalunaarut nr. 508 af 28.11.1980-imeersoq naapertorlugu pujoorfinnik paaviaasitsinissaq kommunimit isumagineqassaaq, kommunillu noqqaassutigisinnaallugu akiligassanngortitsinissaq, taamaallilluni tassunga tunngasunik kommunip aningaasartuutai matussiserneqarsinnaaqqullugit.

Pissutsit atuuttut

Illuutillit arlallit ajoraluartumik illumi pujoorfianik paaviaasup paaviaasinnaanissaanut ajornasaartitsisarimapput, taamaanneraanerlu aallaavugalugu paaviaasitsisoqarnikuunngitsoq akiligassiisinaanngilagut. Piumasaqaataasut mallilugit ukiumut marloriarluni pujoorfinnik paaviaasitsineq kommunimit isumagineqanngippat inatsisineq unioqqusitsinerussaaq, tassungalu atatillugu inatsisitigut malersorneqaatigisinnaallugu, assersuutigalugu pujoorfiup paaqarpallaalerneratigut illumik ikuaallaattortoqartillugu. Taamaattumik pujoorfinnik paaviaanissami ajornasartoqartillugu Kommunip politiit parnaarsaasiortartorlu aqputigalugit pinngitsaaliisummik pujoorfinnik paaviaasitsineq ingerlassinnaavaa, tamannali allaffissornikkut sulinermi ajornakusoortorujussuulluni.

Aningaasaqarnikkut allaffissornikkullu kingunerisinnaasai

Aalajangersakkanik maleruagassaqaqarneratigut allaffissornikkut pisariinnerujussuusinnaavoq, pujoorfinnik paaviaajartornermi asuli aggeraluarneq pujoorfinnik paaviaasitsinermi akigitinneqartutuulli akiligassiisoqartalerniassamat. Taamaallilluni illuutilimmut aningaasartuutissaq assigiinnassallugu, paaviaasumillu isertitsinissaanik illuutilik kajumissaarneqassaaq, akiliutigisanilu iluaqutigissallugit pujoorfimmik paaviaasitsinermigut.

Maleruaqqusaqannginneratigut suliat naammagittaalliornermut tunngasut aalajangiiffiginissaat ajornakusoortuussaaq, pujoorfinnillu paaviaajartoraluarnermi ajornasartoqarnerani akiligassanngortitsinerugaluartunik isumakkeerinnissutigineqartussanngussapput.

Allaffeqarfiup naliliinera

Ilutigalugu kissaatigineqarpoq, illut atorneqanngitsut pujoorfiisa paaviarneqartarnissaannik aaqqiisutissaqarnissamik aamma illumik piginnittuusut qaqugukkat nammineerlutik pujoorfimmik paaviaasitsinissaq isumagisassaneraat malerugassaqaqartariaqartoq.

Teknikkimut Avatangiisinullu immikkoortortap innersuussutaa

Teknikkimut Avatangiisinullu immikkoortortap Teknikkimut Avatangiisinullu ataatsimiititaliamut siunnersuutigaa, aningaasaqarnermut ataatsimiititaliamut akuereqqullugu innersuussutigineqassasoq.

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Teknikkimut Avatangiisinullu ataatsimiititaliap suliamik suliarinninnera

Teknikkimut Avatangiisinullu ataatsimiititaliap decemberip 8-ni 2009-mi ataatsimiinnermini immikkoortortap innersuussutaa akuersissutigivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap decembarip 15-ani 2009-mi ataatsimiinnermini suliaq suliarivaa.

**Innersuussut**

Aningaasaqarnermut ataatsimiititaliap kommunalbestyrelsimut innersuussutigaa, akiligassiisarnermi maleruaqqusaq akuersissutigineqassasoq.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. Pujoorfinnik paaviaasitsisarnermi akiligassiisarnermi maleruaqqusatut siunnersuut decembarimi 2009-meersoq.

## **Imm. 22 Pingaartitat anguniakkallu**

*Journalnr. 03.10.00*

### Tunuliaqutaq

Pisortaqatigiit juulimi 2009-mi isumasioqatigiissitsineq tunuliaqutaralugu aalajangiipput, pingaartitatigut arfiliusutigut anguniakkatigullu marluusutigut Qeqqata Kommunia ataatsimoortinniassallugu. Pingaartitat anguniakkallu marloqiusamik ingerlariaaseqassaapput: Allaffeqarfiup kommunimilu suliffeqarfiit iluanni avammullu kommunimi sulisut sullitaminnut kiinnertarnerisigut. Taakku kingunerissavaat kommunimi siunissami ataatsimoorneq qanorlu sulinermi avatangiiseqarnissaq.

### **Pingaartitat**

- Kajumissuseq akisussaaqataanerlu
- Ataatsimoorneq pisinnaasatigullu ineriartortitseqatigiinneq
- Oqalliseqataaneq peqqataatsitsinerlu

### **Anguniakkat**

- Qeqqata Kommuniata Kalaallit Nunaanni ineriartorfiunissani akisussaaffigerusuppa
- Qeqqata Kommuniata periarfissani kajumilluni piviusunngortikkusuppai

Qeqqata Kommunia ullumikkumut pingaartitatigut anguniakkatigullu ataatsimoortumik pigsaqanikuunngilaq. Suliffeqarfik ataatsimoortinniarlugu, minnerunngitsumillu kommunimi nutaami pingaartitatigut tunngaviumillu isumaanik innuttaasut nalinginnaasumik paasissutissiniarlugit immikkoortitsisinnaaqullugillu – pingaartitat tamakku aaqqissuusaanerup iluani tamarmi aalajangiunneqarlutillu atuutsinneqalissapput.

Pingaartitat iluatsinnissaat anguniarlugu tamakku suleqatigiikkaani ulluinnarnilu sulinermi sulisut suliaminnik nnaammassinninnissaat eqqarsaatigalugu allaffissornikkut ingerlatsinikkullu eqqunneqassapput. Taamaattumik oqallinerup nalaani oqallinnerni ingerlaavartumillu oqallisaanissaat pingaaruteqartuupput.

Kommunimi sulisut 2009-p ukieriarturnerani pingaartitat nassuiaatitaallu oqallisigivaat. Aamma taarlu pingaartitat iluatsinnissaat pillugu qanorlu pissuseqarnissamik siunnersuutunik saqqummiusaqartarlutik. Ulluinnarnilu atuutsilerneqarnissaat eqqarsaatigalugu suleqatigiikkaat aamma tarmmik immikkut siunnersuusiteqarnikuupput. (Ilanngussaq 1 takuuk).

### Maleruagassatigut tunngavissaq

Qeqqata Kommuniani sulisoqarnermi politikki.

### Pissutsit atuuttut

Pingaartitallu pereersut malitsigisaannik ataatsimoortillugit allaqqinneqarlutik, taamaalilluni tunngaveqarnerusumik pitsaannerusumillu paasineqarsinnaaqullugit, tassa aaqqissuusaanerup iluani pingaartitat qanoq sutigullu attuumassuteqarneri eqqarsaatigalugit. Pingaartitat nutaat tallimat taakku ataatsimoortumillu anguniagaq pisortaqatigiinni akuersissutaanikuupput.

Pingaartitat tallimaasut ukuupput: Kajumissuseq, akisussaaqataaneq, ataatsimoorneq, pisinnaasatigut ineriartortitseqatigiinneq kiisalu oqalliseqataaneq.

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Anguniakkat ataatsimoortillugit mallillugit allanneqarnikuupput: Qeqqata Kommunia Kalaallit Nunaanni ineriartorfiunissani akisussaaffigerusuppaa periarfissanilu kajumilluni piviusunngortikkusullugit.

Alloriarnerullu tullissaralugu:

- 1) Pingaartitat anguniakkallu kommunalbestyrelsip ataatsimiinnissaani saqqummiunnissaat, tassanilu kommunip pingaartitaatut akuerineqarlutik.
- 2) Pingaartitat anguniakkallu kommunip quppersagaanut ikkunneqassasut, suliffiullu iluani qarasaasiap saqqaanut.

Aningaasaqarnikkut allaffissornikkullu kingunerisinnaasai

Kommunip pingaartitai anguniagaalu imaaliallaannaq aningaasaqarnikkut allaffissornikkulluunniit kinguneqartussaangillat. Piffissaq alimasinnerusoq isigalugu pingaartitat ammanerulernermik, suliffimmik nuannarinninnerulernermik kommunimilu sulianik naammassinnilluarnerusinnaalerner-mik kinguneqarsinnaapput. Aammalumi innuttaasunit kommunip tunngavigisai ilisimaarineqarnerulissallutik. Pingaartitat anguniakkallu aningaasaqarnermut ataatsimiititaliap decembarimi 2009-mi ataatsimiissutigivai.

Qullersaqarfiup oqaaseqaatai

Qullersaqarfik taperserlugu innersuussutigissavaa, pingaartitat tallimaasut anguniakkallu Qeqqata Kommuniani pingaartitaatut malitassatullu akuerineqassasut.

**Innersuussut**

Pingaartitat tallimaasut anguniakkallu kommunip pingaartitaatut malitassatut akuerineqassasut innersuussutigineqassaaq.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. Qeqqata Kommuniani pingaartitat tallimat anguniakkallu

### **Imm. 23 Inuutissarsiutitigut 2010-mut pilersaarut**

*Journalnr. 66.15*

#### Tunuliaqutaq

Qeqqata Inuutissarsiutitigut siunnersuisooqatigiivinit Qeqqata Kommunianiillu sinniisut Inuutissarsiutitigut 2010-mut pilersaarutissatut siunnersuutaat, Qeqqata Kommuniata Inuutissarsiutitigut ineriartortitsinissamut ataatsimiititaliaata 2009-mi decembarip 10-ani akuersissutigaa.

#### Maleruagassatigut tunngavissat

Qeqqata Kommuniata Qeqqata Inuutissarsiutitigut siunnersuisooqatigiivinit 2010-mut kiffartuussinissamik isumaqatigiissutaa.

#### Pissutsit atuuttut

Inuutissarsiutitigut ineriartortitsinissami suliaasat siunnessami qaninnerusumi ungasinnerusumilu naammassineqarnissat pillugu Qeqqata Kommuniata Inuutissarsiutitigut pilersaarutaatigut maleruagassaqarpoq.

Qeqqata Kommuniani isertitaqaataasinnaasunik, suliffissaqartitseqataasinnaasunik, taamatullu tamat atugarissaarnerannut qaffassaaqataasinnaasumik Qeqqata Kommuniani eqeersimaartumik, nammaneqarsinnaasumik, akillu appasissusiannut/qaffasissusiannut (nikerarnerat) pituttorsimangitsumik inuutissarsiornissap ataavartumik ineriartortinneqarnissaanut pilersaarutitigut anguniagassatigut qulakkeerseqassaaq.

Ilaatigut inuutissarsiutitigut pilersaarutip atuutilersinneqarnissaanik imaqartumik 2010-mut kiffartuussinissamik isumaqatigiissummik kommuni Qeqqata Inuutissarsiutitigut siunnersuisooqatigiivinit kiffartuussinissamik isumaqatigiissuteqarpoq. Kommunip inuutissarsiutitigullu siunnersuisooqatigiit Inuutissarsiutitigut 2010-mut pilersaarummut pisussaaffiinnik kiffartuussinissamik isumaqatigiissut nassuiaatitaqarpoq.

Kiffartuussinissamik isumaqatigiissummi allassimavoq, ”Qeqqata Inuutissarsiutitigut siunnersuisooqatigiivi ukiuni tulliuuttuni atuuttussamik ukiut tamaasa inuutissarsiutitigut takornariaqarnermullu pilersaarusiortassaaq”.

Ukiut siuliisut Inuutissarsiutitigut 2010-mut pilersaarummi attaveqarneq, ilinniartitaaneq, nutaaliorneq, paasissutissiisarneq kiisalu illoqarfinni nunaqarfinnilu ataasiakkaani nunami pissutsit allaaserineqarput.

Inuutissarsiutitigut 2010-mut ineriartortitsinissami anguniagassat ersarinnerusumik nassuiaatigineqarnerat killiliussatigut aallaavissinneqarput. Anguniagaqarfiusut tassaapput:

- Attaveqarneq
- Ilinniartitaaneq nutaaliornierlu
- Kommunip teknikkikkut suliaasaataasa neqeroorutigineqarnerat
- Pisuussutit uumassusillit
- Aatsitassat
- Takornariaqarneq



**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Immikkoortunut tamanut iliuusissatut pilersaaruteqarpoq, taakkunanilu anguniagassani ataasiakkaani suliassat nassuiaatigineqarlutik. Taamaasilluni nalinginnaasumik inuutissarsiutitigut ineriartortitsinissaq, aamma pingaartumik takornarialerinerup ineriartortinneqarnissaa – soorlu tamanna kiffartuussinissamik isumaqatigiisummi piumasaqaatini allassimasoq – Inuutissarsiutitigut 2010-mut pilersaarummi ilaatinneqarput.

Aningaasaqarnikkut allaffissornikkullu kingunerisinnaasai

Inuutissarsiutitigut 2010-mut pilersaarutip atuutillerneqarnissaanut aningaasat, 2010-mut missingersuutitigut aningaasaliissutini assigiinngitsuni immikkoortinneqareerput.

Tamatuma saniatigut kiffartuussinissamik isumaqatigiisut naapertorlugu Inuutissarsiutitigut 2010-mut pilersaarutip atuutillerneqarnissaanut tunngatillugu pilersaarutit aalajangersimasut naammassineqarnissaannut Qeqqata Inuutissarsiutitigut siunnersuisooqatigiivi aningaasanik qinnuteqarnissaminnut periarfissaqarput.

Qullersaqarfiup innersuussutaa

Aningaasaqarnermut ataatsimiititaliamut innersuussutigineqassaaq, Inuutissarsiutitigut 2010-mut pilersaarut kommunalbestyrelsimut akuersissutigineqarnissaa innersuussutigineqassasoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 9-ani 2010-mi ataatsimiinnermini suliaq suliarivaa. Kommunalbestyrelsimut ingerlannginnerani iluarsisassartai aaqqinneqassapput.

**Innersuussut**

Aningaasaqarnermut ataatsimiititaliap kommunalbestyrelsimut innersuussutigissavaa, Inuutissarsiutitigut 2010-mut pilersaarut akuersissutigineqassasoq.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. 2010-mut ukiunullu 2011-mit 2013 tikillugu missiliuteqarfiusunut Qeqqata Kommuniata Inuutissarsiutitigut pilersaarutaa

## **Imm. 24 Qeqqata Kommuniani eriagisassat pillugit - UNESCO**

*Journalnr.*

### Tunuliaqutaq

Kalaallit Nunaata Katersugaasiviata januaarip 11-ni 2010-mi Qeqqata Kommunianik ataatsimeeqa-teqarnermini Qeqqata Kommuniani nunarsuarmi eriagisassanut ilanngunneqarsinnaasutut UNESCO-mut siunnersuutiginiakkat iluarsisat saqqummiuppai.

Kalaallit Nunaata Katersugaasiviata siunnersuutaa nutaaq nunarsuarmi eriagisassanut ilanngutassatut misiligutissatut siunnersuutaaqqaartumut sanilliullugu pingaarnertut immikkuualuttunut aggugaavoq, ilaatigullu aamma siunnersuutaaqqaartumut sanilliullugu kujammut annertusisaalluni.

### Maleruagassatigut tunngavissaq

UNESCO FN-imi aaqqissuussaavoq, tassa nunanut allanut tunngasutigut Naalagaaffeqatigiinnerup iluani naalagaaffimmit susasaqarfiusoq. Kisiannili UNESCO-p kulturimut tunngasut sammisaqarfigivai ilaatigut Namminersorlutik Oqartussanit susasaqarfiusut, ilaatigullu kommuninit susasaqarfiusut. Taamaattumik Naalagaaffiup, Namminersorlutik Oqartussat Kommunillu akornanni isumaqatigiiffiusumik UNESCO-p nunarsuarmi eriagisassanut naleqqutitaasigut ingerlatsisoqartariaqarluni.

### Pissutsit atuuttut

UNESCO-p nunarsuarmi eriagisassatigut kingornussassatigut isumaqatigiissutaa 1972-imi pilersitaavoq, taamani UNESCO-p nunarsuarmi kulturikkut pinngortitamullu tunngasutigut kingornussassatut eriagisassatigut isumaqatigiissutaanit katitigaasoq.

Taamaattumik isumaqatigiissutikkut nunat tamat sumiiffinni nunalu ataatsimut isigalugu kulturimut pinngortitamullu tunngasutigut pingaarutitigut eriagisassaqaqarnermik siuarsaasuunissaat kajumissaarutaalluni. Isumaqatigiissutit siunertaralugu nunarsuup inuinit tamanut pingaaruteqarsinnaasunik, kulturikkut pinngortitamillu kingornussassatut eriagisassanik toqqaasoqarnissaa. Inuiaqassuit ataatsimoorlutik kulturikkut pinngortitamillu kingornussassatut.

Kulturikkut pinngortitamillu kingornussassatut eqqaassutissiasinnaalutik, illuutit, sanaartukkat, nu-nap kulturialu imaluunniit pinngortitamii. Pinngortitameersuusinnaalluni, inummit pilersitaasin-naalluni imaluunniit inunnit pinngortitamillu ataatsimoorullugu pilersitaasinnaalluni. Illorsuaasin-naalluni, inuiaqatigiit ineriartortitaanerisigut oqaluttuarisaanermi pingaarutilik, imaluunniit pinngortitamii toq kusanartorsuaq ilisimatusarnikkulluunniit pingaarutilik. Nunat tamat akornanni kulturikkut pinngortitamilluunniit kingornussassatut UNESCO-p nunat tamat akornanni kingornussassatut allattaaviinut katersorneqassapput.

Allattaaviup siunertaralugu, nunat tamat akornanni ataatsimoorluta kingornussassatsinnik ilisimaarinnilernissarput, taamaalillutalu pigiuannarissaat eriagineqarnissaallu eqqumaffigilerlugit. Taamatuttaaq nunat tamat akornanni tamakkunuunatigut akaareqatigiinneq annertusassallugu, ilisimatusarnikkut aningaasaqarnikkullu killeqarfiit akimorlugit suleqatigiinnissamik siuarsaa-tissatut.

Danmark-ip Isumaqatigiissut 1979-imi atsiorpaa. Taamanimiillu Naalagaaffeqatigiinnerup iluani Jellingehøjene 1994-imi, Roskilde Domkirke 1995-imi, Kronborg 2000-imi kiisalu Ilulissat Isfjord 2005-imi Nunarsuarmiut kingornussassatut allattaaviinut ilanngunneqarnikuullutik. Siulliit pingasut Danmark-imiittut taaneqartut Ilulissallu Kangerluata Sermersua pinngortitamiit kingornussassatut.

**Qeqqata Kommunia - Kommunalbestyrelsep februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

1996-imi Nordisk Ministerrådet nalunaarusiorput ”Nunani Avannarlerni Nunarsuarmit kingornussassaatt”, tamatumani nunat avannarliit Unosco-p Nunarsuarmit kingornussassaattut allattuiffiannut ilanngutassatut piukkussaminnik katersillutik. Siullermeertumillu kalaallit nunatsinneersunik ilaqlutik, allaallu pingasut piukkunneqarlutik. Taakku pingasuusut ukuupput

1. Ilulissat Kangerluata Sermersua
2. Kalaallit Nunaata Kujataani sumiiffik 2.952 kvadratkilometerit isorartutigisoq, Eriksfjord vikingit illukorsui pingaartillugit kisiannili aamma inuit kulturiat
3. Qeqqata Kommuniiani sumiiffik 10.210 kvadratkilometerit isorartutigisoq, tassa Aasivissuit, Arnangarnup Qoorua, Kangerlussuaq kiisalu Sisimiut kujataatungaanni kangerluup sinna piniarikkut kulturi eqqarsaatigalugu tamatumunngalu atatillugu aasaanerani ukiuuneranilu inuit najugaqarfigisarsimasaat pingaartillugit (ilanngussaq 1).

Ilulissat Kangerluata Sermersua pinngortitamit kingornussassaasoq, siunnersuutit ilaat taakku marluusut 1996-imiit kulturikkut kingornussassaallutik, tamarmik kulturikkut immikkoorutillit. Pingasut pillugit isumaqatigiinneq, tassa Kulturarvsstyrelsen aamma Namminersornerullutik Oqartussat isumatusaarnertut naliligaat.

2000-tinngulersoq Kulturarvsstyrelsen aamma Namminersornerullutik Oqartussat aalajangiisimagnarput, Ilulissat Kangerluata Sermersua salliutinneqassasoq, UNESCO-lu nalunaarfigineqassalluni, Kalaallit Nunaata Kujataata (Hvalsø-p oqaluffikua) piviusorpalussusia apeqquserlugu, kiisalu Aasivissuarni/Arnangarnup Qooruanilu aningaasarsiorfittut ingerlatsisoqartoq.

Sumiiffimmi Qeqqata Kommuniiani aningaasarsiorikkut soqutigisat Sarfartooq aallaavigalugu ali-goqqinnik misissuinermit tunnganerullutik. Aatsitassanilli piiaanerit/-misissueqqinnerit nunarsuarmit kingornussassallu akuleriisinneqarsinnaangillat. Illuatungaatigulli pioreersut, nunarsuarmit kingornussassanut akornutaanngitsumik ingerlateqqinneqarsinnaallutik. Taamaallilluni Ilulissat Kangerluani aalisarneq ingerlatiinnarneqarsinnaalluni.

Tulleriarereernerup kingorna Ilulissat Kangerluata Sermersua sukumiisumik ingerlateqqinneqalerluni, qinnuteqaallu malillugu annertunerusumillu oqaaseqaateqarfiunngitsumik ilanngutsinneqarluni. Tamatumunnga atatillugu aqutsisoqatigiinnik pilersitsisoqarpoq, tulliuttunit tamanit ataatsimik inuttalerlugu: Kulturarvsstyrelsimiit, Ilulissat Kommune, Nunamut namminermit, Pinngortitamut Avatangiisinullu Naalakkersuisoqarfimmit kiisalu Nationalmuseet. Kingulliup taaneqartup aamma Ilinniartitaanermit, Kulturimut Ilageeqarnermullu Naalakkersuisoqarfik sinnerlugu, Kalaallilu Nunaanni naalakkersuisoqarfiup taassuma ataaniikkaluarluni UNESCO-p isumaqatigiissutaanik susassaqarfik. UNESCO-mut qinnuteqaat GEUS-ip 1,5 mio. koruunilersillugu suliarivaa, taakkulu avatangiisinut aqutsisoqarfiup DANCEA-aningaasaliissutigut akilerlugit.

Ilulissallu Kangerluata Sermersuaqarfiata nunarsuarmit kingornussassanut ilanngunerata kingorna, Ilinniartitaanermit, Kulturimut, Ilageeqarnermit Oqaluffeqarnermullu taamanikkut Pisortaqarfiusumut Aasivissuit Kalaallit Nunaata UNESCO-mi nunarsuarmit kingornussassanut allattorsimaffiannut ilanngunneqarsinnaanerit Sisimiut Kommunerisimasaata 2006-imi saaffiginnissutigivaa. Pisortaqarfiup taamanikkut Kalaallit Nunaata Kujataaniittut piareersarlugit ingerlassimavai, Sisimiut Kommuneatullu, tassa sumiiffiit ataatsikkut marluk ingerlanissaat imminut akilerluarsinnaasutut isumaqarsimanani.

2009-mi massakut Naalakkersuisoqarfiup Qeqqata Kommuniatalu akornanni Aasivissuit/Arnangarnup Qooruatalu ilangunneqarnissaat pillugit attaveqarneq ingerlateqqinneqalerpoq. Tamatumani kingunerivaa, Naalakkersuisoqarfiup Kalaallit Nunaanni Katersugaasivik qinnuigisimammagu, Qeqqata Kommuniiani UNESCO-mut nunarsuarmit kingornussassatut iluarsisamik siunnersuusi-

qullugu. Siunnersuusiarlu taanna Qeqqata Kommuniata allaffeqarfianut januaarip 11-ani 2010-mi saqqumiinneqarluni, taamatullu kommunalbestyrelsi januaarip 12-ni 2010-mi ataatsimiinnerani naatsumik tamatuminnga ilisimatinneqarluni.

Kalaallit Nunaanni Katersugaasiviup siunnersuutaa nutaaq siunnersuutaaqqaartumut sanilliullugu immikkoortunik minnerusunik tallimanik imaqarluni (ilanngussaq 2), tamatumani sumiiffik 10.210 kvadratkilometerit isorartutigisoq. Immikkoortunit taakkuninnga 4-t siunnersuutaaqqaar-tup iluaniipput. Tamatumalu malitsigisaanik nunarsuarmiunut kingornussassatut piukkunnartunik UNESCO-mut saqqummiutassatut immikkoortiterinerit minnerusunullu agguataareqqinnerit eq-qumiigisassaanatik, tamannalumi aamma annikinnerugaluamik Ilulissat Kangerluata Sermersuani kiisalu Kalaallit Nunaata Kujataanut atatillugu annertunerusunik pismalluni.

Aningaasaqarnikkut allaffissornikkullu kingunerisinnaasai

UNESCO-mut nunarsuarmiunut kingornussassatut ilanngutinniakkanut atatillugu, sanaartukkatigut ilanngutinniarneri eqqarsaatigalugit tamakku qanoq siammasitsigisinnaanerit apeqqutaasorujussuu-voq. Pingaartumik aallavitut Qeqqata Kommuniani eqqarsaataasup 10.210 kvadratkilometerit isorartutiginera eqqarsaatigalugu. Tamatumani immikkut ittut pioreersut piuinnaarsaat eqqarsaatigalugu iliuusissatigut unamminartorujussuussalluni, peqatigitilluguli aamma ineriartortitsinnarnissaq periarfissinneqassalluni.

UNESCO-kkulli nunarsuarmiunut kingornussassatut allattorsimaffianut ilanngutsitinikkut immikkut ittut eriagineqarnissaannaat qulakkeerneqartussaangilaq, sumiiffiulli pioreersut aallaavigalugit atuinneqarsinnaanera periarfissinneqartussaallunitaaq. Taamaattumillu sumiiffimmi toqqarneqartu-ni piniartarnerit ineriartortinneqaannarnissaat periarfissaqassalluni. Sumiiffilli assersuutigalugu aatsitassanik paaaffiusinnaasutut periarfissaarutissallutik, taamaaliornikkummi piniariartarfiit innarlerneqarsinnaammata.

UNESCO-kkulli nunarsuarmiunut kingornussassatut allattorsimaffianut ilanngutsitsineq uagutsin-nuinaq immikkut ittuutitsinnik qulakkeerininnerussangilaq, inuiassuarnullu tamanut, tak. kul-turimut tunngasunik FN-ip allattorsimaffiutaata isumaa. Naqissusiineq taanna nunarsuarmut tamarmut aamma pingaarutilimmik paasissutissisuuvoq, tassa Qeqqata Kommuniani immikkut isigisassanik peqarneranik. Taamaalluni allattorsimaffimmut ilaalernerup aamma malitsigissallugu takornariaqarnerulersinnaanissaq. Tamatumunnga atatillugu erseqqissassallugu pingaaruteqarluni, Qeqqata Kommunia assersuutigalugu Qaasuitsup Kommuniatuulli assilisassaqqitsigisunik takor-narissanullu ussassaarutaasinnaasunik iluliarsuaqanngitsoq. Taamaattumik Qeqqata Kommuniata pinngortitamik kulturimillu, soorlu qimussernermik, qaannamik takutitsinermik, katersugaasivim-mik alakkaanermik nuannariinnarlugu aalisartitsinermik tammajuitsussarsiniarnerillu takornaris-sanut ussassaaruteqanissani samminerusariaqarlugu. Tamatumunnga atatillugu UNESCO-p nunar-suarmi kingornussassatut allattorsimaffiutaani piniarnermut tunngatillugu kulturi ukiorpassuarni ingerlanneqarsimasoq pingaartissallugu pingaaruteqarluni.

Kalaallit Nunaanni Katersugaasiviup, Qeqqata Kommuniata UNESCO-p nunarsuarmiunut kingor-nussassatut allattorsimaffianut ilanngunneqarnissaa suli kinguarateqqittariaqartutut siunnersuutigi-vaa. Apeqqutaasaarli kinguarateqqinnissaq ilumut pissusissamisoornersoq, tassami allanit, soorlu Canada-miit immaqalu allaniit inuit piniarnermi kulturianut attuumassuteqartut UNESCO-p nunar-suarmiunut kingornussassatut allattorsimaffianut ilanngutinniakkat imaaginnavimmata. Kalaallit isaannik isigaluni Qeqqata Kommuniani pineqartut Kalaallit Nunaanni sermimik poorneqanngit-sumik nunataqarnerpaajusumiinnerat eqqarsaatigalugu immikkut illuinnartuupput, taamatullumi aamma Sermersuarmut qanittumi inissisimanermikkut, taamaakkaluarli immaqana nunarsuarmiut allat taamatut isiginngikkaat. Taamaattumik pingaaruteqarpoq, inuit piniarnikkut kulturianut attuu-

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

massutillit UNESCO-kkulli nunarsuamiunut kingornussassatut allattorsimaffianut ilanngutsinnis-saat sulissutigissallugu.

Allaffeqarfiup naliliinera

Qeqqata Kommuniata UNESCO-p nunarsuarmiunut kingornussassatut allattorsimaffianut ilanngunneqarnissaata Naalagaaffiup, Namminersorlutik Oqartussat Kommunillu tungaanniit suliniutigineqarnissaa allaffeqarfiup pingaartutut isigivaa. Tamatumuuna kulturikkut immikkut ittuutit kiisalu kommunimi takornariaqartitsinerup ineriartortinnissaa qulakkeerniarlugit.

Aammattaq allaffeqarfiup pingaarutilittut isigivaa, nunarujussuaq UNESCO-p nunarsuarmiunut kingornussassatut allattorsimaffianut ilanngunneqarsimagaluartoq millisineqassasoq, taamaalilluni immikkut ittut ilaatiinnarlugit, allallu siunissami allatigut atorneqarsinnaalerlugit.

Kalaallit Nunaanni Katersugaasiviup siunnersuutaaniittut tallimaasut tamaasa immikkut isigalugit allaffeqarfiup iluaqutissatut akornutaasinnasutullu tulliuuttut isigivai:

1. Nipissat taakku tallimat akornanni kisimiilluni sinerissamiippoq, nunarsuarmiunullu kingornussassat inuit piniartuunerinik kiisalu aasaanerani ukiuuneranilu nunaqarfigisartagaanik oqaluttuarinnissappata, taava Nipissat pingaaruteqarluinnartuupput. Peqatigitillugu Nipissat kisimi Sisimiut illoqarfiannut qanittumiilluni tikikkuminartuullunilu, Sisimiunilu siunissami takornariaqarnerup ineriartortinnissaa eqqarsaatigalugu pingaarutilittut inissisimalluni. Nipisallu nunarsuarmiunut kingornussassatut allattorsimaffianut ilanngunneqarsinnaanissaat ajornartorsiutaassagunarani.
2. Aasivissuit sumiiffiit marluusut arlarivaat, tassa siunnersuutigeqqaakkamiit taagutaa allangortitaangitsoq (Aasivissuit/Arnangarnup Qoorua). Taamaattumik ingerlaavartumik suliaqarnermi Aasivissuit nunarsuarmiunut kingornussassatut ilaatinnaasaat pingaaruteqarpoq. Peqatigitillugu Aasivissuit Kangerlussuarmut qanittumiippat, Aasivissuillu kanginut killingat Sermersuarmut kiisalu Kangerlussuarmiit Sermersuarmut aqqusinermut attuumasuulluni, taamatullu tuttu piaqqivissuaralugu. Tamanna tuttu piaqqiorfiat Sisimiut kommunalbestyrel-siata ukiup ilaani eqqissisimatitsivittut kissaatiginikuuaa. Taamaattumik Aasivissuit takornaria-qarnikkut periarfissarujussuullutik. Aasivissuit kitaatungaanni Sisimiut Kangerlussuullu akornanni aqqusinissap ingerlaveqarnissaa pilersaarutaavoq. UNESCO-p nunarsuamiunut kingornussassatut allattorsimaffianut ilanngutassakkut aqqusinissap ingerlatinneqarsinnaanissaa massakkut ilisimaneqanngilaq. Taamaattoqarsinnaassanngippat, taava Aasivissuit taakkunungaannaq kangimullu killinganut killilerlugit ilaatinneqartariaqarlutik.
3. Arnangarnup Qoorua sumiiffiit marluusut arlarivaat, tassa siunnersuutigeqqaakkamiit taagutaa allangortitaangitsoq (Aasivissuit/Arnangarnup Qoorua). Taamaattumik ingerlaavartumik suliaqarnermi Arnangarnup Qoorua nunarsuarmiunut kingornussassatut ilaatinnaasaat pingaaruteqarpoq. Peqatigitillugu Arnangarnup Qoorua Maniitsup Kommunerisimasaata siunnersuutigisimasaatut eqqissisimatitaavoq, tamatumalu immikkuullarissuunera takutippaa. Arnangarnup Qooruata Kangerlussuarmut qanittuugami tikikkuminartuunera, kiisalu tusaruminartumik Paradisdal taaguuteqarnera takornarisannut ornitassaqqittippaa. Arnangarnup Qooruali aatsitasarsiornermik annertuutigit ingerlatsiviuvoq, taamaattumillu Kalaallit Nunaanni Katersugaasiviata siunnersuutaa malillugu, ullumikkut eqqissisimatitaaffia malillugu killeqartittariaqarluni.
4. Angujaartorfik pingaartumik Kangaamiuneersunit piniariartarfissuuvoq, UNESCO-lli nunarsuarmiunut kingornussassatut allattorsimaffianut ilanngunneqarnissaanilli siunnersuut piniarnermut tunngasuuneranik tunuliaqutaammat, taamaattumillu siunissami taamatut atugaanera piukkunneqarneranut akornutaasariaqarani. Taamaakkaluarli **Angujaartorfik** Arnangarnup Qooruatuulli aatsitassarsiorfiungaatsiarluni, taamaattumillu immaqa Angujaartorfik UNESCO-p nunarsuarmiunut kingornussassatut allattorsimaffianut ilanngutassatut ilaatinnaasaat akuersaarnara-

ni. Tamanna misissoqqissaarneqartariaqarpoq, tamatumani aalajangiivinninnermi Aatsitasanut Pisortaqarfik qannittumik suleqatigalugu.

5. Qeqqata Kommuniani nunarsuarminut kingornutassatut siunnersuutaqqaartumi Tasersiaq kisimi ilaangilaq. Kalaallit Nunaanni Katersugaasiviup alumiiniumumik aatsiteriffiliornissamut atatillugu misissuinermini tamanna taamatut ilannguppa. Tasersiaq Kalaallit Nunaanni erngup nukissiorfiliorfissatut annersaavoq, alumiiniumumillu aatsiteriffiliornissami pinngitsoorneqarsinnaanngitsutut inissisimalluni. Taanna periarfissaanngippat alumiiniumumik aatsiteriffiliorqarsinnaanngilaq. Alumiiniumumik aatsiteriffiliornissamik pilersaarut massakkuugallartoq naatsorsuutigisatut pisussaajunnaaraluarpat, taava Tasersiaq siunissami taamatut allatulluunniit nukimmik annertooujussuarmik pisariaqartitsisuusumik atorneqarnissaa pingaaruteqartuassaaq. Aammattaaq Tasersiaq tikikkuminaatsumi 600 meterit qaffasitsigisumiippoq, najugaqarfinit ungasissumiilluni, taamaattumik sumiiffik takornariaqarnikkut soqutiginaateqanngitsumiilluni. Taamaattumik Tasersiaq Qeqqata Kommuniani UNESCO-p nunarsuarminut kingornussassatut allattorsimaffianut ilanngunneqarnissaa pisariaqarani.

Allaffeqarfiup maluginiaqqussavaa, Qeqqata Kommuniani sumiiffit matuma qulaani pineqartut ilaat UNESCO-p nunarsuarminut kingornussassatut allattorsimaffianut ilanngunneqassanngikkaluarpa-ta, tamakku Kulturikkut eriaqisassat eqqissisimatitaanerata pillugu Inatsisartut inatsisaat nr. 18, 19. november 2007-imeersoq naapertorlugu eqqissisimatineqarsinnaanerata mattunneqassanngilaq. Taamatuttaaq Qeqqata Kommuniani sumiiffit allat tamatumasiornatigut kingornatigullu eqqissisimatitanngortinneqarsinnaallutik, tassa Qeqqata Kommuniani UNESCO-p nunarsuarminut kingornussassatut allattorsimaffianut ilanngunneqarsimasulluunniit.

### **Innersuussut**

Allaffeqarfiup kommunalbestyrelsimut akuereqqullugu innersuussutigissavaa,

Qeqqata Kommunia Qeqqata Kommuniani UNESCO-p nunarsuarminut kingornussassatut allattorsimaffianut ilanngunneqartussani suliaq ingerlatiinnassagaa

Qeqqata Kommuniata suleqatigisani Kalaallit Nunaanni Katersugaasivia kiisalu Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik taamatullu Kultur-arvsstyrelsen nalunaarfigissagai, suliamik ingerlatseqinnermi siunnersuutaqqaartumi immikkoortunut sammitinneqassasoq – tassalu Kalaallit Nunaanni Katersugaasiviata siunnersuutaani immikkoortut 1-miit 4-mut (ilanngussaq 2)

### **Aalajangiineq**

Innersuussutigineqartut akuersissutigineqarput.

### **Ilanngussat**

1. Qeqqata Kommuniani UNESCO-p nunarsuarminut kingornussassatut allattorsimaffianut ilanngutassatut killiliussaqaarfiit
2. Kalaallit Nunaanni Katersugaasiviata siunnersuutaq Qeqqata Kommuniani UNESCO-p UNESCO-p nunarsuarminut kingornussassatut allattorsimaffianut ilanngutassatut siunnersuutai
3. Qeqqata Kommuniani Aatsitassarsiornermi februaarip 15-iani 2010-mi akuersissutit.

**Imm. 25 Qeqqata Kommuniani nunaqarfinnut ilaasunik angallassineq**

*Journalnr.*

Tunuliaqutaq

Kommunalbestyrelsimi ilaasortap Anda Berthelsen-ip Qeqqata Kommuniani ilaasunik angallassineq kommunalbestyrelsip tullianik ataatsimiinnissaanut oqaluuserisassatut ilanngunneqarnissaa decembarip 14-ni 2009-mi allakkamigut siunnersuutigivaa.

Taamatuttaaq Kangaamiuni nunaqarfimmi aqutsisut sumiiffimmi Kangaamiuniit/-nuullu ilaasunik angallassisartumut kommunimiit tapiissuteqarnissaq decembarip 7-ani 2009-mi fax-ikkut akuereq-qullugu siunnersuutigalugu.

Maleruagassatigut tunngavissaq

Nunaqarfinnut ilaasunik angallassisarneq Namminersorlutik Oqartussat susassaqarfigivaat.

Pissutsit atuuttut

Kalaallit Nunaanni Namminersorlutik Oqartussat sapaatip akunnikkaartumik Qeqqata Kommuniani nunaqarfinnut ilaasunik angallassisarnissamik Royal Arctic Bygdesejlads isumaqatigiissuteqarfigivaa. Tamatumanili Kangerlussuaq ilanngunneqarani, ilaasunik angallassiffiunngitsoq. Royal Arctic Bygdesejlads-ip pisussaaffik suliariumannittussarsiuussinikkut sapaatip akunneri marlukkaartussat MMM-imut ingerlateqqinnikuuaa. Royal Arctic Bygdesejlads-ip umiarsuarmik nassiussanik ilaasunillu angallasserit akuleriisillugit ingerlatarivai, tamatumanilu nassiussat pingaarnerutillugit, Marteks-illu angallassinini angallammik ilaasartaammik mikinerusumik pisoqaanerusumillu ingerlataralugu.

Royal Arctic Bygdesejlads-ip Marteks-illu Qeqqata Kommuniani nunaqarfinnut angallassineri tutsuiginarpallaanngitsumik ingerlavoq, pingaartumik ukiariartornerani kitaata sineriaani silap angalavikkuminaallinerata nalaani. Tutsuiginarpallaannginneq annerusumik Martek-imiissorinarluni, tassa umiarsuaq atugaasoq Royal Arctic Bygdesejlads-imut sanilliullugu mikigami.

Taamatuttaaq Kangaamiunut aqqusaartarnissamik Namminersorlutik Oqartussat Arctic Umiaq Line-llu akornanni isumaqatigiissuteqarluni/-simalluni. Nunaqarfillu Sisimiunituut Maniitsumituullu sapaatip akunnikkaartumik Arctic Umiaq Line-p Kalaallit Nunaata Kitaani angallassinermi Kujataaniit Qeqertarsuup tunuanukarnermini uterminilu aqqusaarneqartarlugu.

Arctic Umiaq Line-p tutsuiginarnerusumik ingerlasuuvoq, tassa umiarsuit anginerugamik Kalaallit Nunaata Kitaani angallannikkut Royal Arctic Bygdesejlads-itut kiisalu Martek-itullu silamik eqqugaatigisaratik. Arctic Umiaq Line-p Kangaamiunut aqqusaartarnera 2009-p ukiuunerani silliminiarnermik peqquteqartumik unitsinneqarpoq.

Aningaasaqarnikkut allaffissornikkullu kingunerisinnaasai

Angallassineq Namminersorlutik Oqartussat susassaqarfigimmassuk, Qeqqata Kommuniani nunaqarfinnut angallassineq toqqaannartumik allaffissornikkulluunniit kinguneqartusaa ngilaq. Nunaqarfinnulli angallanneq toqqaannangikkaluamik annertuumilli kinguneqarluni. Ilaatigut Qeqqata Kommuniata suliffeqarfittut angisuutut allatuulli nunaqarfinnut utimullu namminersortut angallataataannik angalanermi atuisariaqartarluni. Ilaatigullu nunaqarfinni innuuttaasut tutsuiginartumik angalassinikkut attaveqarfiginissaat piunasaqataalluni, taamaalillutik piffissarujussuaq atorlugu ilaaffissaminnik tikkineqarnissartik utaqquisariaqanngikkaluarlugu.

**Qeqqata Kommunian - Kommunalbestyrelsi februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Kalaallit Nunaanni Namminersorlutik Oqartussat Qeqqata Kommuniani nunaqarfinnut ilaasunik angallassineq pitsaanerulersittariaqaralarpaat, Namminersorlutik Oqartussanut immikkut allaffiornermik kinguneqanngitsumik aningaasartuutaanngikkaluamillu. Marteks-imut Arctic Umiaq Line-mullu Qeqqata Kommuniani nunaqarfinnut angallasinermut tapiissutit sumiiffimmi (Maniitsoq aamma Sisimiut) inuinnarnut angallassisinnaasunut nuunnerisigut Namminersorlutik Oqartussat nunaqarfinnik kiffartuussinertik immikkut aningaasartuutaanngikkaluamik pitsaanerulersisinnaagunaralarpaat.

**Allaffeqarfiup naliliinera**

Qeqqata Kommuniani kommunalbestyrelsi Namminersorlutik Oqartussanut maluginiaqqussagaat allaffeqarfiup pingaarutilittut isigivaa, nunaqarfinnut angallassinerup ilungersunartumik inissisimannera. Namminersorlutik Oqartussat attaveqaateqarfiata allaffeqarfianut allaffeqarfiup 2009-p ingerlanerani arlaleriarluni tamanna maluginiaqqunikuuaa.

**Innersuussut**

Kommunalbestyrelsimut akuereqqullugu innersuussutigineqassaaq,

Kommunalbestyrelsi Kalaallit Nunaanni Namminersorlutik Oqartussanut allagaqassasoq, tamatumani Qeqqata Kommuniani nunaqarfinnut ilaasunik angallassineq sumiiffimmi pisinnaasunik atuinikkut unammisitsinikkullu aaqiivigineqarnissaa siunnersuutigalugu

**Aalajangiineq**

Innersuussutigineqartoq akuersissutigineqarpoq.

**Ilangussat**

1. Sarfannguanit Inuit Ataqatigiit decembarip 14-ni 2009-mi mail-erutaat
2. Kangaamiuni nunaqarfinni aqutsisut decembarip 7-ani 2009-mi allagaat



**Imm. 26 Oqaluuserisassatut siunnersuut – Qeqqussat nioqqutissiarineqalernissaannut misissuisoqarnissaa**

*Journalnr.*

Tunuliaqutaq

Kommunalbestyrelsimi ilaasortap Søren Alaufesenip, Qeqqussat nioqqutissiarineqalernissaannut misissuisoqarnissaa pillugu siunnersuut kommunalbestyrelsimi oqaluuserisassatut januaarip 27-ani 2010-mi e-mailikkut nassiuppaa.

Pissutsit atuuttut

Sisimiuni Aalisarnermik Piniarnermillu Siunnersortip februaarip 12-ani 2010-mi allagaqaammi nalunaarutigaa, qeqqussanik misileraaneq Paamiut Kommunianit aammalu Nanortallup Kommunianit aningaasaliiffigineqarluni aallartissimasoq 2007-mi ukiakkut, kingusinnerusukkullu NORA-mit Nordisk Ministerråd, Puljen for Bæredygtig Udvikling-mit aamma qinnuteqaateqarnerup kingorna misileraanissaq aningaasaliiffigineqarsimalluni.

Qeqqussanik misileraaneq Paamiut eqqaani 2008-mi ingerlanneqarsimavoq. 2009-mi nioqqutissior-nissaq tullinnguussimavoq maannamullu Tyskland-imi pisiortorusuttoq atassuteqarfigineqalersi-malluni.

Misileraanermi nioqqutissior-nissaq ilannguniarneqarpoq maannakkumullu aningaasassarsiuunne-qanissaa tullinnguussimasoq aaqqissueqataasut ilaata ilisimatitsissutigaa.

Paasisat tunngavigalugit misileraanermik ingerlatsisut naammassinissaat utaqqisariaqassaaq, tama-tuma kingorna nioqqutissiornerup aallartinnissaa tullinnguutissammat.

**Innersuussut**

Kommunalbestyrelsimut innersuussutigineqassaaq, suliaq oqallisigineqareerneratigut aningaasaqarnermut ataatsimiititaliamut oqallisigisassatut ingerlateqqinneqassasoq.

**Aalajangiineq**

Innersuussutigineqartoq akuersissutigineqarpoq.

**Ilanngussat**

1. Søren Alaufesenip januaarip 27-ani 2010-mi e-mailerutaa.

**Imm. 27 Oqaluuserisassatut siunnersuut – Sisimiuni bussit unittarfiisa inissisimaffiisa  
nikisinneqarnissaat**

*Journalnr.*

Tunuliaqutaq

Kommunalbestyrelsimi ilaasortap Søren Alaufesenip, Sisimiuni bussit unittarfiisa inissisimaffiisa nikisinneqarnissaat pillugu siunnersuut kommunalbestyrelsimi oqaluuserisassatut januaarip 27-ani 2010-mi e-mailikkut nassiuppaa.

Bussit unittarfiisa pisuinnaallu ikaartarfiisa nikisinneqarnissaat siunnersuutigineqarpoq angallannikkut isumannaallisaaneq eqqarsaatigalugu.

Pissutsit atuuttut

Tamakku pillugit Teknikkimut Avatangiisinullu immikkoortortaq politiillu suleqatigiissuteqarput.

**Innersuussut**

Kommunalbestyrelsimut innersuussutigineqassaaq, suliaq oqallisigineqareerneratigut Teknikkimut Avatangiisinullu ataatsimiitaliami oqallisigisassatut ingerlateqqinneqassasoq.

**Aalajangiineq**

Innersuussutigineqartoq akuersissutigineqarpoq.

**Ilanngussat**

1. Søren Alaufesenip januaarip 27-ani 2010-mi e-mailerutaa.

**Qeqqata Kommunia - Kommunalbestyrelsen februaarip 23-ani 2010-mi ileqquusumik  
ataatsiminnerata 01/2010-p imaqarniliornera**

**Imm. 28 Oqaluuserisassat siunnersuut – Qeqqata Kommuniani ilinniartitsisoqarniarneq**

Journalnr.

Tunuliaqutaq

Kommunalbestyrelsimi ilaasortap Karl Davidsenip, Qeqqata Kommuniani ilinniartitsisoqarnerneq pillugu siunnersuut kommunalbestyrelsimi oqaluuserisassat februaarip 2-ani 2010-mi e-mailikkut nassiuppa.

Pissutsit atuuttut

Minngortuunnguup Atuarfia, Sisimiut. 2009-mi oktobarip 1-ani

Amerlassusiliineq	Ilinniartitsisut	Piareersarfiusuni ilinniartitsisut	Timelæreret	Amigaataasut
47,81	28	3	8	8,81
100 %	58,57 %	6,27 %	16,73 %	18,43 %

Minngortuunnguup Atuarfiani sulisut 39-upput, taamaalillutik akunnerit tamaasa matuniarlugit sulisuusut qaangiuttuungaatsiartarlutik, 2009-mi oktobarip 1-ani ilinniartitsisut 8,81 amigaataapput. Taamaalilluni atorfiit 18,43 %-it inuttaqaratik.

Timelæret marluk najugaq qimannagu ilinniartitsisut ilinniarnermik ingerlatsipput.

Timelære ataaseq, ilinniartitsisut ilinniarnerninik naammassinninnikuunngitsoq, fagimik ataatsimik amigaatilik. (atorfimminiit tunuarpoq).

Timelære ataaseq, HK / pisiniarfimmiutut ilinniagalik.

Timelære ataaseq, peqqissaanermut assistentit ilinniagalik.

Timelære ataaseq, GU-mi ilinniarnikoq.

Timelære ataaseq, ilinniagaa ilisimaneqanngitsoq

Timelære ataaseq, (atorfimminiit ingerlaannartumik atuutilersumik tunuarpoq).

2009-mi oktobarip 1-iata kingorna, ilinniartitsisumik ataatsimik atorfinittoqarpoq.

Piffissami matumani ilinniartitsisut sisamat erninermut atatillugu sulinggifteqarput.

Atuartut amerlassusaat:	369
Akunnerit atuartitsiviusut katillugit:	51.269,00
Suliassat nalinginnaasut katillugit:	12.824,50
Suliassat ataasiakkaat katillugit:	15.901,00
Aqutsinermut piffissaq atugaq katillugu:	5.203,00
Sulinggiffiit ulluinnarnilu nalliuttut katillugit:	11.584,00
Atuarfiup katillugit akunnernik atuinera:	96.781,50
Taakkunanga atuarfiup tamakkiisumik suliassai:	85.287,50

Nalunnguarfiup Atuarfia, Sisimiut.

Amerlassusiliineq	Ilinniartitsisut	Piareersarfiusuni ilinniartitsisut	Timelæreret	Amigaataasut
57,64	33	7	13	4,64
100 %	57,25 %	12,14 %	22,55 %	8,06 %

**Qeqqata Kommunia - Kommunalbestyrelsen februaarip 23-ani 2010-mi ileqquusumik  
ataatsiminnerata 01/2010-p imaqarniliornera**

Nalunnguarfiup Atuarfiani sulisut 53-iupput, taamaalillutik akunnerit tamaasa matuniarlugit sulisuusut qaanngiuttuungaatsiartarlutik, 2009-mi oktobarip 1-ani ilinniartitsisut 4,64 amigaataapput. Taamaalilluni atorfiit 8,06 %-it inuttaqaratik.

Timelæret pingasut najugaq qimannagu ilinniartitsisut ilinniarnermik ingerlatsipput.  
 Timelære ataaseq najugaq qimannagu perorsaasunngorniartuuvoq.  
 Timelære ataaseq Ilinniarfissuarmiit (ilinniartitsisunngorniaq) atuangiffeqarallarpoq.  
 Timelæreret marluk social og barnemedhjælperit ilinniarsimasuupput.  
 Timelære ataaseq mekanikerisut pinngortitamullu ilitsersuisutut ilinniarsimasuuvoq.  
 Timelære ataaseq allaffimmiusut ilinniagaqartuuvoq.  
 Timelære ataaseq assasornermut ilinniagaqartuuvoq.  
 Timelære ataaseq HTX-imi ilinniakkaminik naammassinnissimasuuvoq.  
 Timelæreret marluk ilinniagaat ilisimaneqanngillat.

Piffissami matumani atuarfik nukarlerni ilinniartitsisumik ataatsimik amigaateqarpoq. 1. nov. 09 aallarnerfigalugu atorfinitsitassat.

Akullerni ilinniartitsisoq ataaseq, ilinniartitsisoq ataaseq sulingiffeqarmat, (taartaasartumik taarteqartinneqarpoq).

Angajullerni ilinniartitsisut marluk, 2009-mi nov. 01 aallarnerfigalugu ilinniartitsisoq suliunnaarmat. 2009-mi nov. 01 aallarnerfigalugu nutaamik atorfinitsitsisoqarpoq.

Ilinniartitsisut marluk erninerminnut atatillugu sulingiffeqarput, ilinniartitsisullu pingasut sulingiffeqanngikkallarput, taakkunanga marluk 2009-mi nov. 01 aallarnerfigalugu uteqqissallutik.

Atuartut amerlassusaat:	421
Akunnerit atuartitsiviusut katillugit:	66.582,50
Suliassat nalinginnaasut katillugit:	15.764,75
Suliassat ataasiakkaat katillugit:	14.793,75
Aqutsinermut piffissaq atugaq katillugu:	5.320,00
Sulingiffiit ulluinnarnilu nalliuttut katillugit:	16.962,00
Atuarfiup katillugit akunnernik atuinera:	119.423,00
Taakkunanga atuarfiup tamakkiisumik suliassai:	102.821,00

**Qinguata Atuarfia, Kangerlussuaq.**

Amerlassusiliineq	Ilinniartitsisut	Piareersarfiusuni ilinniartitsisut	Timelæreret	Amigaataasut
14,67	6	2	1	5,67
100 %	40.90 %	13.63	6,82 %	38,65 %

Qinguata Atuarfiani sulisut 9-upput, taamaalillutik akunnerit tamaasa matuniarlugit sulisuusut qaanngiuttuungaatsiartarput, 2009-mi oktobarip 1-ani ilinniartitsisut 5,67 amigaataapput.

Taamaalilluni atorfiit 38,65 %-it inuttaqaratik.

Ilinniartitsinerup ingerlanneqarnissaanut timelærerimik ataatsimik kiisalu paarlattaasartumik ataatsimik atorfinitsitsioqarnikuvoq. Piffissami matumani fysik-imik ilinniartitsisussamik amigaateqartoqarpoq.

**Qeqqata Kommunia - Kommunalbestyrelsen februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Atuartut amerlassusaat:	84
Akunnerit atuartitsiviusut katillugit:	17.855,12
Suliassat nalinginnaasut katillugit:	3.258,30
Suliassat ataasiakkaat katillugit:	3.324,50
Aqutsinermut piffissaq atugaq katillugu:	1.725,00
Sulinngiffiit ulluinnarnilu nalliuttut katillugit:	2.664,00
Atuarfiup katillugit akunnernik atuinera:	28.826,92
Taakkunanga atuarfiup tamakkiisumik suliassai:	26.162,92

**Itillip Atuarfia, Itilleq.**

Amerlassusiliineq	Ilinniartitsisut	Piareersarfiusuni ilinniartitsisut	Timelæreret	Amigaataasut
7,18	3	0	2	2,18
100 %	41,78 %	0	27,86 %	30,36 %

Itillip Atuarfiani sulisut 5-upput, taamaalillutik akunnerit tamaasa matuniarlugit sulisuusut qaangiuutuaatsiartarput, 2009-mi oktobarip 1-ani ilinniartitsisut 2,18 amigaataapput. Taamaalilluni atorfiit 30,36 %-it inuttaqaratik.

Atuartut amerlassusaat:	25
Akunnerit atuartitsiviusut katillugit:	7.840,00
Suliassat nalinginnaasut katillugit:	1.390,00
Suliassat ataasiakkaat katillugit:	3.006,55
Aqutsinermut piffissaq atugaq katillugu:	573,00
Sulinngiffiit ulluinnarnilu nalliuttut katillugit:	1.317,20
Atuarfiup katillugit akunnernik atuinera:	14.126,75
Taakkunanga atuarfiup tamakkiisumik suliassai:	12.809,55

**Sarfanguup Atuarfia, Sarfanguit.**

Amerlassusiliineq	Ilinniartitsisut	Piareersarfiusuni ilinniartitsisut	Timelæreret	Amigaataasut
5,09	1	0	3	1,09
100 %	19,64 %	0	58,94 %	21,42 %

Sarfanguup Atuarfia sulisut 4-pput, taamaalillutik akunnerit tamaasa matuniarlugit sulisuusut qaangiuutuaatsiartarput, 2009-mi oktobarip 1-ani ilinniartitsisut 1,09 amigaataapput. Taamaalilluni atorfiit 21,42 %-it inuttaqaratik.

Atuartut amerlassusaat:	18
Akunnerit atuartitsiviusut katillugit:	5.976,00
Suliassat nalinginnaasut katillugit:	831,75
Suliassat ataasiakkaat katillugit:	1.806,55
Aqutsinermut piffissaq atugaq katillugu:	459,00
Sulinngiffiit ulluinnarnilu nalliuttut katillugit:	1.184,00
Atuarfiup katillugit akunnernik atuinera:	10.257,30
Taakkunanga atuarfiup tamakkiisumik suliassai:	9.073,30

**Qeqqata Kommunia - Kommunalbestyrelsen februaarip 23-ani 2010-mi ileqquusumik  
ataatsiminnerata 01/2010-p imaqarniliornera**

Ukiumut atuarfusumut 2009 / 2010-mut ilinniartitsisussat amerlassusiliinermiit katillugit 132,39-iniit, Sisimiuni atuarfeqarfimmi ilinnirtitsisut ilinniarsimasut 53,63-iupput, tassalu ilinniartitsisut ilinniarsimasut 71-it. Taakkunannga piareersarfiusuni ilinniartsitsisut 9,06 %-it, tassalu piareersarfiusuni ilinniartitsisut 12-it, sulisut ilinniarsimasut katillugit 83-it. Ilinniartitsinerup matussusernissaanut sulisut ilinniarsimasut 62,69 %-it Sisimiunut matussusiisuupput. Taamaalluni ilinniartitsisut ilinniarsimasut katillugit 16,91 % amigaataapput, aammalu sulisunik ilinniarsimasunik Sisimiut kiisalu nunaqarfii suli pisariaqartitsipput, kisianni Sisimiunut ilinniartitsisussanik pissarsissagutta sulisunut inissanik pisariaqartitsineq iluarsiiffigineqaqqaassaaq. Timelærenik amerlasuunik pikkorissunik sulisoqarpugut, taakkualu soqutiginnitsinniarlertussaava-gut illoqarfik qimannagu ilinniartitsisunngortinniassallugit, sulisutummi tigummiinnarnissaat atuarfeqarfimmi kaammattortuassagsigit.

**Atuarfik Kilaaseeraq, Maniitsoq 2009-mi oktobarip 1-ani**

Amerlassusiliineq	Ilinniartitsisut	Piareersarfiusuni ilinniartitsisut	Timelærer-it	Amigaataasut
62,55	23	6	18	15,55
100 %	46,36 %	9,59 %	28,8 %	24,86 %

Atuarfik Kilaaseeqqami sulisut 47-upput, taamaallutik akunnerit tamaasa matuniarlugit sulisusut qaangiuttuungaatsiartarlutik annertuumik, 2009-mi oktobarip 1-ani ilinniartitsisut 15,55-t amigaataapput.

Taamaalluni atorfiit 24,86 %-it inuttaqaratik.

Timelærer-itut atorfillit assigiinngitsunik tunuliaquteqarput, ilaat ilinniagaqarsimapput. Ilaalli ilinniagaqanngillat.

**Ilinniartitsisut annertummik qaangittoortarnerat kinguneqalerpoq ilinniartitsisut qasoqqalermata, sulinerminni artukkerneqartutut misigiartuaalerlutik. Pissutigalugu ilinniarsimasut aamma timelærer-it ilaat kivillugit siunnersorlugillu ingerlasariaqarmata.**

Atuartut amerlassusaat: 442

Akunnerit atuartitsiviusut katillugit: 73.308,00

Suliassat nalinginnaasut katillugit: 15.661,66

Suliassat ataasiakkaat katillugit: 13.577,52

Aqutsinermut piffissaq atugaq katillugu: 7.501,25

Sulinngiffiit ulluinnarnilu nalliuttut katillugit: 14.800,00

Atuarfiup katillugit akunnernik atuinera: 124.848,43

Taakkunannga atuarfiup tamakkiisumik suliassai: 111.591,83

**Kangaamiut atuarfiat, Kangaamiut. 1. Oktober 2009**

Amerlassusiliineq	Ilinniartitsisut	Piareersarfiusumi Ilinniartitsisut	Timelærer-it	Amigaataasut
11,08	3	2	3	3,08
100 %	9,02 %	9,02 %	27,1 %	27,8 %

Kangaamiut Atuarfiani sulisut 8-upput, tiimillu atuartitsivisut matussuserneqarnikuupput, taamaattoq ilinniartitsisut Piareersarfik-mi saniatigut atorfeqarnertik qaangiuttuusutigisarpaat 2009-mi oktobarip 1-ani ilinniartitsisut 3,08 amigaataapput.

Taamaalluni atorfiit 27,8 %-it inuttaqaratik.

Timelærer-itut atorfilik 1 nunagisaq qimannagu ilinniartitsisunngorniarpoq.

**Qeqqata Kommunia - Kommunalbestyrelsen februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Atuartut amerlassusaat: 51  
 Akunnerit atuartitsiviusut katillugit: 14.388  
 Suliassat nalinginnaasut katillugit: 2.890,20  
 Suliassat ataasiakkaat katillugit: 1.148,66  
 Aqutsinermut piffissaq atugaq katillugu: 1.338  
 Sulinnigiffiit ulluinnarnilu nalliuttut katillugit: 2.664,00  
 Atuarfiup katillugit akunnernik atuinera: 22.428,86  
 Taakkunanga atuarfiup tamakkiisumik suliassai: 19.764,86

**Napasup atuarfia 1. Oktober 2009**

Amerlassusiliineq	Ilinniartitsisut	Piareersarfiusumi Ilinniartitsisut	Timelærer-it	Amigaataasut
2,59	1	0	1	1
100 %	38,6 %	0	38,6 %	38,6 %

Napasup atuarfiani sulisut 2-upput, tiimit tamarmik ajunngitsumik matussuseqqapput, naak 1 timelære-  
 itut atorfeqaraluartoq, 2009-mi oktobarip 1-ani ilinniartitsisut 1 amigaataavoq.  
 Taamaalilluni atorfiit 38,6 %-it ilinniarsimasumik inuttaqarnani.

Atuartut amerlassusaat: 10  
 Akunnerit atuartitsiviusut katillugit: 3.088,16  
 Suliassat nalinginnaasut katillugit: 627  
 Suliassat ataasiakkaat katillugit: 537,60  
 Aqutsinermut piffissaq atugaq katillugu: 360  
 Sulinnigiffiit ulluinnarnilu nalliuttut katillugit: 592  
 Atuarfiup katillugit akunnernik atuinera: 5.204,76  
 Taakkunanga atuarfiup tamakkiisumik suliassai: 4.612,76

**Atammiup atuarfiata nalunaarusiani suli naammassisimangilaa. Taamaattoq 2008/09-mut  
tunngasoq ilanngunneqarpoq.**

Amerlassusiliineq	Ilinniartitsisut	Piareersarfiusumi Ilinniartitsisut	Timelærer-it	Amigaataasut
6,10	3	0	2	3,10
100 %	49,18 %	0	32,78 %	50,81 %

Atammiup atuarfiani sulisut 5-upput, tiimit tamarmik naammaginartumik matussuseqqapput, taamaattoq  
 atuarfiup aqutsisua allatut ajornartumik tiimit matussuserniarlugit qaanngiuttoornerpassuaqarpoq. 2008-  
 mi oktobarip 1-ani ilinniartitsisut 3,10 amigaataapput.  
 Taamaalilluni atorfiit 50,81 %-it ilinniarsimasumik inuttaqanngillat.

Atuartut amerlassusaat: 27  
 Akunnerit atuartitsiviusut katillugit: 8.200  
 Suliassat nalinginnaasut katillugit: 1.597,70  
 Suliassat ataasiakkaat katillugit: 274,50  
 Aqutsinermut piffissaq atugaq katillugu: 810  
 Sulinnigiffiit ulluinnarnilu nalliuttut katillugit: 1.480  
 Atuarfiup katillugit akunnernik atuinera: 12.362,20  
 Taakkunanga atuarfiup tamakkiisumik suliassai: 10.882,20

**Qeqqata Kommunia - Kommunalbestyrelsip februaarip 23-ani 2010-mi ileqquusumik  
ataatsimiinnerata 01/2010-p imaqarniliornera**

Ukiuumut atuarfiusumut 2009 / 2010 ilinniartitsisussatut amerlassusiliinermit katillugit 76,22-nit (Atammik minillugu).

Maniitsumi nunaqarfiinilu atuarfeqarfimmi ilinniartitsisut atuartitsisullu 57-upput, tassalu ilinniartitsisut ilinniarsimasut 35-it.

Ilinniartitsinerup matussusernissaanut sulisut ilinniarsimasut 45,91 %-it matussusiisuupput. Taamaalilluni ilinniartitsisut ilinniarsimasut katillugit 54,08 % amigaataapput.

**Innersuussut**

Kommunalbestyrelsimut innersuussutigineqassaaq, suliaq oqallisigineqareerneratigut Ilinniartitaanermut Kulturimut Sunngiffimmullu ataatsimiititaliami oqallisigisassatut ingerlateqqinneqassasoq.

**Aalajangiineq**

Innersuussutigineqartoq akuersissutigineqarpoq.

**Ilanngussat**

1. Karl Davidsenip februaarip 2-ani 2010-mi e-mailerutaa.



**Imm. 29 Apeqquteqaatit – Atammimmi Napasumilu pissutsit assigiinngitsut**

*Journalnr.*

Tunuliaqutaq

Kommunalbestyrelsesimi ilaasortaq Beathe Poulsen februaarip 2-ani 2010-mi e-mailikut kommunalbestyrelsimut tulliuuttut apeqquteqaatigivai

1. 2010-miit 2013-imut sanaartugassat tulleriissaarneri  
2010-miit 2013-mut sanaartugassat Atammimmi tulleriissaarneri ujjartorneqarput, nunaqarfimmi aqutsisut Atammik / Napasoq ataatsimeeqatigiinnerminni pingaarnersiorsimasat.  
Peqqutaavoq: Kommunalbestyrelse-mut qinigaaffimmi siulianili Atammimmi sanaartorneq uninngasimammat, naak atuarfiliorneq taakkarsorneqaraluaqisoq.  
Allaffeqarfiup akissutaa  
2010-mut ukiunullu missiliuuteqarfiusunut sanaartornissamut missingersuutini akuersissutigineqarsimasuni Atammimmi sanaartortoqarnissaanut aningaasanik immikkoortitaqanngilaq. 2008-mi 2009-milu atuarfik allilerneqarpoq.
2. Konto 44 (inuussutissanut ikiorsiissutit)  
Missingersuutini Maniitsoq isiginiaraanni, konto 44-mut (Inuussutissanut Ikiorsiissutit) Atammimmiut ujjartuupput, siornatigut konto taanna Atammimmuttaaq ilaatinneqartarsimagaluarmat maanna taanna konto Atammimmiit – Maniitsumut qinnuteqarfissaannartut atuunnersoq.  
Allaffeqarfiup akissutaa  
Pisortanit ikiorsiissutinut konto 44-uunani konto 45-voq, taamaattumillu suleriaasiusoq allanngortinneqarnikuunngilaq. Pisortanit ikiorsiissutissatut aningaasat immikkoortinneqartut konto 45-miipput.
3. Nalluata illuaraa Niaqunngunamilu illuaraq  
Nalluata Illuaraa, Niaqunngunami aalisartut / piniartullu illuaraat Maniitsumiit – eqqaamiorisatsinnillu tamanik piniariarfittut atorluagaasup ( Maniitsumi ) kommunalbestyrelse atuukkallarmalli ilaqqinneqarnissaanut 75.000 krone-t akuersissutaasimasut piviusumik takkutinnngisaannarsimasut, taamanikkut nunaqarfimmi aqutsisut siunertalorsimagaluarputilaatigut lejrskolertarfittut aamma aqqissuunneqassasoq.  
Allaffeqarfiup akissutaa  
Niaqunngunaq-mi (Fiskefjorden) illuaqqap piniariartarfiup allilerneqarnissaanut Maniitsumi Kommuniiani 2008-mut missingersuutini 75.000 kr.-it immikkoortinneqarsimapput. Illuaqqap allilerneqarnissaanut aningaasat immikkoortinneqartut naammassimannngimmata qanoq iliuuseqarfigineqarsimannngilaq. Taamaattumik illuaraq allilerneqassappat, aningaasat amerlanerusut immikkoortinneqartariaqarput. Illuaraq ungasiartumiippoq, taamaattumillu assassortut suliassamik tigusinissaminnut soqutiginarpallaaratik.

4. Atammimmi iliveqarfik  
Atammimmi iliveqarfissamut tunngatillugu / toqqissisimanarunnaarpoq, maanna iliveqarfiup ulikkaalivissup – sumullu nuussappat suli aalianginngisap aamma suliarineqarnera sivitsorami, qaqugorpiaq taanna suliarineqassasoq oqaatigisinnaangussavarput?  
(Tassani eqqarsaatigeqqunarpoq aamma nunaminertap nuuffiusinnaasup misissorneqarnissaa.)  
Allaffeqarfiup akissutaa  
Atammimmi nutaamik iliveqarfiliortoqarnissaa pillugu Teknikkimut Avatangiisinullu ataatsimiititaliaq 2010-mut sanaartugassanut missingersuusiornermi innersuussuteqarnikuuvoq, Kommunalbestyrelsili 2010-mut ukiunullu missiliuteqarfiusunut siunertamut aningaasanik immikkoortitsinngilaq. Maannakkut iliveqarfik inissaarulluinnalermat allilerneqarsinnaangimmallu pisariaqartitsineq annertuvoq. Atammimmi iliveqarfik 2011-mut sanaartugassanut missingersuusiornermut ilanngunneqartariaqarpoq.
5. Atammimmi ilinniartitsisussaqaarniarneq  
Atammimmi ilinniartitsisussaqaarniarneq, maanna ilinniartitsisutut ilinniarsimasut marluk timelærer-it marluk fastvikarilu ataaseq sulipput, assersuutigalugu tikisitsiniassalluta ilinniarsimasunik ussassaarutissaaleqivugut, ilinniartitsisunut illugitneqartoq INI a/s-mit illuutigineqartoq maannakkut tuniniagaavoq.  
Allaffeqarfiup akissutaa  
Illut najorneqanngitsut allat assigalugit ilinniartitsisunut illu B-1016 tuniniarnikuugaluarparput, illuli ilinniartitsisunuinnaq atugassiaaneranik, atuarfiullu suli pisariaqartikkaa pillugu Ilinniartitaanermut pisortap ilisimatitsinerata kingunerisaanik illup tuniniarneqarnera taamaatiinnarneqarpoq.
6. Atorfilinnut inissiat  
Atorfilinnut inissiat marluk qaqugorpiaq suliarineqalissanersut ujartoqquneqarpoq.  
Allaffeqarfiup akissutaa  
Atammimmi sulisunut inissialiortitsinissamut 2010-mut sanaartugassanut missingersuutini ukiunullu missiliuteqarfiusuni aningaasanik immikkoortitsisoqarpoq.
7. Puttasut, quit illuaqqallu  
Aalisartut Piniartullu Qeqqata Kommuniani ataatsimoortinneqarmata puttasut, aalisartullu quii, ilaatigullu illuaqqat sanaartorneqarnissaanik neriorsuisoqarsimanera qaqugorpiaq pissanersaq qaqugu oqaastigisinnaalissavarput.?  
Allaffeqarfiup akissutaa  
Kiap taakku neriorsuutigisimanerai allaffeqarfiup ilisimanngilaa. Soorunalimi siunertamut aningaasaliisoqaraluarpat tamanna misissorneqarsinnaavoq. Kangaamiuni aalisartunut quiliinissamut Napasumilu puttasuliinissamut, Maniitsup Kommunerisimasaa 2008-mi immikkut aningaasaliissuteqarnikuuvoq.
8. Qatserisartut qaammammusia  
Nunaqarfinni qatserisartut qaammammusiakippallaarneri aamma ujartuiffigeqquneqarpoq.  
Allaffeqarfiup akissutaa  
Qatserisartut tamarmik, aamma nunaqarfinni qatserisartut, Qatserisartoqarnermut maleruaqqusaq 2002-mi apriliip 19-ianeersaq naapertorlugu akissarsitinneqartarput. Qatserisartut akissarsisinneqartarnerat maleruqqusatigut aalajangigaammata kommuni allanngortitsisinnaangilaq.

**Qeqqata Kommunio - Kommunalbestyrelsi februaari 23-ani 2010-mi ileqquusumik  
ataatsimiinnerata 01/2010-p imaqarniliornera**

**Innersuussut**

Innersuussutigineqassaaq, allaffeqarfiup akissuteqaatai kommunalbestyrelsi paasissutissatut tigussagai

**Aalajangiineq**

Paasissutissatut tiguneqarpoq.

Apeqqutit akissutaallut Nunaqarfinni Aqutsisunut ingerlateqqinneqassapput.

**Ilanngussaq**

1. Beathe Poulsenip e-mailerutaa februaari 2-ani 2010-meersoq

**Imm. 30 Tamalaat**

Kangaamiuni Katersugaasivimmut tunngasoq Regine Petrussenip apeqquaqataa,, kommunimi pisortaanermit akineqarpoq.

2010-mi missingersuutini Kangerlussuarimi illuaqqamut tunngasoq Morten Siegstadip apeqquaqataa, borgmesterimit akineqarpoq.

Ataatsimiitaliani siulittaasut naapinneqarsinnaaneri pillugit Karl Davidenip apeqquaqataa, kommunimi pisortaanermit akineqarpoq.

Qeqqata Kommuniani suliffissaaleqineq pillugu Karl Davidsenip apeqquaqataa, ataatsimiitaliami siulittaasup nalunaarutaani akineqarpoq.

Maniitsumi naluttarfittaarniaqatigiit katersaat pillugit Karl Davidsenip apeqquaqataa, kommunimi pisortaanermit akineqarpoq.

Qeqqata Kommuniani upalungaarsimanermit pisortaq pillugu Morten Siegstadip apeqquaqataa, kommunimi pisortaanermit akineqarpoq. Pisortaqatigiinni eqqartorneqareerpat ingerlateqqinneqassaaq.

Qeqqata Kommuniani 2009-mut naatsorsuutaagallartut borgmesterimit ilisimatitsissutigineqarput.